

5
5
1
PETRI FON

TIDONII DOCTORIS
THEOLOGI PRO SACRO, ET
Oecumenico Concilio Trident.
aduersus Io. Fabricium Mon-
tanum ad Germanos

ORATIO.

Prouerb. cap. 16.

*Responde stulto iuxta stultitiam
suam, ne sibi sapiens esse videatur.*



COLONIAE
Apud Maternum Cholinum,
Anno LXIII.

1571
 1572
 1573
 1574
 1575
 1576
 1577
 1578
 1579
 1580
 1581
 1582
 1583
 1584
 1585
 1586
 1587
 1588
 1589
 1590
 1591
 1592
 1593
 1594
 1595
 1596
 1597
 1598
 1599
 1600

2

3
PETRI FON-
TIDONII DOCTORIS
THEOLOGI PRO SACRO, ET
Oecumenico Concilio Trid. aduersus
Io. Fabricium Montanum
Ad Germanos
ORATIO.



F T S I ad asserendam sacrosancti Cōcilij Tridentini auctoritatē, & ad insanam Io. Fabricij Montani maledicendi libidinem comprimendam, fru-

stra fortassē hic à nobis labor susceptus esse videat, cū & Concilij auctoritas summa Spiritus sancti præsentia, atque patrocinio contra sceleratorum hominum audaciam, tecta satis atque munita sit, & Fabricij improbissima oratio, omnium sit bonorum virorum iudicio, opinioneque damnata, quā nemo est qui legat, qui non miretur, & monstri simile ducat, repertum fuisse hominem, qui id fuerit aggressus,

A 2 quod

quod vel dæmonis ipsius fugisset, & reformidasset audacia: sed quoniam ad vos, ô viri Germani, admonédos oblata hæc occasio aptissima visa est; non tam quidem vt homini scelerato, & improbo respondeam, (quem omnes extremo potius supplicio, quàm vlla responsione dignum arbitrantur) quàm vt Illustris. Ecclesię principi Episcopo Salmantino, qui mihi hanc prouinciam imposuit, & pijs etiam alijs, atque doctissimis viris, qui id à me impensè flagitarunt, satisfaciam; tum verò vt tantam huiusce rei indignitatem vestris oculis obijciam; hunc mihi laborem suscipiendum putavi: vt si minus maternis ecclesię vocibus, quæ vestræ potissimùm salutis studio, hoc tantum Conciliũ cogendum curauit, si minus, illius lacrymis, quas vestri desiderio fundit, cõmouemini, tam improbis saltem, tam audacibus, tam nefarijs, & sceleratis ministris, tandiu vos seruire (vt par est) indignissimũ iudicetis. Quid enim, obsecro per Deum immortalem, indignius fingi, aut excogitari potest, quàm sapientem, generosamq; Germaniam magna ex parte sic à veteri sua gloria degenerasse, vt se ab ijs hominibus miserè captiuam

uam duci patiatur? quid turpius, quàm ijs
parère præceptorib. qui dū se, veros Euan-
gelij sectatores profitentur, sic omne euan-
gelicam modestiam exuerunt, vt ab om-
nibus Euangelij potiùs hostes, quàm verè
cultores iudicentur? Quid ignominiosius,
quàm istorum hominum causa, in eam in-
famiae notam incurrisse, vt nullus sit, qui
non eam aut tam cæcam, & stupidam arbi-
tretur, quæ se decipi non sentiat: aut tam
abiectam, quæ turpissimum istud seruitu-
tis iugum à sordidissimis hominibus li-
beris suis ceruicib. imponi patiatur? Quòd
si nulla hæcenus huiusmodi infamia labo-
rasset, eam nunc illi vel maximam hac vni-
ca oratione Fabricius inussisset: quam qui
legunt, cùm cogitant esse in Germania ho-
minem, quem pleriq; Germanorum (neq;
enim omnes istorum erroribus acquies-
cunt) tanquam Christi ministrum (si dijs
placet) suspiciant, & veneretur, quem vir-
tutis ducem, atque magistrum sequantur,
quem veluti pbitatis, mansuetudinis, bo-
nitatis, & euangelicæ modestiæ exéplum
sibi imitandum proposuerint. Qui tamen
sacrum, & œcumenicum Cōcilium, maxi-
ma patrum frequentia, communi totius

orbis cōsensu, summis & ardentibus Chri-
stianæ reip. votis, sanandæ ecclesię vulnera,
instaurandæ religionis, & cōponendæ pa-
cis studio coactū, quod vel angeli ipsi re-
uerentur, ipse improbißimis cōtumelijs,
& opprobrijs laceßiuerit. Cū cogitant
esse in Germania aliquam rempub. tam
barbaram, tam suæ dignitatis, & existima-
tionis oblitam, quæ huiusmodi oratio-
nem prælo committi, & in publicum pro-
dire patiatur: non illi quidem indignan-
tur, sed dolent; non irascuntur, sed mise-
ricordia commouentur: & illa iustissima
indignatio, quam vel à mansuetissimo pe-
ctore tanti sceleris immanitas extorquere
potuisset, in lacrymas, & commiseratio-
nem versa efficit, vt omnes iam miseram
conditionem & infelicitissimam Germa-
norum sortem lamententur. Qui abstra-
cti à via veritatis, & in errorum præcipitia
deuoluti, diuina clementia, & omni cælo-
sti lumine destituti, & in profundum cæ-
citatis baratrum lapsi, desperata iam prorsus
salute esse videantur. Itaq; prius quàm
obiectis ab illo criminibus, aut, vt verius
dicam, improbißimis cōtumelijs respon-
deam, huius tanti sceleris magnitudinem
per-

O R A T I O.

7

perpendamus, vt quibus hominibus feruiatis cū ex istius impudentia deprehenderit, si vlla scintilla antiquæ fidei, & religionis vestris in mentibus resedit, si vllus vobis veteris gloriæ sensus remansit, pœnitentia ducti & pudore aliquādo suffusi lugeatis: & qui nullius nunquam tyrannidem perpeti potuistis, iugum istud acerbissimum, quod falsa quadam libertatis specie homines nouarum rerum cupidi vobis imposuerunt, cōcepta aliquando iustissima indignatione repellatis. Illud igitur in primis, vt ad te veniam, Fabrici, & primū tuæ audaciæ, & improbitatis testimonium producam; affirmare tibi ausim, neminem extitisse, qui cū tuam legerit orationem, non existimauerit, & certò crediderit nullum esse hominem in Germania, qui Fabricius Montanus appellaretur, sed sub hoc falso, & ementito nomine laruatum aliquem, & scenicum Satanæ ministrum delitescere: qui vt honori suo, & existimationi consuleret, suo etiam nomini pepercerit; quia neminem tam impudentem reperiri posse arbitrabantur, qui eiusmodi orationi, hoc est, qui tanto sceleri sui nominis ti-

A 4 tulum

tulum præfigerët. Sed illud abs te quero
 principio, cum hæc in sanctam Synodum
 scribere, aut potius euomere cogitabas,
 nõn quid ex Italia, Hispania, Gallia, Hun-
 garia, Anglia, Græcia, Dalmatia, Boëmia,
 Polonia, Hybernia, ex ipsa Germania, ex
 toto denique orbe Christiano doctissi-
 mos, & grauissimos episcopos, alios etiam
 quàm plurimos omnium literarum gene-
 re præstantes, & excellentes homines, flo-
 rem, inquam, reipub. Christianæ in hunc
 locum confluxisse, sciebas, an non? nun-
 quid Ferdinandi Cæsaris, omnium regum,
 principum Christianorum, & rerum pub-
 licarum legatos hic adesse intelligebas, an
 nõn nunquid eos omnes, non alio nomi-
 ne conuenisse, quàm vt ecclesiæ saluti con-
 sulerent, & ruenti religioni Christianæ
 subuenirent, ignorabas, an non? si non
 intelligebas, cur fuisti tam cæcus, & teme-
 rarius, vt quorum dignitatem summam,
 & studia sanctissima ignorabas, illorum
 conatus, & facta impudentissimè repre-
 henderes? si intelligebas, neque enim est
 credibile, vt quidpiam te inscientem &
 ignorantem fecisse fatearis: ô scelus in-
 expiabile, ô inauditam improbitatem.

GUILI

A

Quæ

ORATIO.

Quæ tanta infania, quæ tanta audacia, atque dementia tuum istum sceleratum animum potuit impellere, ut vinolentæ atque furentis orationis aculeos in eos exereret, quos lumina Christianæ reipub. agnoscebas? quæ tanta maledicendi rabies tuum istud sacrilegum pectus inuasit, ut in totius orbis gentium sanctissimum, sapientissimumque senatum tam impudenter insultares? Nunquid, Fabrici, cum hæc cæco furore meditaberis, ducenti quinquaginta, & eo amplius episcopi, & alij quamplurimi doctissimi homines ante tuos oculos versabantur: quorum si non sapientiam, auctoritatem, & canos reuereri, tacita saltem de tua singulari improbitate iudicia reformidare, & perhorrescere debuisses? Quod si hæc tibi in mentem veniebant, qua fronte hæc scribere ausus es? non vultus concidit? non erubui? nihil te concilij Maiestas, nihil religio, nihil pudor, nihil tuum istud evangelium? nihil modestia Christiana, nihil Christi exemplum, legesque mouerunt? Paulus Apostolus cum suum illud os sanctissimū improbiissimi magistratus iussu, iniustissimè verberari videret, quod prin-

Act. 22.

A 5 cipem

cipem sacerdotum, paulò liberius, dealbatum parietem appellasset, pœnitentia ductus, hoc solum nomine se dignum veniam iudicauit, quòd ignorantia lapsus diuina præcepta violasse videretur: tu non sceleratum aliquem magistratum, sed Christi sanctissimos ministros, non vnum, aut alterum principem sacerdotum, sed omnes fermè ecclesiarum omnium pastores, nulla lacepsitus iniuria, sed omni amoris, & beneuolentiæ significatione prouocatus, sceleratos, improbos, & impostores sciēs, & prudens appellabis? Si seruus dominum, si filius parentem, si subditus magistratum vel verbo leuissimo violauerit, illum omnes omni supplicio dignissimum arbitrantur: tu cœtum omnium, quos habet Christianus orbis, grauissimum, tu tot patres, tot principes, & magistratus improbisimis contumelijs, & iniurijs impunè lacerabis? Multi antiquis temporibus iam inde ab ipsis exordijs, & incunabilis nascentis religionis, acerrimi ecclesiæ hostes extiterūt, qui miris illâ modis, indignissimisq; vexarunt, qui atrocissimas excitarunt tragœdias, qui maledictis, & opprobrijs illius filios fuerint infectati: sed nulus

lus vnquam repertus est in tanta veterum
hæreticorū sylua, tam perfriſta fronte, tam
effrenata audacia, qui concilia cōtumelijs
laceſiuerit, qui in illorū ſacroſanctam au-
ſtoritatē editis famoſis libellis fuerit de-
bacchatus. Repete veteres historias, euol-
ue antiqua ſcriptorum monumenta, reuo-
ca in memoriā Arrios, Sabellios, Macedo-
nios, Neſtorios, nullū vnquam tanti ſcele-
ris veſtigium, nullum reperiſ exemplum,
quod ſeq, aut imitari potuiſſes. Pugnat
quondā Arrius cum Athanaſio, Valētinus
cum Ireneo, cum Origene Celſus, cū Hie-
rony. Iouinianus, cū baſilio Eunomius, cū
Aug. Pelagius; ſed cum ſynodis, cū conci-
lijs generalibus, nullus vnquam pugnauit
hæreticorum tam apertis iniurijs: tu ſolus
inuētus es, qui quod hæretici, quod latro-
nes, quod Turcæ, quod barbari homines,
quod ipſamet improbitas facere erubuiſ-
ſet, facere auderes. Quod ſi aliqua ſpe hoc
tantum facinuseſſes aggreſſurus, licet eſ-
ſes, vt es, improbiſſimus, non tamen
ita perditus, & inſanus iudicareris: nunc
verò qua ſpe adduci potuiſti? nunquid
hac via tuam deploratiſſimam cauſſam
firmari, & ſtabiliri poſſe putabas? quam
ſi iu-

si iustissimam haberes, hoc scelere iniustissimam reddidisses? quo more? quo exemplo? quo pretextus? quo colore? nullo plane iudicio meo, nisi quòd, ut ego arbitror, audacia, scelere, furore, & aliquo insigni facinore, tanquam incenso Dianæ templo, qui alioqui, ignotus, & obscurus delitescebas, celebris, & clarus esse voluisti. quanta illius facinus cum tuo scelere nulla ex parte cõferri potest: lōgo interuallo illius improbitatem superasti. Ille templum magnificum, & amplissimum à tota Asia constructum, sed tamen falsæ & eментitæ Deæ templum incendit, sed eo nomine felix fuit, quòd nefanda dæmoniorum simulacra eodem simul inuoluit incendio: tu verò non ligna, aut trabes, non muta saxa, atq; parietes, sed viuos ecclesiæ lapides, firmissimas columnas Christianæ religionis, sanctissimos, inquam, pastores, ipsa Spiritus sancti templa, sacrilegæ cuiusdam orationis facibus, quantum in te fuit, incendere voluisti. O mentem sacrilegam, quæ tantum facinus concipere; digitos sceleratos, qui hæc scribere potuistis; cæcā remp. quæ ea in manus hominum venire ad suum dedecus sempiternum passa est. Nam si Nican-

der

der Argiuorum remp. malè moratam esse censuit, quòd in ea liceret improbis de bonis impunè malè loqui, quid de illa præsens seculum, & posteritas iudicabit, quæ huic homini in sacrū, œcumenicūq; concilium hæc scribere, & prælo mandare permittit? Sed quoniam ego, viri Germani, non arbitror hunc hominem tam esse dementem, tam stupidum, tam nihil sciētem, qui tantum in se scelus admittere, tantum honori suo, & existimationi, infamię dedecus inferre decreuerit, nisi aliquem ex hac audacia fructum percipere cogitasset: quid ille mihi sensisse, quid spectasse videatur, quo consilio hoc facinus fuerit aggressus, explicabo. illius detegam insidias, vt intelligatis, eum non tam aliquam excusationē quæsisse, quam nullā poterat habere, quàm latibula quædam inuestigasse, quibus & suum scelus occultaret, & vestris oculis in tā aperto crimine tenebras, & noctem offunderet. Nam cūm Carolo V. Cæsari inuictissimo essent aliquando polliciti, se concilio adfuturos, & illius decretis obtemperaturos, non modò vocati postea venire recusarunt, fidem seruare noluerunt, sed nefarijs consilijs, illud dissipare conati sunt,

ne

ne cū illorum errores in lucem prodij-
sent, cū fraudes, quibus infelicissimę ple-
bi imposuerunt, fuissent detectę, cōcilij au-
thoritate, decretisq; cōuicti, digni suppli-
cio iudicārētur: & vos cū ab illis deceptos
fuisse intelligeretis, in eos, tanquā in p̄di-
tores religionis, & vestrę salutis hostes ani-
maduertendū esse duceretis. Nunc verō cū
tanta patrū frequētia, tanto animorū ardo-
re, tanto studio, & tam certa spe cōciliande
pacis, cōcilium coactū intuentur, cū vi-
deant se tam apertis indicijs, beneuolen-
tię fide publica data à sancta synodo voca-
ri, vt laboranti ecclesię Christi cōmuni au-
xilio, & opera subueniatur: veriti iam, ne, si
toties ad hanc sanctam, licet illis formida-
bilem arenam, prouocati, tam celebris con-
cilij iussa contempserint, & hanc toties ob-
latam palæstram recusauerint, vobis in su-
spicionē veniant, vt par est, corruptæ à se,
atq; deprauatę religionis, veriti, ne hoc ve-
luti pręiudicio, tanquam causę desertores
damnati videantur, in summas angustias
coniecti, consilij iam, atq; rationis in opes,
cæco quodam, & insano furore correpti,
in eas, mihi credite, voces proruperunt.
Quid agimus? Nunquid tanti concilij tam
piam

piam & salutarem admonitionem contem-
nemus? sed qua ratione effugiemus despe-
ratæ victoriæ suspicionem? nunquid ob-
temperabimus? atqui, iam ipsa nobis præ-
figit, testificaturq; conscientia, nos simul
cum deplorata causa fore damnandos.
Quod si euenerit, quid agemus? quid capie-
mus consilij? quo nos damnati recipie-
mus? nūquid ad aduersarios, vt iam diu de-
bitas illis pœnas persoluamus? nunquid ad
nostros, à quibus tanquam ecclesiæ prodi-
tores repudiemur? Videte per Deum im-
mortalem, viri Germani, quàm cæca sit im-
probitas, nulla alia via, in tanta rerum de-
speratione commodior visa est, quàm si
sanctissimam synodum contumelijs af-
ficerent, auctoritatem maledictis eleua-
rent, firmam satis futuram suam causam,
tectam abundè suam innocentiam sunt
arbitrati, si præterita flagitia nouo nunc,
& inaudito improbitatis genere cumula-
rent. Quid plura? placet hæc omnibus
sententia, quæritur ad hanc rem idoneus
minister, vnus inter omnes repertus est
Fabricius, cæteris ad suscipiendam hanc
impiam causam audacior, ad agendam im-
pudētior, qui ijs esset moribus, & ingenio,

vt

vt facilè scelesto facinori scelestiorem orationem adhiberet, qui omnes in hanc unam rem audaciæ nervos intenderet, qui se elaborata oratione, ad infringendam, & evertendam concilij Tridentini auctoritatem componeret, qua salua, se saluos esse non posse intelligebat. Rem igitur aggreditur, argumentum, quod & vobis decipiendis, & salutis causæ aptum sibi visum est, declamatorio more tractandum sibi proponit, in quo vires ingenij & eloquentiæ, aut singularis potius impudentiæ, & improbitatis ostentaret, Concilium videlicet Tridentinum non posse à Christianis hominibus sine scelere frequentari. colligit deinde argumenta ex loco, ex personis, ex fide publica, ex euentu: quæ quia per se non satis firma videbantur, cõtumelijs, iniurijsq; munivit. Quæ dum ostendo qualia sint, vos obsecro, viri Germani, diligenter attendite; & quas hæcenus ijs Syrenum cantibus aures exhibetis, tanto cum dispendio salutis vestræ, eas nunc mihi veram vobis libertatem, salutem & felicitatem ex animo cupienti præbeat. futurum equidem spero, vt si minus oratione nostra persuasi, istorū saltē improbis factis, & verbis offensi, vos à Chri-

Montani
argumen
tum.

à Christi suauissimo iugo ad istorū superbissimam tyrannidem abstractos, à dulcissima pace, atq; concordia ad dissidia, atq; contentiones traductos iniquo animo feratis, & tædio tandem huius tam misere, & diutinæ seruitutis, & desiderio veræ libertatis adducti, ad ecclesiæ matris carissimæ sinum redeatis. Sed illud iam abs te quæro Fabrici, vt ab ipso tuæ orationis argumento exordiamur, cùm concilium Tridentinum à Christianis hominibus sine scelere frequentari nō posse affirmas, quid nomine Christianorum intelligas: nunquid eos solos, qui sunt vestrarum partium, aut eos tantū, qui sub Christi sanctissimo vicario militamus, aut vtrosq;. (quanquā non ego te in nos tam bene animatum esse existimo, qui in Christianorum numero censeas nos esse collocandos) si vtrosque, ô stultitiam, & improbitatem hominis singularem. tū ne clarissimum Imperatorem Ferdinandum, Hispaniæ, Galliæ, Hungariæ, Lusitaniæ, Poloniæq; reges, tū ne cæteros orbis Christiani principes, qui huic sacro concilio per suos legatos interfunt, improbos & sceleratos appellabis? necesse est enim id fatearis, si Concilium hoc à Chri-

B stianis

stianis sine scelere frequentari non potest:
nisi tu illos solummodò censes esse Chri-
stianos, qui ab Ecclesia catholica, qui à
summo Pontifice, qui deniq; ad vos à Chri-
sto defecerunt. Quod si sic est, quemadmo-
dū in extrema orationis parte d'ertis ver-
bis explicasti, non intelligebas te impera-
torem, reges, & principes Christianos in
hæreticorum numero relinquere? nisi for-
tasse leuiorem esse contumeliam iudicasti,
illos hæreticos potiùs, quàm sceleratos ap-
pellare. Quæ istæc est dementia, quæ insa-
nia, qui mentis stupor, Fabrici, neq; enim
hîc iam improbitatem, sed summam stulti-
ziâ reprehendo, qui in ipso limine, atq; ve-
stibulo orationis, veluti cantherius in por-
ta, tam turpiter impeggeris, vt eos, quibus af-
sentari magnoperè cupiebas, quos tibi red-
dere propitios, quorū gratiam inire (vt sta-
tim ostendam) vehementer optabas: illo-
rum contra te indignationē, inaudito con-
tumeliæ genere prouocaueris, qui eos aut
hæreticos, aut sceleratos esse dixeris. Sed sit
hoc ignauia, socordia, & stultitia tuæ, qui
nobis statim indicare voluisti, te virum mi-
nimè malū esse, vt cætera, quæ à te dicentē,
non tam callido, astuto, veteratori, vafroq;
hosti,

hosti,quàm simplici, vecordi, stulto, & infano morioni tribuantur. Sed venio iam ad tuam præclaram orationem, in qua multa mihi necessariò prætermittenda sunt, ne eorum cõmemoratione piæ, atq; Christianæ aures offendantur. Ea etenim cõuicia, eas cõtumelias in sanctissimum istum senatum cõiecisti, quæ, ne iterum nominentur, reprehendi nõ possunt. cogor itaq; hac in parte honori tuo seruire, dum consulo pudori meo. Tuum silentiũ diuturnum, quo in tanta animorũ contentione te hæctenus ^{Montan} vsum fuisse dicis, tranquillitati, & otio cõ- ^{nus.} sulentem, petulanti nunc aduersariorũ procacitate expugnatũ fuisse proclamas, quòd ab ijs, qui conuentus Tridenti agitant vniuersi, & singuli, qui Christi euangeliũ prædicant, edicto, & fide publica superbè, & imperiosè nimis euocentur. neque id esse mirandum, cùm pro ea, quam sibi vsurpant, auctoritate, regibus quoq; & monarchis insultent. Adhibes deinde maledicta, & contumelias, & ad obsistendũ sacri Cõcilij conatibus classicum canis, ac veluti seruos ad pileum vocans, licet non ad parandam, sed ad conseruandam & retinendam miseram vestram, & spurcissimam carnis libertatẽ,

tuorum satellitum, hoc est, Ecclesiæ hostium animos accendis; & vt sese fortiter opponant Spiritui sancto, vt obuiam eant Concilio Tridentino, quasi scelus aliquod agredienti, atq; illi resistent, adhortaris; & te, qui in hoc tanto bello contraveritatem suscepto, non alijs armis, quàm conuicijs pugnare posse confidebas, meritò sanè calonis partes acturum polliceris. Quid primum querar, viri Germani? aut quid potius primum doleam, & deplorabo? nūquid huius hominis summam peruerſitatem & audaciam? aut illorum miserrimā sortem, qui ijs ducibus cæcis, & improbis seruire coguntur, quorum vestigijs inherentes, in errorum foueas, & præcipitia deuoluuntur? aut nostrorum potius temporū conditionem infelicissimā, quæ huiusmodi homines, non modò viuere, sed florere, & alijs dominari, atq; in vnus tanti Concilij auctoritatem inuchi, insultare patiantur? sed hæc duo extrema in aliud tempus reserua-
bo, huic nunc homini respondebo. Altissimi igitur silentio, & profundo somno demersus Fabricius hætenus iacebat, suis erroribus optimè constitutis, & tanquā par-
ta iam de aduersarijs victoria veluti in ipso
finu

sinu gloriæ positus quiescebat, & inter tot opinionum turbines & tempestates, quibus Gallia, Germania, cætereq; prouinciæ Christianæ iactantur, ministris alijs sollicitis, atq; vigilantibus, ipse solus otio, atque somno frui poterat, quia nihil, videlicet, erat, quod tantum principem excitare; tanti patroni silentium rumpere, & feriatam illius vocem extorquere mereretur. cætera minora prælia, Caluino, Musculo, Brentio, atq; alijs infimæ classis ducibus permittebat. ipse princeps & antesignanus se in difficiliora tempora & bella reseruabat: quia indignum esse ducebat tanto Imperatore, si priusquam ad Triarios res esset deuoluta, ipse gladium educeret, & in aciem procederet. Vnicum Concilium Tridentinum, hoc est, vniuersa Ecclesia Christiana illius sanctissimum silentium rumpere, & expugnare potuit: vnicum, atque solum Concilium Tridentinum, dignum visum est, quod istius Aeneæ magni dextra cadere debuisset. O præclarum Imperatorem, qui omnes Lutheranos, Caluinos, Melancthones, Oecolampadios, Buceros, & reliquos tuæ notæ duces, si non eruditione, industria, & calliditate, impudentia saltem, &

studio maledicendi longè superasti. Ne tu Seriphia rana melius famæ tuæ, tuorum ciuium honori, & totius Germaniæ existimationi antiquo illo tuo silentio cōsuluisses: quàm recenti hac, & improbissima voce, tuam alioqui perditā causam acriùs vulnerasses, & tibi, tuisq; omnibus sempiternū dedecus inuississes. Qua fronte, & quo ore sanctissimum Cōcilium petulantia & pro cacitatis insimulasti? qua audacia fidem publicā, qua illi, qui ab Ecclesiæ sinu, magno cum eius dolore, operā vestrā auulsi sunt, tam piè, tam beneuolè, & tam amicè accersuntur, superbam tu euocationem appellasti? Nam quodd Concilij patres eam sibi auctoritatē vsurpasse criminari, vt regibus, atq; monarchis insultent, facis tu quidem consultò, vt principibus, atque monarchis assenteris, sine quorum præsidio, hæc tanta tua audacia impunita esse non posset. Hoc consilium secuti tui maiores, quia istud hæresum monstrum sine patrocinio regum adolefcere nō posse videbant, summam illis in Ecclesia auctoritatem deferentes, sacerdotium regno, spiritum carni, terræ cælum, humanis potiùs diuina seruire, quàm illorum auxilio carere voluerūt:

vt quoniam alia ratione illis non licebat, tyrannide saltem, tuti esse possent. Illorum igitur hac via sibi gratiam conciliant & suas hæreses eorū potētia, atq; gladiis muniuerūt: sceptrā ecclesiæ, & illius spolia quibuscūq; principib. Christianis tradiderunt. illi verò, qui facile sibi (vt est hominum ingenium) vel diuinos honores deferri patiuntur, non Saulis, aut Ozæ supplicio, in longè minori scelere reuocati, aut deterriti, illorum stultissimis argumētis, & nefarijs consilijs persuasi, ex illorum sceleratis manibus, pastores baculos accipientes, non modò se sacerdotes, sed summos etiam ecclesiæ sacerdotes, & principes dici, & haberi voluerunt. Testis est vnus Henricus viij. Angliæ rex, qui Sampsonis cuiusdam vel leuissimo verbo conuictus, qui reges summos esse sacerdotes dicebat, quòd beatus Petrus, reges honorandos esse dixisset, eò processit infaniæ vir, alioqui excelsi animi & ingenij, vt ex acerrimo ecclesiæ propugnatore redditus hostis implacabilis, se tanquā supremum pastore colī postulauerit edicto publico: tātōq; odio, & indignatiōe in illos exarserit, qui se illius improbis conatibus, & edicto opposuerunt,

vt huius rei gratia duo illa Angliæ luminæ
& ornamenta, Thomam Morū, & Roffen-
sem Episcopum sustulerit, & vniuersam in-
sulam innocenti innumerabilium marty-
rum sanguine cruentauerit. Ex hoc fonte
hanc nūc hausit assentationem Fabricius,
qua principum sibi gratiā promereri, nos
apud illos in inuidiam adducere, & illorū
contra nos studet indignationem conci-
tare. Assentatores dicebat Pythagoras esse
hostibus deteriores, quòd magis sint insi-
diæ, quàm apertum bellum pertimescen-
dæ: quanto magis illorum adulatio vobis
erit formidanda, qui non iam corporum
vestrorum, sed animorum saluti insidien-
tur. O clarissimi Germaniæ principes, ve-
stram ego nunc sapientiam, cōstantiamq;
requiro, qui quondam Romani & pontifi-
catus, & imperij firmissimæ columnæ, qui
ecclesiæ Christianæ præsidia, qui propugna-
cula religionis semper fuistis, nunquid pa-
tiemini leuissimis assentationibus perdi-
tissimorum hominum, sic vos agi trāsuer-
sos, vt illi suam causam ignominia vestra
tueantur? nunquid patiemini, sic vos illis
esse ludibrio, vt errore vestro, atq; dedeco-
re se Christianæ religioni insultare posse
arbi-

arbitrentur? patiemini, sic eos abuti aucto-
ritate, atq; potentia vestra, vt calamitosę, &
afflictę ecclesię, quę per vos suam hacten-
us dignitatem & splendorę conseruabat,
nunc per eosdem ab improbissimis homi-
nibus extrema pericula & exitium compa-
rentur? patiemini istorum hominum auda-
ciam vestris armis esse munitam, & ecclesi-
am Christianam indignis modis vexari?
quę nullum aliud in vos scelus admisit,
quàm quòd vestrę salutis desiderio flagrās,
licet se tot ictibus hęresum fauciam, vulne-
ratamq; conspiciat, maiori tamen erroris
vestri, quàm suę calamitatis dolore confe-
cta, non tam sua, quàm vestra vulnera: nō
tam suas acerbissimas plagas, quàm perni-
ciem vestram, & miserabilem interitū dies,
noctesq; lamentetur. Sed redeo ad te, Fa-
brici, qui postquàm principum gratiam ne-
faria assentatione tibi conciliasse credidi-
sti, & tuos milites ad pręlium excitasti, emi-
nus admones esse pugnandum: quoniam
illi, inquis, quos tuos hostes appellas, Tri-
dentum, locum videlicet insidijs aptum, *Montani calūnia.*
occupauerunt, Caudinis furculis non mul-
tū ab similem, quem sæpe vobis fraudi &
damno fuisse criminaris. Primū illud à te

B 5 scire

scire velim, quæ sint istæ fraudes, & damna
hoc in loco vobis illata: nunquid aliquan-
do huic Tridentino Concilio interfuistis?
nunquid aliquod de vobis vnquam sup-
plicium sumptum est? nisi tu fortassè san-
ctissima decreta, quæ tunc ad Ecclesiæ salu-
tē ab illis patribus cōfecta sunt, fraudes &
incōmoda vestra interpretaris, latronū &
sceleratorum hominum more, qui iustissi-
mas & saluberrimas leges, quod suis cona-
tibus obsistāt, & supplicia cōminentur, q̃
illis suum exitium contineri videant, frau-
des & incommoda sua dicere cōsueuerint.
Quod si sic est, Fabrici, facildè patiar istud à
te sacrum Cōcilium, & latibula, & insidias,
& furcas Caudinas, & fraudes vestras appel-
lari. Sed quàm ineptè insidias nuncupaue-
ris, nōne vides? quid obsecro, hīc tectum?
quid occultum? quid simulatum? quid
fraudentum? nunquid nō edictum sum-
mi Pontificis diligentia, in omnes Chri-
stiani orbis prouincias delatum est? nōne
reges omnes, & principes Christiani roga-
ti, vt adessent? nōne data publica fides?
nōne locus definitus? non arma ad dispu-
tandum cōsignata? nōne summa securitas
promissa? cur tu rem tam claram, tam aper-
tam,

tam, tam patentem, insidias & fraudes appellas? Sed meritò Fabrici has cautes, & prominentes scopulos exhorrescis, inter quas sacrum Cōcilium, petra, inquam, Ecclesiæ firmissima, delitescat, ad quam ne aliquando tot errorū fluctibus iactatus impingas, iure optimo formidare debuisti, meritò istas Alpium fauces, has, inquam, Tridentinas angustias, tanquā Caudinas furcas per timescis: sed si pio, sinceroque animo, non hostili, & inimico, hæc perpendere Fabrici voluisses, nihil antiquius, nihil tibi ijs furculis Caudinis gloriosius duceres: in quibus non Samnitum contumelioso, sed triumphali ecclesiæ iugo collum subdere debuisses, quod non in aliquam vobis ignominiam, sicut illud Samnitum Romanis, sed in summam gloriam: nō in dedecus aliquod, sed in honorem & laudem: non in seruitutem turpem & miseram, sed in gloriosam, & dulcissimam libertatē redundaret. Iugum est hoc Christi suauissimum, quod à vobis insolenter excussum, iterum pijsissima mater Ecclesia vestris cupit ceruicibus imponere. Iā verò postquàm id, quod tibi ex officio calonis incūbebat, præstitisti, ut à cōuicijs, & opprobrijs orationem auspicareris,

careris, & sacrosanctam synodum maledictis onerares, prætermissa iam illa prima in iuriarum velitatione, deposita illa calonica persona, grauiorem assumēs, quam diutius natura & ingenio reclamante sustinere non poteris. Te velle toti orbi contestatum facere polliceris, huius Concilij adu-
*Monte-
uic.* undi, iustas, & idoneas causas reperiri nullas; innumeras verò & graues, eius declinandi, atq; sugiēdi: & tamen prætermisso priori membro diuisionis, ad secundum accessisti, quia videlicet, si grauissimas eius declinandi causas ostendisses, nullas etiam iustas esse veniendi contestatum esset. nunquid tam cæcus es Fabrici, vt in tantis ruinis afflictæ, & dissipatæ religionis, nullas tu solus aduendi Concilij, iustas, & honestas causas inuenias? vides ardentem bello Galliam, & hoc tantum incēdium à vobis excitatum esse cognoscis: vides perditam Angliam, atq; profligatā: vides tuam Germaniam infinitis erroribus æstuantem: vides, non modò hæreticis cum Catholicis, sed cum alijs etiam hæreticis intestinum bellum esse susceptum: vides varias hæreses veluti furias toto orbe volitare: vides non solum ministros pseudoeuangeli-

eos inter se digladiare, sed imperitam multitudinem in varias sectas sic esse distractā, vt parētes & filij, patres & sorores, vna iam domo contineri non possint; vides inde tot cædes, incendia, seditiōnes, templorū ruinas, urbium euersiones promanasse: vides Christi tunicam vestra culpa scissam, atq; dissipatam; vides altera ex parte spem vnicam inueniendæ veritatis, reformandi ecclesiam, tollendi schismata, conciliandæ pacis, & extinguendi hoc tantum incendium, in vno Concilio Tridentino esse collocatam, atq; hoc vnicū semper fuisse per-
fugium, & aram calamitosis, & afflictis Ecclesiæ rebus: vides Ecclesiam mœstam, & lugubrem vestris genibus prouolutam & supplicantem, vt hoc sanctum Concilium adeatis, vt omnium consensu, opera & studio paci consulatis, & suis vulneribus medeamini: & nullas tu iustas & honestas causas esse veniendi audebis dicere? Sed quid mirū, si homini tam perditō, & improbo, cui salus, nisi in Ecclesiæ naufragio constare nō potest, causæ, quæ Ecclesiæ salutares, & sibi perniciosæ sunt, iniustæ videantur? Sed quoniā te his maximis, & grauissimis causis comprehensum, & conuictum videbas,

bas, vt etiam si fulgentes gladij, si ignes,
 tormenta, cruces, extrema denique omnia
 imminerent supplicia, morti & infracto ani-
 mo essent adeunda, vt ruenti Ecclesiæ sub-
 ueniret, mirū profectū est, ad quā leuia
 pericula, & inanes quosdam metus confu-
 geris, quibus vos vehementer deterreri cō-
 tendis, quò minus ad Concilium acceda-
 tis. Itaq; omnes non veniendi rationes in
 duas à te partes video fuisse distributas: al-
 tera periculi magnitudo, altera verò contu-
 melia veritatis comprehenditur: quia hæc,
 inquis, profectio, in primis est periculosa,
 deinde verò in veritatē, in Deum, & proxi-
 mum contumeliosa. Periculi sanè magni-
 tudinem dicis fuisse quidem contemnen-
 dam exemplo martyrum, si aliquid utilita-
 tis secum afferret: sed nunc discrimen esse
 certum certa cum impietate coniunctum,
 ita vt periculum à scelere separari non pos-
 sit. Quis iam non rideat huius hominis in-
 fantiam & stultitiam singularem, qui non
 intelligat se pugnantiā dicere? Obscuro te
 Fabri, cur periculum certa cum impieta-
 te dicis esse coniunctum? nunquid quia, vt
 inferius affirmasti, sequetur veritatis abi-
 ratio? quæ ergo ratione constanter pollice-

Non veni-
 endi ra-
 tiones
 Montano
 in duas
 partes di-
 uidi.

ris te excelsum & erectum martyris animū,
si esset opus, ad causam allaturum, si pericu-
li magnitudine te à veritate auocari posse
pertimescis? cur certam impietatem appel-
las eam, quæ ex tua libera pendeat volunta-
te? nisi fortasse qui tuum istud pectus incō-
stans, atq; sacrilegum habeas exploratum,
impietati assuetum, & in eam propensum,
atque præclive cognoscas, te nullo nego-
tio in eam posse deduci arbitraris. Quòd si
eam ob causam, quam paulò inferiùs ad-
ducis, certam impietatem cum periculo
dicis esse coniunctam, quia nefarium esse
censes te ijs cœtibus adiungere, qui cum
pietate, & Christo bellum gerere statue-
runt, cuiusmodi dicis esse Concilium
Tridentinum, ô audaciam, & improbi-
tatem: ô dementiam hominis inauditam,
qui dum impietatis crimen effugere co-
nabaris, in atrocissimum sacrilegij scelus
incidisti. Quæ maior impietas fingi, aut ex-
cogitari potest, quàm te tam sanctum,
tam iustum, tam innocentem iudicare,
vt sanctissimum Concilium, quasi scele-
ratissimum tuo consortio indignissimum
censeas? quod sacrilegiū maius, quàm tot
Ecclesiæ pastores, tot principes Christianos
non

non modò impios, & sceleratos dicere, sed eos, qui se illis adiungunt, eodem impietatis crimine reos esse censere? quæ detestabili or insolentia, quàm improbißimum, & sceleratißimum nebulonem sacro & æcumenico Concilio dicere audere, Recede à me, quia mundus sum? O os impurißimū, ô cœnum, ô monstrum, ô scelus ipsum & impietas, quibus enim te alijs nominibus ac tanta improbitate dignis appellē, prorsus ignoro. neq; vlla esse arbitror, quæ sceleris magnitudinem possint exprimere. nam linguæ, atq; mentis officia inaudito flagitio superantur. Ite nunc, ô viri Germani, atq; horum magistrorum mansuetudinem, pudorem, & modestiam imitamini: immò pudeat vos aliquando talium ministrorum. Sed obsecro te, Fabrici, nec enim tecum iam agā hostiliter, & inimicè, quid est, quòd impietatis notam pertimescas, si tu illorum factis, atq; decretis non modò non consentias, sed te fortiter opponas, obstitas, atq; reclames? atqui dices, occludetur vox, indicetur silentium, crux, ferrum, flammæ parabuntur. esto. ita esset, Fabrici, quòd tamen longè abest à pietate sacri Concilij, & ab ea securitate, quā vobis publica

lica pollicetur. Impietatis'ne tuæ, si sic eſſet, veſtigium hîc aliquod appareret? nunquid non eris officio tuo perfunctus? nōne credis te vera ſentire, nos errare: te ſeruire honori Chriſti, nos detrahere: à nobis lumen euangelicæ veritatis extinctum, à vobis è tenebris extractum: à nobis contemni ſcripturam, violari verbum diuinum? Chriſti euangelium, mortem, ſanguinem & gloriam conculcari? quæ igitur erit non iam impietas, ſed maior, & vberior laus, quàm te ijs hominibus obuiam ire, qui hæc iudicio tuo facere conātur? quòd ſi nihil profeceris, glorioſus erit conatus: quæ illuſtrior victoria? qui triumphus glorioſior? quæ martyrij corona præclarior? quàm pro Chriſti gloria clariſſimum mortis genus oppetiuiſſe? nullum, dices, inde emolumentum ad noſtros redundauit: atqui ſanctiſſimi, & fortiſſimi martyres, vt probè noſti, quorū te imitatore ſcilicet futurum affirmas, cum acerbiffimè torqueretur, nullum aliud commodum, quàm Chriſti gloriam, veritatis deſenſionem, & ſuæ ſalutis, & felicitatis ſpem ante oculos habuerunt, nec eam vtilitatem ſpectarunt, quam eſſent tyrannis, & carnificibus alla-

C turi;

turi: quos sepe multò magis constantia, & illa sancta libertate exacerbabant, & eorum crudelitatem ad alios etiam trucidandos incendebant. Quanquam quod maius commodum esse potest, si illa, quæ defendis, vera esse arbitraris, quàm ut tuo sanguine consignetur, tui etiam magis firmi, atq; constantes reddantur, ad ea còplectendi, quorum tu causa te morti deuoueris? Quid tibi poterit esse gloriosius, quàm si te illi in sanctorum numerum adscribant, & diuinis honoribus, tanquàm sanctissimum martyrem, prosequantur? Cur ergo, quod metu debiti supplicij, quod reclamante conscientia, quæ te damnatum iam esse proclamat, facere non audes fugiendæ impietatis causa, te nunc euitare mentiris? Credo ego te, Fabrici, cùm hæc scriberes, existimasse hic armatos esse satellites: hic fasces, secures, gladios, flammæ: hic iam paratos esse carnifices, qui te raperent ad supplicium: omnia suspecta, omnia formidolosa, omnia tibi mortem comminari credidisse, aut sinxisse te credere, ut & sacrum Concilium apud tuos sceleris argueres, & iusti alicuius timoris, licet falsam, & subdolan, excusationem præter-

xcrex

xeres: vt si non vero, simulato saltem timore vos ab hac profectione meritò retardari contèderes. Non hîc homines armatos, Fabrici, sed togatos: non belli, sed pacis auctores: non hostes, & inimicos, sed pios, & misericordes parentes salutis vestræ cupiditate flagrantés inuenies. Nulla vis, nullæ insidiæ, nullæ fraudes, nullû hîc vobis imminet periculum, aut comparatur: sed summa securitas, humanitas, pietas, sinceritas, ardens patrum studium non perdédi vos, sed sanandi. Verû enim uero, huius periculi, quod tantoperè hic miles ignauissimus pertimescit, magnitudinem in primis in ipsa sede & loco Concilij dicit delitescere: liberam aliquam asserit Germaniæ ciuitatem præstitui oportere, atque illam imperatoris, & omnium principum Germanorum fide, & auctoritate communitam. His enim terroribus conscientiæ hic martyr fortissimus concutitur, & agitur, vt se nisi omnium principum Germanorum armis tutû, & securum esse nõ posse putet. Erras Fabrici, si vlla tam iniusta esse arma arbitraris, quæ impietati & sceleri diu patrocinent: ubiq; tuta est nuda, & inermis innocentia: armata impietas, nullibi potest esse

secura. Ipsi illi Germaniæ principes, qui Concilium Constantiense suo patrocínio, & auctoritate protegebant, eosdem illos gladios, quibus libertatem Concilij tuebantur, ad sumendum de Ioanne Hus, & Hieronymo Pragenfi maioribus vestris iustissimum supplicium conuerterunt. Quo modo ergo te in libera Germaniæ ciuitate tutum esse posse confidis, in qua exitum miserabilem conspicias eorum, quorum vestigia sequeris? nunquid solas Germaniæ ciuitates liberas esse arbitraris? nunquid tam eris audax & impudens, ut tu hostis Ecclesię, locum Ecclesię præscribas, in quo Concilium celebrare debeat? quis vnquam hoc veterum fecit hæreticorum? ex ortas certis in prouincijs hæreses concilia in eisde celebrata deleuerunt. Hinc Nicæna, Africana, Toletanaq; concilia, & alia etiam quamplurima extitisse legimus. Cum ergo iam ipsas lutheranissimi radices Germanicum illud Concilium Constantiense, illarum trunco combusto, extirpauerit: cum nunc non solum Germania, Hungaria atq; Boëmia, sed Anglia, atq; Gallia, immò penè totus Christianus orbis hoc communi morbo laboret: cum eò processerit incendium, ut in om-

omnibus regionibus aut apertas flammæ,
aut obscuras aliquas, latentesque scintillas
videamus: quis locus aptior celebrando
Concilio, quæ ciuitas accommodatior re-
periri potuit Tridentina? quæ in ipsis Ita-
liæ, Germaniæ, Galliæque finibus posita, quæ
tot principum Christianorum, & aliquorum
etiam Germanorum præsidio munita, fa-
cilem omnibus, & vobis potissimum adi-
tum exhiberet, nisi vos non tam locum,
quàm causam suspectâ haberetis? Sed quid
ego hac re plura? sic enim existimo, Fabri-
ci, si vel Augusta, vel Basilea, vel illud ip-
sum leuissimorum, & sceleratissimorum
transfugarum asylum Geneua, concilij sedes
deligeretur, in extremam te Scythiâ abde-
res: & ibi solum liberum locum esse diceres,
non in quo liberè sententiam ferre posses,
neque enim id quæris, sed in quo liberè petu-
lantia ista uti, & inter illas etiam Scythicas
niues liberè scortari potuisses. Neque enim
liberum vos locum, sed dissimulandi fla-
gitij rationem aliquam inuestigatis, ne se
Germania deceptam à vobis, & circumue-
tam agnoscat. Sed quæ est ista tua improbi-
tas, & stultitia? qui cum liberam nunc Ger-
maniæ ciuitatem, principum Germanorum

Monta-
nus.

armis septam, concilio celebrando postula-
res, subinde inferas, cuiusmodi esse concilij
patres, qui neq; imperatoris, neque princi-
pum auctoritate in officio contineri pos-
sint, quibus & reges, & imperatores hacten-
us fuisse ludibrio falsò criminari? nam si
ab illorum perfidia, & crudelitate (vtar
em tuis verbis) nullus locus tutus esse po-
test: idem erit, cogi Concilium Geneuæ, ac
si Romæ cogeretur. quid reijcis culpam in
locum? cur non apertè tuam hanc mentem
sceleratam explicas? quâquam quis est, qui
nō intelligat, nisi planè plumbeus sit, quid
ijs imposturis moliaris. Sed illud abste que-
ro, Fabrici, quando Cōcilium ludibrio ha-
buit imperatores, & reges? quando non il-
los summo honore, & obseruâtia profecu-
tum est? cur tam apertè mentiris? nunquid
illos tam cecos, & dementes putas, vt spe-
res tam aperto mendacio, & tam stulta as-
sentatione nobis inuisos, & tibi propitios
reddere posse? sed quamuis principum ar-
mis speres illos coërceri posse, nihil tamen
apud illos tuti, nihil fidi esse causaris, qui-
bus etiam si inuitis ab aperta vi sit tempe-
randum, ad eas artes se conuertere procli-
ue est, quarû Romana curia iam diu se ma-
gistrum

gistrum profitetur. Quid hoc est, Fabrici?
 quas tu mihi artes narras? quæ figmentas
 quæ somnia? quæ tibi omnia formidanti
 metus suggerit? quomodo fidem publicā
 violatam fuisse monstrabis, ut inde conie-
 cturam ducere possis? quando Concilium
 aliquod iniquis artibus ad hæreticorū per-
 niciē vsum fuisse ostendes? profer aliquod
 exēplum? cur, quod nunquam factum esse
 vides, pertimescis? At verò Cōcilij patribus
 vel ea ratione nō esse fidendū censes, quibus
 persuasum est, vos impunē è medio posse
 tolli. Vos quidem, Fabrici, & reliquos om-
 nes, qui ad Conciliū vocantur, quibus pu-
 blica fide cauetur, tantum abest, ut hoc sa-
 crum Conciliū capitali supplicio affici pos-
 se censeat, ut in eos, qui vel leuissima vos
 affecerint iniuria, grauissimas pœnas eadē
 illa publica fide decernat. At verò rebelles,
 & pertinaces hæreticos, hostes religionis,
 perturbatores pacis, quibus decretū est, in
 antiquis erroribus permanere, sacrorū Cō-
 ciliorū contēptores, qui superstites maxi-
 ma damna Ecclesiæ, & Christiano populo
 possent inferre, hos quidē, iudicamus, im-
 punē è medio tolli posse, & non impunē
 modò, Fabrici, sed sanctē, sed iustē, sed glo-

Monte
 nus.

riosè. Nunquid, obsecro, sumptum de sceleratis hominibus iustum supplicium, tu crudelitatem appellabis? Si medicus putrida, & emortua mēbra, quæ toti corpori interitū minarentur, non abscinderet: si paterfamilias sceleratos, & improbos seruos, qui domū incendissent, substantiam omnē, & domini fortunas dissipassent, filios trucidassēt, nulla pœna afficiēdos duceret: si magistratus, latrones, adulteros, homicidas, incēdiarios impunē in republica versari pateretur: nōne illum crudelem, impium, & reipublicæ hostem meritò dicemus? Vos verò, qui Christi signa deseruistis, qui Ecclesiam Christianam erroribus & armis acerbè, & crudeliter vulnerastis: qui filios ab eius gremio, cum summo illius dolore, & lacrymis abduxistis: qui seruitia concitastis, & illorum temeritatem, contra Ecclesiam Christi, furore vestro, & persuasione impulistis, & armaistis: qui Solymantum, acerrimum Christi hostem, contra Christum sollicitastis: qui vrbes incendistis, fana spoliastis: qui ipsas aras Christianorum sanguine cruentastis: qui tot Christianorū animos è misera seruitute demōnis ereptos iterum illius tyrannidi mancipastis,

pastis, & æternis supplicijs addixistis: hostes Christi, vastatores ecclesiæ, depeculatores templorum, euerfores vrbium, sanorum spoliatores, labem deniq;, atque pernicië Christianæ religionis dicere non audebim⁹, è medio vos impunè & iustissimè posse tolli? Nunquid crudele tibi videri debet, si afflicta, & calamitosa mater Ecclesia acerbissimum illum dolorè, quem filiorum morte cõcepit, hostium nunc supplicio lenire cupiat? nunquid principes Christiani crudeles tibi videbuntur, si tantorum criminũ reos, Ecclesiæ iudicio damnatos trucidauerint? Terra quondam indignabunda, se vindicem diuinarum iniuriarum exhibuit, & ingenti hiatu patefacto Chore Datan, & reliquos schismaticos absorpsit: & nũc reges Christiani, cùm diuinam maiestatem offensam, obscuratam Christi gloriam, vexatam & dilaceratam Ecclesiam viderint: vos tãtorum malorum auctores ad Dei contumeliã, & maiorem Ecclesiæ perniciem diutiùs viuere patientur? à mutuo, & inanimi elemento Deo illata contumelia indignationem extorsit, & à Christiano pectore non extorquebit? Oza, quòd arcam testamenti, vel

Nam. 16.

2. Reg. 6.

C 5 leui.

2. Paralib.
pom. 26.

leuiter attigisset: Ozias, quòd thus Domino arrepto turibulo adoleuerit, diuinam illicò animaduersionem experti sunt: & nos illos, qui popularè multitudinem, sacerdotum Christi officium vsurpare voluerunt; qui in sancta sanctorù, ipsam vulgi secem immiserunt: qui sacra omnia turpiter, pfsanarunt, immanes, & barbari censeudi sumus, si illos, p tantis sceleribus poena aliqua dignos iudicemus? quanquam

Exer. 28.

pijsima mater Ecclesia, manifestissimum sponsum Christum imitata, qui non vult mortem peccatoris, sed vt conuertatur, & viuat, post acceptas tota vobis iniurias, & acerbissimas plagas, non vult interitu vestro sua curare vulnera, non optat salutem sibi, hostium supplicio constare: quin potius cùm vos interfici videt, corporum simul, & animorum vestrorum luctuosum, & miserabile funus acerbioribus lacrymis prosequitur. Nulla, mihi crede, suauior, nulla iucundior, eius vulneribus medela adhiberi posset, quàm si eos, quos materna indulgentia educauit, quos caelestibus bonis, & beneficijs ornauit, & nùc hostes acerrimos experitur, poenitentia ductos, & ad se reuersos, in suo rursus sinu, atque

gre-

gremio decumbentes videret; dici non potest, quāto perfunderet gaudio: conspectu sanè vestro suauissimo, omnē pristini doloris sensum abiēcisset, nō vos plectendos, sed ornandos censeret: Atheniensium illa veteri lege, *ἡ μνηστὴρ*, sempiterna obliuioē acceptas iniurias sepeliret. hoc vnicum illi solatiū præteritæ calamitatis memoriam eriperet, & eius lacrymas abstergeret: imò quas hætenus copiosas, & acerbis interitus vestri dolor exprimebat, nūc concepta de reditu, & salute vestra, lætitia, dulces, & vberiores expressisset. Redi igitur Fabrici in gratiam tam piæ, & officiosæ matris, quæ te summo amore, & caritate complectetur, neque ampliùs tuæ perfidiæ, neque vulnerum suorum recordabitur. Sed redeo iam ad te, qui cū nullum in loco periculum reperire potuisti, quod vos ab hac profectioe deterreret, ad Patres, qui in hunc locum conuenerunt, gradum facis. Qua in parte egregiè sanè triumphat, & exultat oratio tua, nacta, vt existimas, argumentum, ingenio tuo, moribus, & officio dignū, qui calonis partes in hoc tanto bello sustinere voluisti. Neq; satis tibi visum est, si aliquos

quos ex patribus cōtumelijs onerares, nisi
 sacrum ipsum Concilium petulantissimis
 iniurijs afficeret, & irrideret, quòd in fide
 publica se sacrum, & œcumenicum appel-
 lauerit: & ventosos illos, atque ambitiosos
 titulos esse dicis. In primis, quid hoc, ob-
 secro, Fabrici, ad eam, quam agis, causam
 pertinebat? quid hoc ad illud periculum,
 quod vobis imminere criminari? an, q̃ se
 Concilium sacrum & œcumenicum ap-
 pelleret, illicò tibi venienti periculum capi-
 tis comparatur? nisi fortasse, qui sacra om-
 nia profanasti, ad vnius sacri Concilij no-
 men exhorruisti. An timuisti fortasse, ne à
 calonis munere, & officio recedere, & ne
 non satis procax, & maledicus videreris,
 nisi & titulum etiam ipsum concilij pri-
 mùm dilacerasses? an qui nihil in causa
 præsidiij reperiebas, saltare, aut insultare
 potiùs extra chorum: euagari, inquam, ex-
 tra, causam, & in communem maledicen-
 tiæ locum, audaciæ tamen tuæ proprium &
 peculiarem, excurrere, & impudēs potiùs,
 quàm indifertus orator videri voluisti?
 Difficilis est sanè huius tanti sceleris re-
 prehensio: nam illud silentio præterire
 non possum, qui vehementer cupiã osten-
 dere,

Montanuu.

dere, quò sit progressa istorum hominum impudètia, vt eos, sicuti par est, vt improbos, & sceleratos, detestètur omnes, & vos, viri Germani, pudeat aliquando talium præceptorum. explicare verò vix audeo, veritus, ne ipse etiam impudentiæ crimen incurram, si vel ea commemorauero, quæ saluo Christiano pudore commemorari non possunt. Sed nonnulla prætermittens, & huius hominis improbitati, atque meo pudori cõdonans, reliqua, quæ vel etiã nominare religio est, quo breuius & modestius potero, si tamẽ res modeste fieri potest, reprehendã & accusabo. Tú ne Fabrici, sacrũ & generale Cõciliũ, quod auspicijs Spiritus sancti cogitur, & illius præsentia cohonestatur, quod se sacrũ & œcumenicũ appellet, arrogãs & ambitiosũ esse clamabis? tu'ne Conciliũ desertę religiõis, hostis ipse religionem omnium, tũne Ecclesiam Catholicam oppressę veritatis, oppugnatior ipse euãgelicę veritatis accusabis? Non iam tibi tot sanctissimorum patrum, qui huic intersunt Concilio, auctoritatem, sapientiam, religionem obijcio, quæ sceleratissimorum etiam hominum petulantissimas linguas, præter vnam calonis Fabrici-

bricij cohibere potuiffet: sed ipsam Dei ma-
 iestatem, quæ suspicere: ipsum Spiritum sancti num-
 quæ reuereri, licet esses improbissimus, debu-
 illes, oppono. Nonne satis erat, summum Po-
 tificem, & ecclesie pastores indignissimum
 dis exagitasse, nisi in Spiritu sancto ipsum, tam
 impie nunc esses contumeliosus? nihil iam erit
 neque in terra, neque in cælo tam sanctum, quæ
 sacrilegam vestram maledicendi licentiam
 possit effugere? Quid igitur miramur, quæ-
 libet sanctos, sapientes, & pios homines in-
 iurijs, & opprobrijs ab istis onerari, quibus
 vel ipsa Dei maiestas ludibrio iam sit? non-
 ne licebit per te, Fabrici, Concilio, sacri, &
 œcumenici nomen, quæ tam longi præscri-
 ptione temporis obtinuit, nunc suo sibi iu-
 re vindicare? Non tibi illorum, verborum ve-
 niebat in mentem, quibus princeps Aposto-
 lorum Petrus in Hierosolymitano Concilio
 usus est, Visum est Spiritui sancto & nobis:
 quibus indicauit, se eorum, quæ decreta fue-
 rant ad conciliandam pacem, comitem &
 consiliarium Spiritum sanctum habuisse,
 & eundem futuris Concilij præsentem
 ad futurum significauit? quod si tu concilium
 hoc non legitime coactum, si ex vna,
 aut altera tantum prouincia vocatos epi-
 scopos,

scopos, si nullo regum & principum Christianorum consensu, si alieno tempore, si importuno loco, si non iusta causa conuocatum ostendisses: tamen qui tot & tantos antistites tam impudenter insectareris, audaciæ & sceleris crimen effugere non posses: nunc verò cum ijs de rebus nec verbum vllum feceris, nec facere potueris, cum videas sanctissimas cogēdi Concilij, & antiquissimas leges fuisse seruatas, cum nullum aptius tempus, nullus conuenienti or locus, nulla iustior causa, nullum cōmunius uotum, neq; ardētius studium instaurandæ religionis esse, aut desiderari possit: quæ ista est improbitas, quæ demētia, quis furor, vt tantum Concilium, tam necessarium, tam oportunum, tam sanctum, tam improbis tu maledictis, iniurijsq; traduxeris? nam quòd Concilij Patres & paucos & scenicos & creaturas omnes summi Pontificis dixeris, & quòd se œcumenicos appellauerint, irriseris, sit alterū stultitiæ, alterū impudentiæ tuæ singularis. Hoc planè sæculo, quo tota Christiana religio in has angustias Europæ coniecta est, quarū etiam magnam partē Turcæ, & hæretici occuparunt, cur ducenti & quinquaginta patres,
pauci

Montanus.

pauci tibi quidam episcopi videntur, cum paucissima Concilia, pferre possis, in quibus maior pastorum numerus repertus sit? quod verò à Romano Pontifice creatos, scenicos, & Pontificis creaturas per contemptum appelles, non quidem tu Fabrici Pontificis factū, sed CHRISTI opt. max. institutum reprehendis & irrides: qui cum Petrum Ecclesie suae supremum pastorem tam apertis verbis declaravit, illius voluntate, consilio, atque auctoritate inferiores alios pastores creati, & certis prouincijs praefici, atque consecrari decreuit. Sed cogor iam improbissima conuicia, quae tu latronum, & nequissimorum hominum inducā similitudine, in hunc sacrum senatum cōiecisti silentio praetermittere, ut & pijs auribus consulam, & pudori meo. Lateat per me hoc tantum scelus, quod si prodiret in lucem, vix posses illius inuidiam sustinere: sed malo modestus, quàm nimis vehemens, & acerbus reprehensor videri: malo te hac infamia carere, quàm me violati pudoris crimine laborare. Illud tibi, Fabrici, affirmare possum, me, cum ea legerem, sortem tuam infelicissimam doluisse, & non sine ingenti mœrore, & stupore illam

iam orationis tuæ partem percurrisse, considerantem reperiri aliquem in Christiana rep. qui se Christianū, euangelicū, solius diuini verbi cultorem, qui se in sola Christi schola educatū, & edoctū, qui se mansuetudinis illius, & bonitatis imitatorē esse gloriatur, tam furiosum, tam cæcū, tam amentem, qui cū illa tam impudenter in Concilium effutiret, & eructaret, se tamen cum Christi præceptis, & illius modestia pugnare, qui se hac via Christi potius hostem, quàm imitorem exhibere, non animaduerneret. Sed emergat iam oratio ex isto cœno, in quo diutiùs cum homine isto volutatur: quanquam quò se vertet, vbi non in cœnum & lutum illi sit impingendum? quid enim aliud istius os impurissimum tota sua oratione, quàm turpissimum cœnum, & teterrimam sentinam conuiciorum exhalat? Venio nunc ad illam quæstionem iuris & facti, in qua cū te cuperes iurisperitissimum ostētare, ineptissimum rabulam prodidisti. Oecumenici concilij titulum Tridentino Concilio cōuenire non posse cōtendis, ac proinde integrum illi non esse, œcumenici Concilij nomine, cauere publica fide, cū id faciat,

D quod

Montan
nus.

quod iure facere nō potest:& perinde esse,
ac si veterator aliquis priuilegia conferat
in optima quantumuis forma. huius verò
criminis, vnicam illam probationem in-
ducis, quòd videlicet patres huius Con-
cilij omnia sua ad romanum Pontificem,
ceu ad caput, referant. quæ quàm nequi-
ter ab illo vsurpentur, notiùs esse dicis,
quàm vt egeat probatione. Quid hoc est,
Fabrici, rem longè difficillimam & grauif-
simam, legum ipse & iuris peritissimus in-
eptissimo argumento, & nequissima con-
tumelia confirmatam satis, & stabilitam
esse putasti: an quòd sacrum Concilium
Tridentinum, Pontificem Romanum, su-
preum ecclesiæ pastorem, Petri quæ suc-
cessorem, agnoscat:& id faciat, quod Nicæ-
num, Constantinopolitanum, Chalcedo-
nense, quod omnia etiam alia sacrosancta
& œcumenica Concilia fecerunt, omne il-
licò ius, & potestatem amittet? an quòd
omnia ad illum, tanquam ad summum iu-
dicem, deferantur, vt illius censura, & au-
thoritate confirmentur, eam ob causam fi-
des Concilio sublata, & omnis illi pote-
stas erepta est? Quid Concilio facies Nicæ-
no, & Chalcedonensi, quæ diuus Gregorius
tan-

tanquam Dei euangelia, venerat: quæ non
satis decreta sua firma iudicarunt, nisi Ro-
mani Pontificis fuissent auctoritate con-
firmata? Etenim sacrum illud Nicenū Con-
cilium à Romano Pontifice Syluestro po-
stulauit, vt quæ à tot patribus definita con-
tra impiam, & sacrilegam Arrij hæresim, &
statuta fuerant, ab eo cõfirmarentur. quod
quidem literæ ad illum missæ apertissimè
testantur ijs verbis: Quoniam omnia cor- »
roborata de diuinis mysterijs ecclesiast. »
vtilitatis, quæ ad robur pertinent sanctæ »
Ecclesiæ Catholicæ & Apostolicæ, ad sedē »
tuam Romanā explanata, & de Græco re- »
dacta, scribere cõfitemur; nunc itaq; ad ve- »
stræ sedis augmentū accurrimus roborari. »
& paulò pòst: quidquid autē constituimus »
in Concilio Nicæno, precamur, vestri oris »
cõsortio confirmetur. Neq; verò putandū »
est, Concilium oīm celeberrimū ad Sylue-
strum Ponti. Ro. cõfugisse, nisi existimaf-
set, Conciliorū decretis tantæ auctoritatis
accessionē esse necessariā. Iam verò & fre-
quentissima illa Chalcedonenſis synodus
sexcentorū triginta episcoporū, post lon-
gam cū hæreticis concertationē, post con-
fecta decreta, quibus hæreses damnabant,

licet beatissimi Leonis Pontificis Romani legati interfuissent, eorum tamen, quæ gesta erant, rationem illi reddendam esse putauit, vt eius auctoritate cõfirmarentur, & quasi extrema adhibita manu perficerentur. Quæ quidem omnia, cùm per literas exposuissent, cùm eius auctoritatẽ impensè commendasset Petri successorem, & quasi quoddam ærarium Christianæ fidei
“ agnoscens, Hæc, inquit, sunt, quæ tecum,
“ qui Spiritu præsenferas, & complacere tan-
“ quam fratribus deliberaſti, & qui penè per
“ tuorum Vicariorum sapientiam videba-
“ ris, à nobis effecimus. Indicamus verò, quæ
“ & alia quædam pro rerum ipsarum ordina-
“ ta, quiete, & propter ecclesiasticorum sta-
“ tutorum definiuimus firmitatem, sciētes,
“ quia & vestra sanctitas addiscens, & proba-
“ tura, & confirmatura est eadem. Quibus
quidem literis sacræ synodi, Pontifex sanctissimus respondens illius se decreta probare, ijs apertissimis verbis declarauit: Ne
“ ergo, inquit, per malignos interpretes du-
“ bitabile videatur, vtrum, quæ in synodo
“ Chalcedonensi per vnanimitatem vestram
“ de fide statuta sunt, approbem; hæc ad om-
“ nes fratres, & coëpiscopos nostros, quæ præ-
dicto

dicto Cōcilio interfuerunt, scripta direxi, „
quæ gloriosissimus, & clemētissimus prin „
ceps (sicut poposci) in notitiam vestram „
mittere pro Catholicæ fidei amore digna „
bitur, vt & fraterna vniuersitas, & omniū „
fidelium corda cognoscant, me nō solū „
per fratres, qui vocem meam executi sunt, „
sed etiam per approbationē gestorum sy „
nodalium propriam vobiscum inijsse sen „
tentiam in sola, videlicet, fidei causā, quod „
sæpè dicendum est, propter quam genera „
le Conciliū ex præcepto Christianorum „
principum? & ex consensu apostolicæ se „
dis placuit congregari damnatis hereticis, „
qui si corrigi voluissent, nulla penitus re „
sideret de vera Dñi nostri I E S V incarna „
tione dubitatio. Vnde si quis vnquam au „
sus fuerit vel Nestorij perfidiam tueri, vel „
Eutychetis, ac Dioscori impunè dogma „
defendere, & à Catholicorum communio „
ne rescetur, nec habeat eius corporis par „
ticipationem, cuius abnegat veritatē, fra „
tres charissimi. Hæc Leo ille beatissimus, „
quæ apertissimè testantur Conciliorū de „
creta Romani Pontificis auctoritate con „
firmari. Neque verò credibile est, sanctissi „
mum virū, quo nullus vnquam sanctior,

D 3 sapien-

*Mentis
mus.*

sapientior, aut moderatior fuit, hanc sibi auctoritatē ambitiosè vsurpasse, aut tantum illud Concilium eam illi fuisse delaturum, nisi iudicasset sibi illam diuinitus fuisse tributam. Quid ergo? hæc duo tanta Concilia, quæ tantum honoris, & auctoritatis Pontifici Romano deferebant, omne illicò ius, vim, & potestatem omnem perdiderūt? quæ est ista collectio? quæ noua legum, & iuris interpretatio? Sed illud est magis ridiculum, quòd neque Concilio, neque Pontifici fidem adhibendam, vel eam ob causam esse dicis; Quòd cùm Pontifex reges, & imperatores à iuramentis, pactis, & cõuentis absoluat, quid verat, quominus eodem iure in propria causa fruatur? deinde verò neminem esse ais, qui ignoret, Romanos Pontifices iuramentis, & bullis suis hæctenus impunè luisse. Quid ego aliud huic non argumento, sed maledicto respondeam, nō inuenio, quàm quod quidam accusatori suo respondit; An quod tu non faceres, ego faciam? quod ergo tu perfide, & leuissime transfuga non faceres, id summum ecclesiæ Christianæ pastorem, & monarcham, id sacrum Concilium facturū fuisse putabis? Nam quòd

Ro-

Romanos Pontifices iuramētis lufisse criminariis, nōne oportuit, Fabrici, in grauiſſimo flagitio, quod Chriſti Vicario obijciebas, argumētum aliquod, aut ſignum, aut exemplum huius ſcleris proferre? non certum crimen notare? non citare teſtes? non locum, tempus, & perſonam ꝓducere? ne tantum ſcelus à te confictum videretur? nunquid tibi hoſti capitali tam apertè & impudenter mentiēti fidem habendam eſſe credidiſti? Iam verò ad conuellendam fidem publicam ſtylum conuertis. Nam cū Vergerius indiſtinctionem huius Concilij à Pio quarto Pontif. Max. factam, ſuis iam fuiſſet ſcriptis furioſis & impudentiæ plenis infectatus, qua quidem Germanos, & reliquos, qui ab eccleſia Romana ſeiuncti ſunt, dicebat minimè fuiſſe cōprehenſos, neq; ad Conciliū vocatos: tu nūc eam ſumpſiſti prouinciam, vt fidem publicam reprehenderes, & accuſares, & vos vocari à Concilio nō potuiſſe oſtenderes, veriti ſanè, ne qui & indiſtinctionem, & fidem publicam viderent, cū tantum Concilium cogi, cū vos tam amicè, & beneuolè vocari intuerent, & vos nō ad fuiſſe cognoſcerēt, culpā in vos ꝓditæ religionis deriuarent.

Monte-
mus.

Sed frustra hunc laborem suscepistis: hos etenim duos testes vestræ pertinaciæ, in-dictionē videlicet Concilij, & fidē publi-
cam, Ecclesia Christina perpetuò est habi-
tura: quos nō modò præsens seculum, sed
ipsa etiam posteritas intuebitur: quorum
incorrupto testimonio, iure vos tanquam
rebelles & ptnaces religionis hostes dam-
natos iudicabit. Hanc igit in primis publi-
cam fidem, obscuram, ambiguam, & frau-
dibus plenam esse dicis, quod ego minimè
miror, si ita tibi videatur. Nam quid mirū,
si qui iā apud se statuit in veteri errore, per-
tinaciter permanere, nec sacri Concilij ad-
monitionibus, nec Ecclesiæ decretis acquie-
cere, & scelerū conscientia pauidus, & tre-
mens concilio nō interesse: hīc pietatem,
dolos: sinceritatem, fraudes: lucem deniq;
ipsam meridianam, noctē, & tenebras in-
terpretetur. Primū illud tibi respondeo,
Fabrici, antiquis temporibus hūc morem
cauendi fide publica, in vfu Concilij non
fuisse. Non tanta vnquam audacia, nō tan-
tus furor, non tam petulans, & furēs hære-
ticorū fuit licentia: qui cū humana om-
nia iura, atq; diuina violassent, vt ad Con-
cilium venirent, ijs securitatis præsidij in-
dige-

digerent: facilis aditus, & liber erat omnibus accessus: quia nulli veterum hæreticorum, sicuti vos nunc, cruentas innocenti Christianorum sanguine manus ad Concilium attulerunt. Scelerum igitur vestrorum magnitudo, vulnerata & meticulosa conscientia, quæ omnia etiam securissima reformidat, & expauescit, hanc nunc à sacro Concilio publicam fidem extorquet. Illud etiam tibi deinde respondeo, summum Pontificem, cum ad Germaniæ principes hac de re legatos mitteret, ab eis petiisse, ut ipsi arbitrio suo publicam fidem, qua vellent, forma cōficerent, se illi libenter esse subscripturum. Quid amplius à vobis optari potuit? Si hæc forma displicebat, cur non aliam à vobis confectam exhibuistis? cur hanc reprehenditis, cum liberum fuerit, quā velletis, obtinere? quam hinc nunc data publica fides ex voto etiam, atque sententia vestra, ut audio, confecta est: ego sanè affirmare ausim, Fabrici, nulla alia in re magis hoc sacrum Concilium elaborasse, quàm ut ea fides publica conficeretur, quæ plena esset amoris, & benevolentiae, & quæ nullis calumnijs patere posset: hanc dico fuisse illius mentem, hunc

D 5 fen-

ſenſum, hoc omnium commune votum:
hoc animo patres ad eam rem delecti fidē
publicā facere voluiſſe, & confeciſſe: quam
obſecro vos, viri Germani, diligenter in-
ſpiciſſe, vt & ſincerum, apertum, & candi-
dum Concilij ſacri animum, & iſtius homi-
nis meras calūnias deprehendatis: qui cū
omnia ſibi intentare ſupplicium arbitre-
tur, cū magnoperē debitas ſuis ſclerib.
pœnas extimeſcat, nihil prius in hac publi-
ca fide reprehēdendum duxit, quā illam
clauſulam, quē de pœna in violatores con-
ſtituit, quā obſcuritatis & ambiguitatis
in ſe continere plurimum criminatur. ſic
homini tam oculato, aut potiùs timore cē-
eo, omnia obſcura, & tenebricoſa vidētur.
Nolo rationibus contendere, agam tecum
obſignatis tabellis: proferamus clauſulam
„ ipſam, quæ ſic habet: Quod ſi ſancta ſyno-
„ dus, aut aliquis ex ea, vel ſuis cuiuſcunque
„ conditionis, vel ſtatus, aut præminentia
„ exiſtens perſcriptæ aſſecurationis, & ſalui
„ cōductus formam, & modum in quocun-
„ que puncto vel clauſula violauerit, (quod
„ tamen auertere dignetur omnipotens) &
„ ſufficiens emenda non fuerit mox ſubſe-
„ cuta, & ipſorum arbitrio meritò approban-
da,

da, & laudanda: habeant ipsam synodum, „
& habere poterunt, incidisse in omnes pœ „
nas, quas iure diuino, & humano, aut con- „
suetudine huiusmodi saluorum conducto „
rum violatores incurrere possunt, absque „
omni excusatione, aut quauis in hac parte „
contradictione. Haftenus clausula. Quid, „
obsecro, hîc, Fabrici, obscurum, aut ambi- „
guum? quod verbum obsoletum & anti- „
quatum? immò quid non explicatum & „
apertum? nōne pœnas omnes diuino, & „
humano iure, & consuetudine contra pu- „
blicę fidei violatores decretas, sancta syno- „
dus sibi & alijs apertissimis verbis commi- „
natur? cur non verbum aliquod obscurū? „
cur non periodum ambiguam notasti? cur „
quo in loco hæc tanta obscuritas delitescere „
ret, nō aperuisti? Sed reuertamur ad illum, „
qui te quiescere nō patitur, timorē tuum, „
quem iam non ex loco, nō ex fide publica „
colligis, sed quem propter violatam eccle- „
siæ maiestatem, propter scelera, & seditio- „
nes, quibus pacem totius orbis Christiani „
perturbastis, iure optimo videris cōcepisse „
fingis enim te iam adesse cōcilio, ante illo- „
rū astare conspectū, quorū dignitatē im- „
bis factis & maledictis violaueris: fingis eos „
iniquo

iniquo in te animo, & iusta indignatione
concepta, velle de te sumere supplicium:
Montanus. fingis te pavidum, & tremebundum om-
nia lustrare, omnia circumspicere, nullum
aduocatum, nullū intercessorem, nullum
patronum videre, qui te in eo præsertim
loco, milite pontificio munito, defendat,
& ex illorum manibus eripiat. ô fortissimū
martyrem, qui accepta publica fide in sum-
ma securitate summos terrores offendisti.
Quæ nemesis, quæ furia tuum istud pectus
ita conscientia scelerum exagitant, vt ab
alijs, qui nihil magis, quàm tuam corporis
& animi potissimum salutem exoptant, ex-
trema tu omnia pertimescas? Nunquid hîc
tibi Phalaridis tauros esse putasti? nunquid
hîc Neronēs, Dionysios, Maximinos, Iulia-
nos adesse credidisti? non hîc vllōs tibi in-
festos, & inimicos reperies, Fabrici, sed mā-
suetissimos patres, qui te summa caritate
complectentur, & Ecclesię matri concilia-
bunt: pijsimos pastores, qui vos in suis hu-
meris sublato Christi gregi restituent: cle-
mentissimos medicos, qui vestris vulneri-
bus medebunt? non hîc patrono, non ad-
uocato, nō intercessore indigebis: quos tu
tibi hostes fingis, acerrimos patronos &
defen-

defensores experieris. Sed cur Tridentum *Montan*
armato pontificio milite septum esse dixi- *nus.*
sti? cùm nulli hîc satellites, nulli adsint mi-
lites, vt potius verêdum sit, ne in tantis in-
fidijs & furore vestro parum videatur esse
munitum? At verò illud videlicet te dicis
extimescere, quòd cum multa à vobis de
corrupta ecclesiastica disciplina, de obscu-
rata luce euangelicæ doctrinæ dicenda sint,
quæ à vobis sine scelere taceri, à nostris si-
ne furore audire non poterunt, vereris, ne,
si illis vitæ, morumq; turpitudinē obijcias,
& professos Ecclesiæ hostes, quod necessa-
rium esse putas, appellaueris, illorum ani-
mos exacerbes, & ipse læsæ securitatis cri-
mine arguaris. Illud tibi in primis persua-
sum esse cupio, Fabrici, huius Concilij pa-
tres, in hanc vnam curam, & cogitationem
dies, & noctes incumbere, vt viam inueni-
ant, qua laboranti Ecclesiæ subueniatur: &
omni errore, turpitudineq; sublatis, anti-
quus illi splêdor, atq; dignitas restituatur.
Neq; enim vllam aliam ob causam, ex om-
nibus prouincijs, atq; nationibus in hunc
locum conuenerunt, quàm vt rebus Eccle-
siæ optimè compositis, & constitutis, reuo-
cata vnitæ, atq; concordia, tam diu opta-
ta, in

ta, in Christo pace fruantur. Quæ cum ita sint, illud etiam extimare debes, nihil illis accidere posse iucundius, quàm si eorû admoneantur, quæ vel ad puritatem euangelicæ doctrinæ restituendâ, vel ad vitæ, atq; morum veterem disciplinam reuocandam spectant. Quòd si tu, Fabrici, atq; ceteri, qui vos doctrinæ & morum grauissimos censors profitemini, prauos istos, & corruptos Christianæ reipublicæ mores, has tenebras, quas euangelicæ luci à nobis offusas fuisse dicitis, hæc denique tam atrociâ Ecclesiæ vulnera, huic sacro Cōcilio Christiana modestia, vt par est, detegeritis: non modò non id vobis crimini daretur, quod ipse verebaris, sed immortales vobis gratiæ ab vniuerso Concilio amplissimis verbis agerentur. Sed quis est hic tam effrenatus & impotēs animi tui furor, vt non speres te posse vlla ratione illa, quæ sentis, modè patribus explicare? nunquid non satis tibi esse videbitur, si candido & sincero animo, si verbis moderatis aperueris, quid in Ecclesia prauum, quid corruptum, quid alienum à vera religione, quid euangelicis legibus aduersum, quid disciplinæ veteris Ecclesiæ parum consentaneum, quid denique

niq; censura & animaduersione dignum, nisi grauissimos Concilij patres, improbos, sacrilegos, impuros, & professos ecclesie hostes appellaueris? latrones admoneri volunt: acerba nimis & immoderata oratione reprehendi molestissimè ferunt: & tum, cum maximè omni supplicio dignissimi videntur, sibi honorè non deferri, sed insolentiùs appellari, & indigniùs tractari, iniquissimo animo patiuntur. Si ergo homines improbissimi, cù ad meliorè frugè reuocàtur, honorificis titulis appellari volunt: tu senatù totius orbis gentiù clarissimū, sapientissimū, & sanctissimū, sine grauissimis & indignissimis contumelijs, nec nominare, nec admonere poteris? sic omnem pudorem exuisti, vt à te tantus œcumenici Concilij conspectus modestiam impetrare non possit? Sed quanquam nihil horum, inquis, esset, pertimescendum, istorum tamen patrū in vos odium, & crudelitas esset formidanda: quam quidē tantam esse dicis, quantam Gallia, & Anglia, & nescio quæ dira Vasseiensis cædes testantur. Nónne satis erat, Fabrici, te hactenus impudentè ostendisse, nisi tunc etiam velles stultissimus videri? qui illud aduersarijs

rijs audeas obijcere, quod possit illico in vos, non sine maxima ignominia & scelere vestro retorqueri? Dic mihi, obsecro, q̄ signū apparet in Anglia nostræ crudelitatis? aut quæ potius funestavestri furoris viti-
gia in illa miserabili prouincia non conspi-
ciūtur? q̄s, obsecro, tot clarissimos & sapiē-
tissimos in ea viros immaniter trucidauit? cuius, obsecro, crudelitate triginta & eo
amplius hominum millia cæsa iacent? quis
eam insulam tot clarissimis pastoribus mi-
serabiliter orbauit? quis sacerdotes & mo-
nachos ab ipsis templis, & aris, ad quas con-
fugerant, ad supplicium crudelissimum ab-
straxit? quis hanc insulam, quam sanctissi-
mus Gregorius, sine vlla humani sangui-
nis effusione, ad Christi iugum, & Ecclesię
gremium adduxit, nunc atrocissima inter-
necione ciuium ab eius sinu, atq; comple-
xu crudeliter abduxit? quis denique illam
mortuorum corporibus, quis luctu, lamen-
tationeq; compleuit, nisi acerrimus ille &
immanissimus Christianę religiōis hostis,
Henricus, quem vestra crudelitas, contra
Christū & illius Ecclesiā armauit? In Gal-
liaverò quis miserrimas illas edidit strages,
& edit quotidie alias, quæ tanto cū dolore
ad

adaures nostras passim deferuntur, nisi vesana & furibunda hæresis, quæ cum odium & crudelitatem diuinitus occultare, & inclusam continere non posset, erripuit arma sacrilega, strinxit gladios, & ciues contra regem Christianissimum, filios contra matrem Ecclesiam, insanissimè cōcitauit? Nunquid æquum tibi videtur, Fabrici, ut Catholici paterent, se ab iniquis regni proditoribus, & religionis hostibus pecudum more impunè trucidari? nunquid illis per te non licuisset à templis, aris, & focis, ab vxoribus, liberis, fortunisque suis, hanc impiam, & funestam flammam, & istos furentes gladios arcere? nunquid nostros eo nomine crudeles appellabis, quia vulnera à vobis illata (quemadmodum ille dixit) toto corpore non exceperint? Nā quòd Vassiensem nobis eadem obiecisti, credo ego te iustissimam illam adinaduersionem significare, qua dux ille clarissimus Guisianus, acerrimus Christianæ religionis vindex, & hæreticorū hostis, in Vascianos, non quidem tanquàm in hæreticos, sed tanquàm in dominum suum rebelles usus est. Quod quidem factum nescio, quo possis iure reprehendere, nisi tu eos, qui hæretici sunt, in

E

suos

*Menta-
mus.*

suos etiam principes contumeliosos esse
posse arbitreris. Sed omittamus hæc, quæ
quamuis vobis inuidiosa, toto tamen or-
bi Christiano missa, atque luctuosa sunt.
Quia licet sihæ maximo vestro scelere &
ignominia vestra, sine dolore tamen no-
stro, & Ecclesiæ lacrymis commemorari
non possunt. Iam verò neque illud dicis
esse dissimulandum, quòd appendix illa,
aut extensio ad alias nationes, quæ fidei pu-
blicæ addita est, tuo iudicio fidem publi-
cam datam Germanis, prorsus eneruet, at-
que subuertat. Nam cum in appendice di-
catur, eam formam: nō nisi ad eos pertine-
re, qui ad ecclesiæ gremium redire volue-
rint: ergo neque ad Germanos, nisi quate-
nus se velint cum ecclesia Romana cōiun-
gere: quia, vt inquis, fides publica, cum for-
ma, qua continetur, etiam terminatur. Mi-
ror sanè te, Fabrici, sic fuisse obcæcatum ca-
lumniandi cupiditate, vt cum omnia in-
uertere, deprauare, & tenebris inuoluere
studeret, nō animaduerneris te vbique sin-
gularem simul stultitiam ostetasse: & non
tam ingeniosum reprehensorem, quàm in-
eptum calumniatorem egisse. Nam quī fie-
ri potest, vt hæc alicui sensato, & non pro-
fusamenti persuadere te posse consideres?
hæc

hæc enim publica fides duo hominū genera cōprehendit: alterū Germanorū, quorū potissimū gratia cōcessa est, qui cū primi huius tātæ seditionis auctores & principes extiterint, vnde quicquid nūc est in Ecclesia malorū, pmanuit: primi etiā accersunt, tā apertis indicijs beneuolētię, tam clari & euidētibus signis amoris, vt nullus esset, præter te vnū, tam ferreus, qui nō illis frangeret, & qui nō potiùs rationē aliquā referēdi gratiā, quā calūniandi, & reprehendēdi tantū beneficiū inuestigaret: alterū verò genus est eorū, qui in illis prouinciis, regionibusq; versant, in quibus hoc vestrum euangeliū docetur, & prædicatur publicè & impunè, vt in Anglia, & in nonnullis Galliæ locis, quibus etiam in hac appendice declarauit sacrum Conciliū, publicā fidē cum Germanis esse cōmunem. ijs duobus hominum generibus, nullis adhibitis conditionibus, sed nudè, atq; simpliciter, hac fide publica cauet. Sed quoniā erat tertium genus eorū, qui licet sint vestris hæresibus infecti, degūt tamē in illis prouincijs, in quas hæresis nō apertè, sed obscurè grafsat: nec prædicatur aut docet impunè, ita vt ipsi cum suis erroribus latere cogant: atq;

E 2 istorum

istorum hominum nonnulli deliteſcant,
alii fuerint comprehenſi, & in carcerem de
truſi partim verò cùm in ſuſpicionē veniſ-
ſent, ſibi fuga & exilio voluntario cōſulue-
runt: quorum ſtatuz combuſtæ, bona pu-
blica iam ſunt: volēs ſancta ſynodus ſi-
gnificare, nulli viam redeundi ad Eccleſiæ
ſignum intercluſam eſſe, etiam illis tranſ-
fugis & iure damnatis, ſed omnib. ad eius
clementiam confugientibus, aditum pate-
re: Illos, quia fide publica non erant cōpre-
henſi, excitat, & hortat, vt reſipiſcant, qui-
bus ſe benignam & miſericordem matrem
futuram pollicet: nec tamē dicit illis publi-
ca fide caueri, ſed ab ea nō excludi. Sed quā
qua forma eſſet ijs exhibenda, nondū con-
ſtabat, & res maturo conſilio, atq; delibera-
tione indigebat, illam in aliud tempus di-
cit eſſe reiſciendam. Cur ergo verba illa,
“Eos, qui ad eccleſiæ gremium redire volue-
“rint, quæ ijs ſolis dicuntur, quibus hac pu-
“blica fide non cauetur, neq; ad Germanos
“vlla ratione referuntur, tu ad infringēdam
“hanc fidem datam Germanis cauillatoriē
“tranſtulisti? cur te toties mendacem & im-
“poſtorem appellari vis? Nōne illa vltima
“verba, quæ ſic habent, Nunc ſatis exiſtima-
tum

tum est, si qui publicè, quemadmodum in
extensionis forma lectum est, deseruerunt
Ecclesiæ doctrinam, eorum securitati for-
ma (quam legi audiuiſtis) prospiciatur,
apertè declarant ad illos, quos paulò antè
nominauit, publicam fidem non pertine-
re? quòd si ea non includuntur, neq; ad eos
spectat, illa igitur, quæ de illis dicuntur, ad
Germanos referri & publicæ fidei obesse
vlla ratione nõ possunt. Hæc sunt viri Ger-
mani, ingentia illa pericula, quæ Fabrici-
um alioqui fortissimum & constantissi-
mum virum remorantur. Hi sunt duo illi
terrores, Tridentum videlicet, & fides pu-
blica, quæ martyrem fortissimum vehe-
mentissimè conturbant: hæc tantum illi
metum incutiunt: hæc tam illi formidolo-
sa videntur, vt neq; Laurentij craticulam,
neq; Catharinę rotam, cum illis vlllo pacto
censeat esse conferendas: hæc ita magna si-
bi pericula videntur, vt, ne se in illa cõijci-
at, veritatis patrociniũ, vestræ, & Ecclesię
salutem, & Christi gloriam putet esse dese-
rendam. Hæc sentis, Fabrici, & Thraſonis
more militem gloriosum agere, & te mar-
tyrũ exẽplo, vel extremis supplicijs sube-
undis, paratum esse dicere audebis? non tu

E 3 quidem

quidē, Fabrici, admartyrij palmā aspiras. carior quidē tibi tua est salus, q̄ Christus, aut Ecclesia. nunq̄, mihi crede, cōmittes, vt in martyrū vestrorū numerū adscribaris, cui publica fides extremū videat esse suppliciū. Eā igit ob causam illi, qui Cōcilium Tridētinum frequentant, scelerati ab isto homine censentur: quòd se videlicet in duo vitæ apertissima discrimina conijciant, alterum ex loco, quia Tridenti Concilium celebratur: alterum ex fide publica, quam suspectam habet. Videte per Deum immortalē, quales ministros, quàm fortes, atque constantes, immò quàm leues, & abiectos habeatis, quibus Tridentum in ipsis imperij finibus situm, & imperatoris auctoritate septum, & quibus etiam ipsa sit suspecta securitas. Nōne vobis hic metus & trepidatio apertè loquuntur, atque testificātur, quales iam in illorum animis conscientiaē terrores versentur? Magna in omnem vitæ partem vis est conscientiaē, (vt ille dixit) vt neque timeant, qui nihil commiserint, & pœnam semper ante oculos versari putēt, qui peccarunt. quod enim esse potest indicium sceleris apertius, quàm conscientiaē timor, omnia etiam securissima reformidanda-

dantis? Sed venio iam ad alteram huius hominis egregiam excusationem, qua probare studet, se iure ab hac professione detereri, quia cum certo discrimine certam etiam veritatis abiurationem dicit esse cōuinctam: & quoniam hac de re pauca quædam à me dicta iam sunt, breuiter me expediā. Sed quoniam argumēto hæc colligat, quæso, diligenter attendite. Cōcilia, inquit, congreguntur, vt vitia doctrinæ, atq; morū emendent: at verò nemo se debet illis cœtibus adiungere, qui circa res cum hoc fine pugnantes occupantur. Patres concilij Tridentini non illustrandæ, sed obscurandæ veritatis gratia: nō reformandæ, sed deformandę Ecclesiæ causa conuenerunt: non ergo quispiam sine scelere, se huiusmodi cœtibus temerè adiūget. Illud in primis à te quæro, Fabrici, si improbi homines & scelerati, facta coniuratione, suum regē occidere, ciuitatem incendere, ciues trucidare, & regnum ipsum occupare per tyrannidē statuisent: si esset aliquis egregius ciuis, qui re cognita patrię caritate cōmotus, se illi cœtui infereret, nō vt saueret, sed vt iret obuiā illorū furori, vt psuaderet, ne tantū facinus aggredere: etiam si hoc cum maximo & aper-

Montan
nus.

tissimo vitæ discrimine faceret: nunquid tu hunc sceleratum & nefarium ciuem appellabis? non arbitror te tam esse dementē, qui hoc dicas. quomodo igitur te ijs cœtibus adiungere iudicas esse nefarium, cū sine periculo te possis illorū conatibus opponere, qui tuo iudicio Ecclesiæ deformandæ gratia conuenerunt? & vt propiūs ad religionis causam accedamus, qui hominum conuentus sceleratiores illis, qui ad sacra idolis facienda, ad delendū Christi nomē, ad obscurandam eius gloriam, & exsorbēdum Christianorum sanguinē conueniebāt? fortissimos ergo viros, qui diuino numine correpti, & ardentibus quibusdā caritatis flammis incensi, prodibant in mediū, falsos illos esse deos, vnico, verōq; Deo solo, eiusq; filio IESV CHRISTO, illū honorē deferendum esse clamabant. Huiusmodi, inquam, homines, qui se illis cœtibus pro Christi gloria cū euidenti capitis periculo immiscebant, quorū sanctā immortalēq; memoriam ecclesia veneratur, tu temeritatis & sceleris insimulabis? Impurū igitur, atq; sacrilegū dices Marē illum Chalcedonēsem Episcopū, qui, teste Sozomeno, cū esset oculis ob senectutē orbat⁹, audissetq;

Iulia-

Iulianum apostatam in templo Solis dijs gentium sacrificare, se in frequentem tur-
bam conijciens, palàm & acerbè impera-
torem obiurgauit: ad quem cōuersus im-
perator, cū dixisset, Abi tu potiùs ad Ga-
lilæum tuum, (Christum intelligens) ac iu-
be tibi oculos aperire: tum Mares eadem
constantia respondet. Deo meo, pro hac
mea cæcitate gratias ago, qui ideo visum
ademerit, ne te apostatam, in Deū blasphemum, omni virtute spoliatum viderem.
Nescio quid hîc dicere possis, nisi vos non
eo flagrare caritatis incendio, quo Paulus,
vt ijs vos pro Christo periculis obijciatis.
Quid verò si nullum est periculum? quid
si summa securitas? quid si tanta aduentus
vestri, atque salutis cupiditas, vt etiam si pa-
tres huius Concilij deformatores Eccle-
siæ, proditores religionis sitis appellaturi,
æquo id animo laturi sint, & veluti sapien-
tes medici, eorumque phrenesi laborant,
dissimulatis, atque neglectis iniurijs, nihi-
lominus vestris vulneribus medelam sint
adhibituri? vides ergo Fabrici, nullam esse
iustam detrectandæ huius prouinciæ ra-
tionem, etiam si patres de honestandæ Ec-
clesiæ studio conuenisse existimares? Sed

E 5 qui-

quibus, obsecro, indicijs, quibus signis hunc tu, tam deprauatum animum Patrum deprehendisti? nunquid decretis, ab illis iam editis? atqui quo tempore hæc tu meditaberis, nulla extabant decreta: nunquid ex antecedentibus? cur non aliquid ab illis contra veritatem euangelicam, & Ecclesiæ dignitatem factum commemorasti? nisi qui credis omnia Concilia deformandæ Ecclesiæ causa fuisse coacta, idem de hoc faciendum esse iudicium duxisti. Quid ergo tanti sceleris argues tantum Concilium, & nullam rationem, nullum signum, nullum argumentum adduces? nunquid in omnium Patrum, qui hîc adsunt, animos penetraſti, & abditas illorum omnium cogitationes, & intimos sensus inspexisti, vt dicere audeas, eos omnes tam iniquum animum ad Ecclesiæ salutem attulisse? Tam eris iniquus æstimator, vt nullum ex tot clarissimis viris esse arbitreris, qui inueniendæ veritatis, & reformandæ Ecclesiæ studio teneatur? tam

Matth. 7. eris improbus, vt cùm Christus Iesus præcipiat, ne temerè iudicium de aliorum vita, factisque feramus: cùm admoneat Paulus, ne illa etiam, quæ specie ipsa & aspectu

mala

mala videtur, sinistrè interpretemur: cum Iacobus grauitè illos reprehendat, qui fratrem iudicant, & eos non iam hominum, sed ipsius diuinæ legis iudices, & detractores esse dicat: tu non de factis fratris alicuius, sed de internis cogitationibus, tot sanctissimorum Patrum tam temerarium & præceptis, tam iniquum & sceleratū feres iudicium? Atqui inquis, Romanus Pontifex, non alia causa Concilium, tot sumptibus, tantis laboribus coëgit, quàm vt ruentem, fluctuantemque Papatum, qui iam pridè mole sua laborare cœpit, suffulciat: & Episcopi ipsi conceptis verbis in illius leges, voluntatemque iurarunt. Quæ isthæc est, Fabrici, dialectica? quæ argumentandi forma? quid habet consequens hæc ratio: Pontifex Romanus cupit suam dignitatē esse saluam: Episcopi iureiurando sunt illi deuincti: ergo Patres Concilij Tridentini, obscurandæ veritatis, & deformandæ Ecclesiæ gratia cōuenerunt. Sed intelligo iam quid velis dicere: video, quò spectet: in quē scopum hæc tela dirigant. Eo summi pōtificatus odio cōflagratis, vt eos, qui illius voluntate, imperioque coguntur, sincerum animū ad curanda Ecclesiæ vulnera addu-

Montanus.

adducere non posse iudicetis: Ecclesiam stare, nisi euerso summo pontificatu, non posse creditis: illam vnicam esse Ecclesiæ reformationem existimatis, si Romanus Pontifex ab illo loco, in quo illū Christus collocauit depellat. O vos deceptos, delusosq; Germanos, quib. vel hæc vnica persuasio tantum hætenus malorū inuexit, & in posterum maiora comminatur: Hæc vobis funestissimas excitauit tragædias, hæc clades acerbissimas edidit, hæc dulcissimum eripuit otium, pacem abstulit, bellum ciuile, seruale, domesticum & intestinum intulit: hæc omnia erroribus infinitis, insanissimisq; compleuit. Quæ quidem mala non aliunde (mihi credite) nata sunt, quàm quòd ecclesiam Romanam, veritatis magistram, antiquæ religionis scholam, rectæ & incorruptæ fidei religiosissimam aram, columnam denique, atque firmamentum euangelicæ veritatis deseruistis: & summum Pontificem, quem & Christus suæ Ecclesiæ principem, & pastorem supremum instituit: & totus orbis Christianus iam inde ab ipsis Ecclesiæ primordijs, ad hæc vsque nostra tempora, Christi vicarium agnouit: nō modò
non

non veneremini, sed odio plus quàm Vatiniano, & contumelijs improbiſſimis pſequamini. Si te, Fabrici, argumētis, & non dementia: ſi ratione aliqua, & non potiùs infania, atque furore hac in parte duci arbitrarer, agerem tecum, tanquàm cum homine ſanæ mentis: oſtenderem, ſi nullam aliam ob cauſam, ij patres Tridentum conueniſſent, quàm vt Pontificiam dignitatem à vobis conuulſam & labefactatam aſſererent, nullum futurum fuiſſe tam improbum, qui illorum factum reprehenderet, imò qui nō ſanctiſſimum & honeſtiſſimum illorum ſtudium & operam: iudicaret. nunc verò cùm tam inuiſum & odioſum vobis ſit Romani Pontificis nomen, vt vel eo audito, ſic accendamiſi, ſic ardeatis ira, vt ſanis inſanire & furere videamiſi: quis audebit, ea de re, vobiſcum conferre, qui non pertimeſcat, ne illi etiam vobiſcum inſanire videatur? nolo igitur tecum in hanc arenam deſcédere, vt de ſummo Pontificatu contendamus: id, quod nunc ad cauſam ptinet, leuiter attingam, vt quanto in errore verſemini, ipſo rerum euentu cognoſcatis. Nolo rem à primordijs repetere: p̄mitto apertiſſimā Chriſti in-

sti institutionem : omitto optimam illam rerum publicarum administrationē, quæ omnia ad vnius refert arbitrium : omitto sacram illam Hierarchiam Ecclesiæ, quam ab Apostolis acceptam diuus Dionysius literis consecrauit, in qua non ille modò, sed totius orbis Christiani cōsensus, summum Pontificem in summo loco, veluti Ecclesiæ principem, atque supremum pastorem collocavit : omitto veteris legis, & Israeliticæ Reipublicæ institutum, quæ cū summum Pontificem diuino iudicio fuerit adepta, illum in Ecclesia Christiana futurum adumbrabat : omitto œcumenica Concilia, quæ semper Romano Pontifici supremam in Ecclesia potestatem detulerunt : omitto veteres ecclesias Græcas, Latinas, Africanas, Asianas, quæ semper Romanam ecclesiam, tanquam principem & magistrā, secutæ sunt : omitto antiquas historias, veteres annales, & monumenta : sanctorum Patrum testimonia prætermitto : vnica tecum agam ratione, quam hæc nobis infelicitissima tempora suggerunt, & subministrant : Qualem tu, Fabrici, Rempublicam illam futuram esse arbitraris, in qua rege trucidato, impro-

bissi-

bissimus quisque ad tyrannidem aspiraret? qualem naus illius cursum, in qua magna imminente tempestate, sublato gubernatore, ad clauum ineptissimus quisque consideret? qualem exercitum, qui iam cum hoste conflicturus de auferendo duce cogitaret? quales denique oues, quæ facta conspiratione, se pastoris imperio subducerent? nonne futurum erat, vt Respublica concideret? vt naus fluctibus mergeretur? vt exercitus in manus hostium veniret? vt miseræ oues dispersæ, atq; dissipatæ, incertis cursibus per inuia loca vagantes, in luporum ungues, atque fauces inciderent? quæ si accidere viderem, nonne ex illa radice orta fuisse diceremus? Sed quid exempli gratia loquimur? res ipsa clamat, Fabrici: conuerte oculos in Germaniam vniuersam, Galliam, Poloniam, Vngariam, Boemiam, Angliam: vicinas prouincias, atque regiones animo & cogitatione perlustra: incendia, cædes, strages populi Christiani circumspice: hunc tantum tumultû, quasi fremitum quædam concussi tempestatibus maris ausculta: tot erroribus miserâ plebem fluctuantē tacitus ipse cōsidera: quòd hæresib. scissa, atq;

distr-

distrahta sit, tecum expende: circumiacen-
tes prouincias, tot erroribus & tumultibus
æstuantes, contemplare: sed quid prouin-
cias dico? vicinas domos intuere: quid do-
mos commemoro? tuum ipsius domici-
lium, atq; cubiculú inspice, in quo si duo
saltem estis, sicut esse arbitror, (neq; enim
credibile est te sine vxore esse) si duo, in-
quam, estis, dissidere sanè, neque in vnam
& eandem religionem consentire & con-
spirare necesse est: cùm apud vos duo, idè
per omnia sentientes, hætenus reperti nõ
sint: sed quid ego cubiculum tuum dico?
tuum illud sacrilegum pectus explora: il-
lud sæpè, tanquàm fretum & Euripum ali-
quem, diuersis opinionibus ætuasse, neq;
perpetuò in eadem sententia permanisse
(si verù fateri velis) reperiēs: te testem ap-
pello, tuum ipsius iudiciũ, testimoniumq;
requiro: dic, an per diem integrum in eo-
dem errore constiteris? fidem híc adhibe-
bo, qui nulla alia in re tibi credendum pu-
tem? Quid hoc est, Fabrici? vnde hæc tanta
fluctuatio? vnde tam varius spiritus erro-
ris, atque vertiginis? vnde istæ furie proru-
perunt, vt Christiani milites nõ modò in-
finitis hæresibus dissideant, sed mutuis se
iam

iam vulneribus cōficiant, nisi quòd vnus
ecclesiæ principis, Rom. inquam, Pontifi-
cis signa deferuerunt? vnde illos tot erro-
rum procellis, tempestatibusque iactari a-
nimaduertimūs, nisi quòd gubernatorem
illum diuinum clauo asidere non patian-
tur? vnde miseras oues errātes per tot præ-
cipitia ferri cernimus, nisi quòd summo
pastori baculum à Christo traditum eripe-
re voluerunt? vnde hæ omnes perturba-
tiones, tumultus, hæreses, pfectæ sunt, nisi
quòd, quemadmodum Africanus ille pa-
stor & martyr inclytus dixit, sacerdoti Dei
non obtemperatur? quid habes, quod hīc
opponas? quā tuam, aliam horum malo-
rum causam adduces? Leontinus Antio-
chenus episcopus, auctore Nicephoro, in
grauissima illa apud Antiochenos de reli-
gionis negotio dissensione, cū timens
seditionem, sententiam suam apertè pro-
ferre non auderet, aliquando caput suum,
canis florens, demulcens dixisse fertur,
Niuem eam solutam lutum multum con-
secuturum esse, indicans eo capite subla-
to, quod sua auctoritate homines in offi-
cio cōtinebat, dissidia ciuium in apertam
seditionem euasura. Quanta igitur malo-
rum

rum sentina secutura sit, quantæ tenebræ Christianum orbem occupaturæ, si caput istud Ecclesiæ vniuersalis, Romanus, inquam, Pontifex, à sede sua deturbaretur, testatur iam istud foetidum hæresum cœnum, quo nunc illi miserè voluntantur, qui illum non reuerentur. Quæ cùm ita sint, audes tu homo audacissime tot patres & pastores Ecclesiæ reprehendere? eius deformatores, veritatis & religionis hostes appellare, quòd nō animo euertendi summum pontificatum ad Concilium accesserint? quòd Ecclesiæ membra contra caput (sine quo fides, pax, religio salua esse non possunt) non coniurauerint? iam verò, quòd nullam aliam ob causam tanto apparatu à Romano Pontifice Concilium coactum esse dicis, quàm vt omnia imperio suo subijciat? atque huius rei testem Rempubicam trium fœderum appellas. Si istum Pontificis animum ex eius Reipub. testimonio deprehenderas, cur nō illud, ptulisti? cur tibi, tãquàm Apollini Pythio, credi voluisti? nā illa legatio tota est amoris plena, & desiderij salutis vestræ, pacis, & vnitatis conciliandæ: nullum in ea vestigium huius cupiditatis apparet: quam
quàm

Montanus.

quàm illa, quę diximus, apertè declarant, atq; testantur, nullà esse posse pacis spem, nisi omnes Romanū Pontificē, Christi vicarium, & vniuersalis Ecclesię pastorem agnoscamus. Nam quòd illum imperandi studio inflammatum hæc moliri criminari, non tam ille, mihi crede, Fabrici, de summo pontificatu, (quem neque ipsę inferiorum portę poterunt euertere) quàm Matt. 16. de salute vestra sollicitus est: non tam dignitatis suę, quam breui relicturus est, amplitudinem exoptat, quàm interitum vestrum, quem videt esse sempiternum: & ruinas Ecclesię, quàm sibi CHRIS- TVS commisit, lamentatur: & illius vnitatem vestris vnguibus discerpi, atque dilacerari dolet. Tu verò, quòd in tantis calamitatibus afflictę matris Ecclesię, in communi dolore, atque lacrymis, carminibus, Ecclesię acerbis, & summo Pontifici contumeliosissimis, luseris, facis tu quidem, vt calonem, vt gnatonem aliquem, & parasitum decebat, qui inter aliorum lacrymas canere & ridere soleat. Neq; verò in tanta, tamq; publica mœstitia totius Christini orbis priuatam tulætitiam continere potuisti, sed illam

versibus indicasti: nō solū non cōmou-
ris ærumnis & lacrymis Ecclesiæ, sed alias
acerbiores illi cōminaris, & veluti ex Del-
phica tripode, Sathanici furoris insania
corruptus, de futuris illius maioribus mi-
serijs vaticinaris. Quibus ego carminibus
nihil aliud respondebo, quā quod spe-
rem de diuina misericordia, vt quæ soleat
pati spiritum mendacem in ore propheta-
rum versari, & maledicam illorū aliquan-
do mentem in melius commutare, hoc in-
faustum, infœlixq; tuum vaticinium, vt-
pote ab spiritu veritatis hoste profectum,
mendax & falsum esse futurum, summiq;
Dei clementia & horum sanctissimorum
Patrum industria Ecclesiam, hac misera
obsidione liberandam, teque improbissi-
mum vatem victricis Ecclesiæ pedibus cō-
culcandum, sicut ducem illum Israëlita-
rum, qui Elisei vaticinio fidem noluit ad-
hibere. Quod verò formam iuramenti,
quod summo Pontifici episcopi præstant,
aliquibus respersam mendacijs protulisti,
& ea sic illos esse deuinctos affirmas, vt ne-
cessariò illius voluntati seruire, & cona-
tibus parere cogantur: primū quidem
maiorum tuorum vestigia sequeris, qui-
bus

bus corrumpendi, adulterandi, atque deprauandi scripta omnia, vnicum & præcipuum studium semper fuit: deinde verò nunquam tu, Fabrici, hanc formam tam ineptè protulisses, nisi aliorum fidem tua perfidia metireris. Nunquid, obsecro, auctorati milites, si quidpiam iniquè & iniustè ab illis fieri præcipiat imperator, auctoramenti religione illi parère costringentur? nunquid ciues principi, scelus aliquod aggredienti, ob datam fidem & iusiurandum obtemperabunt? & non potius mortem sustinendam arbitrabuntur? Illud mihi responde, Fabrici: si Imperator, aut princeps ille, quisquis est, cui tu pares, à te peteret, vt Rempublicam proderes, esses'ne id facturus, an non? si non: quod ergo tu furcifer non faceres, id tot, atque tantos Ecclesiæ pastores facturos existimabis? si sic: illud iam à te quæro, nunquid iurisiurandi religione coactus id faceres, aut tua sponte & improbitate ductus? si primum: eris'ne tam stupidus, vt vlllo iureiurando diuinæ leges violare posse tibi persuadeas? si secundum: tam eris improbus & iniquus de fide aliorum æstimator, vt non satis

esse putes, te sceleratum & proditorem esse, nisi omnes etiam alios tui similes arbitreris? Quid ergo iusiurandum & fides data summo Pontifici ab episcopis potest asferre impedimenti rebus Ecclesię componendis, nisi illi aut tam stulti essent, aut tam improbi, sicut tu, qui sibi iusiurandum ob stare crederent, aut assentari potius alterius voluntati, quàm Ecclesię saluti, & Christi glorię seruire statuissent? Quanquàm Pius iiij. Pont. Max. cui ob singularem pietatem hoc nomen inditum est, incredibili tantorum malorum, quę in Ecclesiam Christi versantur, dolore commotus, incensus maxima cupiditate sanandi hæc vulnera religionis, magnis sumptibus & laboribus, Concilio coacto declaravit, se in hanc vnam rem mentem habere defixam, studium & cogitationem intentam, ut pax, atque concordia Ecclesię, etiam si sit opus, cum suarum rerum dispendio restituatur, tantum abest, ut Concilij patres quidpiam in illius gratiam facere cogantur: cui nihil est gratum, nisi quod ad subueniendum Ecclesię laboranti conducit. Quod verò summum Pontificem se minimè Concilio subijcere,

re, sed Concilij Patres sibi subiectos habere, criminari, & vitio vertis: quid hoc præsidij ad tuam causam potest afferre? quid ad probandum Concilij Patres non reformandæ, sed deformandæ Ecclesiæ animo conuenisse? præsertim cum inter Pontificem maximum & Concilium nulla hac in re dissidia, nullæ simultates intercedant: sed summa concordia & animorum consensione in Ecclesiæ salutem ab omnibus incumbatur. Quod si ad refellendas, & refutandas vestras hæreses hæc questio aliquid adiuventi, atque præsidij esset allatura, in asserenda suprema Romani pontificis auctoritate omnem nunc meam operam & studium collocassem: sed quoniam tu rem hanc leuiter attigisti, utpote qui non grauis & vehementis accusatoris, sed leuissimi histrionis, & mimi partes suscepisti, & parum huic argumento, in quo versamur, sit accommodata, illam si lentio præmittamus, ut ad reliqua tua maledicta, imposturasque veniamus. Colligis quamplurima non crimina, sed cōuicia, quæ quidem nullis adhibitis argumentis cōfirmas, quia videlicet, dignus es, cui etiā impudenter mentiēti fides adhibeat: Patres nimirū *Montani calumnia.*

Concilij se totos ad nutum Romani Pontificis componere: Concilia nihil aliud esse, quàm formulam quandam declarationis pontificiæ voluntatis: hæc & alia portentosa in nostris legi commentis, Concilia prætereà non conuenire, vt dogma aliquod, de quo cum hæreticis est concertatio, definiatur, sed vt qui hæretici sunt, declarentur & condemnentur, idque in actis Conciliorum haberi: eam deinde esse Concilij nostris consuetudinem, vt ab executione præposterè sumant initium: molestè fers, vos à nostris hæreticos appellari, fortunasque vestras, & vos alienæ crudelitati, ceu prædam, esse subiectos, pendentique Concilio in Germanos theologos sæuitū fuisse: & ad hæc omnia probanda, quæ si in nos verè dicerentur, nō mediocrem inuidiam nostris conciliarent, nulla indicia, nulla signa, nulla adducis argumenta, nullam refers historiam, nullum testem citas: sed homo leuissimus, & mendacissimus, Pythagoricam sibi auctoritatē vsurpans, si ipse dixerit, fide sua, rem satis cōfirmatam arbitratur. Quòd si tibi vni respondendū, aut hominibus doctis, qui in his quæstionibus versati, quæ à te obijciūtur, falsa esse
cogno-

cognouerunt, satisfaciendum solùm esset, si te mentitum esse dicerẽ, hoc vno te verbo conuictum, & me officio meo perfunctum optimè fuisse omnes iudicassent: nullis alijs argumētis, aut machinis esset opus, sed hoc vnico ariete ingens illa tuorũ mendaciorum & conuiciorum moles corruisset: sed quoniam ijs, atq; alijs id genus fraudibus miseræ plebi imposuistis, quæ aper tissima vestra mendacia pro diuinis ducit oraculis: vt illorum errori occurram, breuiter hæc à me refutāda, atq; refellenda sunt. Etenim quòd Patres Concilij se totos ad Romani Pontificis nutum componere criminari, vellem hîc adesses Fabrici, vt cùm huius sanctissimi senatus maiestatem contemplareris, cùm animaduertes, quàm liberè rogati sententias Patres loquantur: quàm nihil illi, vt Ecclesiæ vulneribus medeantur, etiam ipsius summi Pont. auctoritatem, quam alioqui reuerentur, atq; suscipiunt, vereantur: quàm se fortiter atq; constanter opponant, si sit opus, & dignitas, atque salus Ecclesiæ postulet: non dubito, quin hæc tam sancta libertas hanc tibi, quæ de illorum constantia cōcepisti, sinistram opinionem extorsisset: licet nihil ego ha-

Et enus accidisse viderim, quod ad restaurandam religionem pertineat, in quo Pontifex summus Patribus repugnauerit. Sed, obsecro te, quis vnquam nostrum dixit, Concilia esse formulam declarationis pontificie voluntatis? apud quem hæc aliquando verba legisti? cur non auctorem citasti? cur pateris te toties mendacem & impostorem appellari? quæ sunt illa Conciliorum acta, è quibus aperitissime constare dicis, Concilia solum convenire, ut qui hæretici sunt, declarentur, & non ut dogma aliquod definiatur, quod in controuersia positum sit? Ego sane, Fabrici, duo video esse hæresum genera: aut enim nouæ sunt, & nunquam antea auditæ: aut antiquæ, & quæ cum iam Conciliorum decretis percussæ, prostrate, atque sepultæ iacuisent, iterum quorundam audacia & improbitate ex ipsis sepulcris extrahunt. In nouis quidem hæresibus extirpandis, illum semper tenuit morem Ecclesia, ut coacto Concilio, requireretur prius diligenter examinata, atque discussa, deinde Concilij, sententia, & auctoritate definita, decreta demum conficerent, quibus hæreticorum dogmata profligata, & veritas ipsa catholica confirmata permaneret. Sic Arrii dogmata à Concilio Nicæno, Macedonij à Constantinopo-

tinopolitano. Nestorij abephesino, Euthychij à Chalcedonēsi, Donatistarum, manicheorū, & aliorum hēreticorum monstra extincta fuisse videmus. Quod cū ita sit, nō intelligo, Fabrici, ex quibus Conciliorum actis collegeris, dogmata à Concilijs nō definita, sed eos, qui iam erant hēretici, Ecclesię hostes fuisse declaratos: nisi fortasse cū hēreses oēs, ex deprauata sanctorū scripturarū intelligētia, & sinistra illarum interpretatiōe nascantur, & Cōcilia Sp. sancti lumine illustrata illas optimē interpretent: vnde fiat, vt qui iam ipsius scripturę sacrę testimonio, quasi diuino iudicio, vt hēretici cōuicti & damnati erant, concilij sententia atq; decretis declarari dicant: q̃ si sic accipiañ, non video, quo iure à te possit reprehēdi. At verò damnatis, atq; sepultis hēresibus, cū rursus excitantur, longē diuersa ratione occurrere Ecclesiā consuevit. Neq; enim nouos condit leges, nec cōficit noua decreta: sed ad antiqua cōfugit, renascentes hēreses ad illa exigit: nec denudò illorum auctores damnat, sed Ecclesię iam iudicio dānatos esse demonstrat: q̃a in dignū conciliorū maiestate esse existimat, vt quæ ab illis sanctē, atq; sapiēter decreta sunt,

sunt, iterum disputationi subiiciantur. Sic Gelasius Achatium, qui se, non coactō Concilio, indicta causa, damnari clamabat, iure damnatū ostendebat, quōd non nouas, sed dānatās iā hārefes sequerē. Sic Martianus imperator, qui Concilio interfuit Chalcedonensi, non sine summa iniuria Concilij fieri dicebat, si quē ab illo semel decreta fuissent, iterum in quæstionem vocarentur. Sic Felix nō noua decreta, in illos dicit esse statuenda, qui veteres errores sequuntur. Quæ cū ita sint, Fabrici, cū hārefes omnes, quas ē foetidis sepulchris pestis illa Ecclesiæ Christianæ Lutherus extraxit, emerferint ex veteri hāreticorum sentina: cū nulla deinceps à vobis hārefis inuenta, aut excogitata sit, quæ non iam multis antea sæculis Ecclesiæ sit iudicio, decretisq; damnata: cū non iam in Germania Lutherus, sed Pelagij, Manichei, Donati, Nestorij, Eutonomij, Aërij, Simones, Valdenses, Sabelli, Menandri, Basilides, Arrij, Vigilantij, Ioviniani, cæteræq; extinctæ, sed nunc ab inferis in lucem extractæ furie versentur: quid mirum, si qui damnati iam sunt, Ecclesiæ nunc & religionis hostes declarentur. Quæ vobis sit iniuria, si quæ decreta & statuta iam

iam sunt, non iterum definiantur? Cur vobiscum iniuste, atq; crudeliter agi clamabitis, si eos, quorum magistros iustissimo affectos supplicio legimus, discipulos & sectatores eodem etiam plecti debere iudicemus? Sed ô summam vestrorû animorum peruersitatem, ô incredibilē Ecclesiæ Christi clementiam, quæ licet per vos suos veteres hostes excitatos & armatos contra se videat, & antiqua illa obducta iam & obligata vulnera summa vestra crudelitate, & maximo suo dolore à vobis refricari sentiat: in tanta tamen acerbitate animi, summam retinens clementiam, non vult vobiscum agere seuerè, non ijs legibus vti, quæ iustissimam in vos animaduersionē decernunt: sed suarum iniuriarum oblita, vestri interitus dolore cōmota, vos, quorum salutem dies, noctesq; suspirat, ad se inaudita nunc vocat clementia & mansuetudine: cupit ijs de rebus vobiscum agere, atq; conferre, & in illam antiquam arenam maiorum vestrorum sanguine tinctam iterum descendere, vt vobis satisfaciat & gratificetur. Itaque vos, tanquàm pijsima mater, vt ad Cōcilium veniatis, obsecrat & hortatur: vos verò, veluti aspides surdæ, ijs clementissimis

mis eius vocibus aures obturatis. **Cauete,**
ne qui mansuetissimæ nunc sponsæ miseri
cordiam contemnitis, sponsi postea, iustis
simi iudicis, seueritatem experiamini. Iam
verò nō video, cur molestè ferre debeatis,
vos à nostris hæreticos appellari: nā illud
mihi Fabrici, obsecro, respōdeas, qui nam
erunt hæretici, si vos Catholici? quinā An
tichristi, si vos Christiani? qui Ecclesiæ ho
stes, si vos filij? ipsam verbi vim & notatio
nē cōsidera, mores veterum hæreticorum
contēplare, fontes ipsos, vnde vos errores
hausistis, intuere: cōfer antiquorum tēpo
rum seditiones, tumultus, cædes, strages in
Ecclesia editas ab hæreticis cū ijs, quæ nūc
in Christiana rep. culpa vestra versantur: &
reperies, antiquas hereses, vmbras quidem
fuisse quarum nunc viuas, & expressas ima
gines videamus. Quod cū ita sit, tu hanc
tam iustam, tam debitam hæreticorum cō
pellationem, iniuriam interpretaberis? tu
illos præterea, qui vos omni supplicio di
gnos esse censent, crudeles appellabis, tu il
lorum æquissimam sententiam, tanquàm
iniustā, & iniquam, reprehēdes, qui putant
hæreticos vita, bonisq; priuandos? Nam si,
quæadmodum ille dixit, triplici de causa
iustis

iustissimè homines occiduntur, ne nobis
 superstites sint contumeliosi, vt alij etiam
 suppliciorū metu deterreant, tum verò q̃a
 illis mori multò est melius, qui viuentes
 nec à Socrate, Pythagora & musis ipsis cor-
 rigi potuissent: cū h̃æretici nō modò cōtu-
 melias, sed cædes: nō solū corporum, sed
 animorū interitum miserabilē intulerūt:
 cū tā cæca p̃tinacia, & infano furore ferā-
 tur, & in peius semper proficiant, errātes, &
 quamplurimos alios, vt dixit Paulus in er- 2.Tim.2.
 rorem pertrahentes: cū experimento cō-
 stiterit, aliquorū supplicio multorū auda-
 ciam & improbitatem cōpressam fuisse, nō
 erit equū in huiusmodi homines animadu-
 uerti? Si prophetam, qui populum à vero
 Dei cultu, somnijs quibusdam, atq; præsti Dent.33.
 gijs ad colēdum gētium deos traducebat,
 interfici: si non obtēperantem summo sa- Dent.37.
 cerdoti, de medio tolli: si blasphemū edu- Leuit.24.
 ctum extra castra lapidib. obrui Deus quō-
 dā iure optimo p̃cipiebat: si pecunię pub.
 falsarij omnium sententia iustè trucidant̃:
 Si violatores iustitiæ, iure etiam occidunt̃:
 cur nō pseudoeuangelicos, & pseudopro-
 phetas, qui tot idola, quot h̃æreses fabrica-
 runt, in Deum & in sanctos contumeliosi
 qui

qui summum Pontificem Romanū Christi vicarium, non modò non reuerentur, sed improbiſſimis maledictis inſectantur: qui diuinas ſcripturas corruperunt: qui religionem turpiter deſœdârunt, non ſine crudelitatis nota interfici poſſe dicemus? Quòd ſi hoc ſupplicij genus, quo nunc vtitur Eccleſia, tibi crudele eſſe videtur, damna ſimul hoc crimine crudelitatis ſanctiſſimos illos Patres, qui Eccleſiæ ſaluti hæreticorum internecione conſulendum eſſe duxerunt: damna acerrimum illum Eccleſiæ propugnatoré, hæreticorum fulmen, Hieronymum, qui putridas carnes cœſuit eſſe reſecandas: neq; aliunde tantum illud incendium Arrij téporibus excitatum in eccleſia fuiſſe dicit, quàm quòd parua illa ſcintilla priùs, quàm illas flammas, quæ totum poſteà orbem populatæ ſunt, excitafſet, opportunè compreſſa, & extineta non fuerit: damna illud Eccleſiæ clariffimum lumen, Auguſtinum, qui cùm primò ab illorum extremo ſupplicio abſtinendum iudicaſſet, deinde cùm apertiſſima commoda eorum nece in Eccleſiam redundare cōſpiceret, Nullus, inquit, noſtrū vult hæreticum perire, ſed aliter non meruit domus

Dauid

David pacē, nisi extincto Absalon : Sic Ec-
 clesia, si aliquorū perditione cæteros col-
 ligit, dolorem materni sanat cordis, tan-
 torum liberatione populorū: damna Gre-
 gorium illum Magnum, qui impiū quen-
 dam magum à Romanis combustum fuisse,
 tanquàm optimè factum, commenda-
 uit: damna etiam Dioscori illam Alexan-
 drini gloriosam vocem, in Concilio edi-
 tam Chalcedonēsi, omnium iudicio com-
 mendatam, qua hæreticos, non pœna mo-
 dō aliqua, sed flammis dignos esse clama-
 uit. Scio Christum Opt. Max. huiusmodi
 violatores euangelicæ puritatis, istos pacis
 perturbatores in numero publicanorum
 & gentilium habendos esse dixisse. Scio
 Paulum post primam & secundam admo-
 nitionem hæreticum declinandū: & etiam
 Elymā Magum, qui Sergium Paulum pro-
 consulem auocabat à fide Christi, cæcitate
 ab Apostolo fuisse percussum. Scio Ioan-
 nem Apostolum, ne vel salutem hæretico
 diceremus, præcepisse: idq; facto confir-
 masse, cū ne Cherintum hæreticum con-
 uenerit, è balneis recessisse, memoriæ pro-
 ditum sit, dicentem se extimescere, ne bal-
 neæ ipsæ, in quibus Cherintus lauaretur,

Matth. 18

Tit. 3.

Act. 13.

G cor-

corruerent, & ingressos opprimerent. Ceterum fuit vir sanctissimus, heretici illius sceleratissimi impurissimam presentiam, qua balneæ inficiebantur, quam vindex scelerum ira Dei perpetuò comitabatur, ab illis esse declinandam, atque fugiendam, ne fortè eadem cum illo ruina inuoluerentur. Scio Polycarpum beatissimum illum & constantissimum martyrem, Ioannis Euangelistæ discipulum, obuiam aliquando factum marcioni, cum ab eo rogaretur, ut agnosceret dogmata Marcionistarum, dixisse, Agnosco ego Satanæ primogenitum. Tanta enim tunc, ut inquit Eusebius, Apostoli, eorumque discipuli in religione tuenda utebantur cautela, ut ne verbi quidem communionem cum aliquo eorum, qui à veritate declinauerant, Catholicos habere paterentur. Scio in ipsis incunabulis nascentis Ecclesiæ, hoc primum in hæreticos decretum fuisse supplicium, idque tunc grauisimum fuisse iudicatum, & meritò. Quod enim poterat tunc esse acerbius, quàm quo tempore tanto animorum ardore, tanta caritate, tanto studio, ad infantem Ecclesiam, vndique populus confluebat, quo tempore, tanto cum gaudio in Ecclesiæ sinu Christia-

ftiani homines quiescebant, tanto cum dolore euellabantur, aliquem sic excludi ab illo dulcissimo consortio, vt ab amicis, à parentibus, à fratribus indignus congressu, confabulatione & consuetudine iudicaretur? sed quia nondum hæreticorum insania eò proruperat, vt contra matrem Ecclesiam gladios eriperet, & principum arma concitaret: quia nondum etiam gladij Imperatorum seruiebant euangelio, vt dixit Augustinus, Ecclesia, illa solùm animaduersione utebatur: at verò, cùm se hæresis erexit, potentium hominum animos sibi conciliare, Ecclesiæque pacē & tranquillitatem turbare cœpit, Christiani principes in eam seueriùs animaduertendum esse iudicarunt, quòd alia via pax constare non posset. Hinc Constantinus Arrianos, Innocentius primus Cataphrygas, Gelasius & Anastasius Manichæos exilio damnarūt: hinc Richaredus, Hispanorū rex, eosdē etiā Arrianos honore militari, & omni in republica munere liberi hoīs spoliauit: hinc Theodosius & Marcianus imperatores varia suppliciorū genera aduersus hæreticos decreuerūt: & tandē totius iā Christiani orbis cōsensu & sancta

consuetudine iustissimo plectuntur mortis supplicio. Quod enim mortis genus in tot vestris sceleribus vindicandis, tam acerbum excogitari potest, quod meritò crudele possit appellari? neque enim Ecclesia pia mater, sed crudelis nouerca dici posset, si has pestes viuere, & inter filiorum latera cum tanto illorum periculo versari pateretur. Sed vos Epicureorum more, qui eā, quam vehementer reformidabant, diuinam prouidentiam, nullam esse dicebant, ut liberiùs ipsi illo turpissimo voluptatum cœno volutarentur, istud hæreticorum extremum supplicium, quod tantopere exhorrescitis, in sacris literis minimè reperiri clamatis: illosque crudeles ducitis, qui vos tam seuera animaduersione castigandos arbitrantur. Sed Ecclesia sancta sponsi dulcissimi Christi vestigia secuta, qui eos, qui in Spiritum Sanctum & apertam veritatem erant contumeliosi, in hoc sæculo à Romanis opprimendos, & in futuro etiam æternis pœnis afficiendos esse prædixit, hæreticos præsentibus nunc, & deinde sempiternis flammis dignos iudicauit. Iam verò quòd Concilia præposterè ab executione initium sumpsisse, & quòd pen-

Monta-
nus.

pendente Concilio in theologos Germanos seuitum esse criminari: nonne oportuit, Fabrici, quando illud factum fuerit, ostendere? &, quínam illi essent theologi, in quos sit animaduersum, à quibus, quo loco, & quo tempore, & quam ob causam id factum esset, indicare? cur tã apertè mentiris? nisi tu fortasse illos intelligis, qui fidem datam Carolo v. Imperatori Maximo seruare noluerunt, in quos vtinam ille, vt illorũ exigebat perfidia, seueriùs animaduertisset. sed clementissimus imperator maluit misericors, quàm nimium seuerus videri: & in summa illa potentia & iusta indignatione summam bonitatem suam & mansuetudinem conseruauit. arbitratuseos, vt par erat clementia potius, quàm seueritate faciliùs flecti, & ad Ecclesiã adduci posse. Sed venio iam ad illam tuam atrocissimam querimoniam, quam à maioribus vestris ad vos hæreditario iure dicis promanasse Quòd cùm Ecclesia Romana

Montanus.

doctrina, morumque vitijs turpiter deformata sit: nunquàm tamen vlla reformationis species à nostris impetrari potuit: sed eos, qui rogationem hanc ad patres deferre auli sunt, indignissimè acceptos & con-

tumeliosè repulso multis constare documentis affirmas: quæ tamen cum non proferas, neque probes, eodem, quo hactenus, mendacij crimine arguaris, necesse est. Neque est quod mireris, aut molestè feras, si hoc eodem à nobis telo sæpius vulnereris, qui vix vnam, aut alteram lineam sine aper-
tissimo mendacio percurras. Sed ne hanc vnam rem, in qua vos omnem spem victoriæ collocastis, & quam nunc vnam vestris erroribus, veluti clypeum, obtenditis, silentio præterire videar: ostendam, Fabrici, nullo vos argumêto oppugnari vehementiùs, quàm eo, quod firmissimum causæ vestræ propugnaculû existimatis: ut in quo potissimum nostros sceleris argui, & insimulari creditis, in eo præcipuè summam vestram improbitatem deprehendi, atque conuinci videatis. Significas enim, quòd multi vestrarum partium apertissimè confiteantur, vos eam maximè ob causam, ab Ecclesia Rom. desciuisse, quòd ea turpissimis abusibus corrupta, atq; deprauata sit. Principio quidem non nouum, neq; inauditum, neque istorum solummodò temporum crimen est, Fabrici, abusus, improbos mores, & corrumpendæ optimæ disciplinæ

*Causam
reddit Mō-
sanus, quā
re heretici
ab Eccle-
sia disces-
sint.*

plinæ studium, in Ecclesia Christi versari, quemadmodū nouū non est, hæreses etiā in ea reperiri: infantē adhuc Ecclesiam, & in ipsis cunis vagientem, vt probè nosti, Simones, Nicolai, Cherinti, & Ebiones, Hymenæi, & Phileti iugulare conabātur: nondum ab ore Apostolorum illa Christianæ philosophiæ puritas & sinceritas exciderat, cū nō deerant Ananiæ, Sapphiræ, Galatæ, Corinthi, Ephesi, & alij innumerabiles, qui eam cupiditate, atque avaritia abusibus, & prauis artibus corrūperent, & contaminarent. Nunquam defuerūt in Ecclesia scelerati & improbi homines, qui diuina & humana iura violarent: nūquam defuerunt sacrilegi, qui rebus sacris ad turpē quæstum abuterentur: nunquam defuerūt violatores diuinarum legum, sacrorū profanatores, incorruptæ, castæque illius disciplinæ nefarij corruptores. Testantur id Pauli epistolæ, & Apostolorum Canones, antiquissimorum Conciliorum decreta, vetustissimorum Patrum acerbæ reprehensiones, quibus & vitia acriter increpabant, & abusibus obuiam ire conabātur. Ea etenim est naturæ nostrę imbecillitas, & cæcitas humanæ mentis, quæ facilè & ruat

præceps in vitia, & in errores prolabatur. Neq; enim euāgelicis præceptis, neque ecclesiastica disciplina, neque magisterio Spiritus sancti indigeremus, si neque abuti cælesti doctrina, neque vlllo nos scelere commaculare possemus. Quòd si scandala, quæ sunt maxima animorū vulnera, Christus, vitæ magister, in Ecclesia sua necessariò futura esse prædixit: si hæresim, qua nullum est crimen detestabilius, veluti quandam fatalem pestem, Paulus Apost. futuram prædicauit, quæ Ecclesiam infestaret, quæ cuiusq; fidem, & constantiam tentaret & experiretur: quid mirum si alia scelera & abusus exoriantur? patitur hæc bonitas diuina, vt ignoscendo, suam nobis clemētiā summam, & misericordiam ostendat. Sed dices nullo vnquam tempore tot, atque tanti abusus: nunquàm deprauata sic vetus disciplina, nunquàm sic omnes Ecclesiæ ordines corrupti & dehonestati fuerunt. Nolo tecum hac de re pugnare, Fabrici, nolo præterita tempora cum nostris conferre, nolo nunc recensere veteres Ecclesiæ plagas, nolo sæcula illa commemorare, in quibus vix vllus reperiabatur angulus totius Christiani orbis, in quo non modò
mo-

morum integritas, sed neque doctrinæ puritas conspiceretur. Lateant hæc antiqua vulnera, iam longo temporis obducta decursu, quæ sine Ecclesiæ acerbissimo dolore refricari non possunt: quamuis ea, quæ nunc à vobis illata sunt, longè sint acerbiora: sed solùm vt intelligamus, quantum sit vestrũ scelus, donemus hoc tibi, Fabrici, nunquam sic fuerint corrupti mores, nunquam tot abusus: nunquam sic fuerint auaritia, sacrilegia, rapinæq; dominatæ: nunquam sic dehonestata, deformataq; Resp. Christiana: quid ergo? Ecclesiam deferendam & affligendam putabitis, quòd in ea homines improbi & scelerati reperiuntur? fidem, religionem, Christum denique ipsum dānabitis, quòd eius sanctissimis præceptis perditī quidam homines abutātur? quòd eius cœlestem doctrinā, quemadmodum dicebat Theodorus quidā Atheniensis, à se manu dextra mortalibus traditam ipsi accipiant sinistra? Cuius, obsecro, tam inauditæ improbitatis est, hoc vno nomine ecclesiam deseruisse, fidem prodidisse, nouis hæresum monstris pacē & tranquillitatem eius turbasse, omnia erroribus inficisse, crudelitate, cēdibus, incendijs omnia

G 5 func-

funestasse: quòd effrenata quorundam hominum cupiditate, aliqui sint abusus in Christi Ecclesiā inuecti? cuius tam furiosæ demētix pessundare Ecclesiam penitus voluisse, quòd quidā leges diuinas in priuatos vsus, quæstumq; conuerterint? nunquid optimè Ecclesiæ saluti consultū fore putastis, si vos illi acerbiora vulnera infligeretis? nunquid abusus hæresibus, tanquā medicaminibus, sanari posse existimatis? nūquid morbis, interitu mederi voluistis? quid mali meruit ipsa religio Christiana, quòd in vos scelus admisit Ecclesia, ut propter quorundam hominū peccata tot à vobis illatas calamitates, & acerbissimas plagas, velut alicuius magni flagitij rea, tanquā supplicia quædā, sustinere cogatur? Hæc omnia vos scelera admisistis, qui propter quosdam abusus Ecclesiæ ab illa defecisse confitemini. Inferre igitur huius rei mentionem nulla ratione, Fabrici, debuisses, ne maiora vestra vulnera detegeres: etenim quo nos telo grauissimè vulnerari putabas, eo tuæ causæ lethalem & mortiferā plagam intulisti. antiquas hæreses excitastis, nouas quasdam estis cōmenti, pacē Ecclesiæ turbastis: populos, atq; prouincias ab Eccle-

Ecclesiæ cōplexibus abduxistis : inauditæ
crudelitatis exēpla in nostros edidistis : ea
admisistis scelera, quæ neq; cogitatione cō-
prehendi, neq; cuiusquam oratione expli-
cari possunt: sed nullum maius excogitari
potest, nullū fingi impudentius, quā quod
hoc argumento vestra scelera tucamini, &
hac ratioe iustum bellum Ecclesiæ vos in-
dicere & inferre posse arbitremini. Vtinā
eam de vobis spem Ecclesia concipere pos-
set, Fabrici, vt quemadmodū propter quas-
dam eius maculas illam vos deseruisse cau-
samini, ita nūc illis expurgatis ad eius gre-
mium rediretis, cū & Pius iij. Pontifex
max. tanto studio istud reformationis ne-
gotium fuerit aggressus: cū lustrata Ro-
mana curia, quæ Christianorum animos
poterant offendere, remouerit: & cū hoc
etiam sacrum Concilium in eam vnā cu-
ram & cogitationem incumbat: fieri for-
tasse potuisset, vt vos sanos & Ecclesiæ re-
stitutos videremus. sed eò iam progressi
estis, vt etiam si nihil esset in Ecclesia cor-
ruptū, nihil deprauatum: de reditu tamen
vestro non esset sperandum: illud est enim
hæresis ingenium, quæ natura insolens,
atque superba est, vt facilius flammæ
& cru-

& crucem sustineat, quàm vt ab errore suo diuelli patiatur. vincere cupit: comburi potest, conuinci nō potest: pertinacia obstat, se victam agnoscere erubescit. Itaq; quos arrogātia abstraxit ab Ecclesia, quò minùs ad eā reuertamini, vel vnicus hic nefarius iam pudor prohibebit. Illius etenim magistri vestigia sequimini, qui cū se apertissimè conuictū videret, ne à suo veteri instituto depelli turpiter videretur, maluit superbus & pertinax à Deo & hominibus Ecclesiæ hostis iudicari, quàm ab hæresibus modestè discedere: sed tamē vi ipsa veritatis coactus, cū à magnis & excellēti ingenio viris oppressus teneretur, latentem animi morbum tandem indicauit, & in illam vocem, indicem incredibilis pertinaciæ, superbiæq; prupit: Res hæc nec propter Deū cœpta, nec ppter Deū finienda est. Vereor sanè, ne ista potiùs hæreditaria pertinacia, quàm abusus Ecclesiæ redeundi vobis adiutū intercludat. Sed quid illud ad causam, *Montanus.* Fabrici, pertinebat, quòd vitam clericorū, tot dicis vicijs esse contaminatam, vt honestè nominari non possint? vetus est ista querela, & non istorum solummodo temporum: quod quidem antiquorum Patrū aduer-

aduersus corruptos sacerdotū mores scripta testantur. Queritur Augustinus, eos ab antiqua vitę puritate, & propriarum rerum abdicatiōe degenerasse: dolent alij Patres innumerabiles, quos recensere esset operis infiniti, sacerdotum ordinem corruptelarum illecebris deprauatum esse. Itaque horum libri & acerbę reprehēssiones, quibus eos in officio continere conabantur, declarant, non defuisse vnquam in eorum vita, quod meritò possit reprehendi. & eo acerbius sancti illi Patres eorum improbos mores accusabant, quòd in populi summā peccandi licentiam redundarent: qui cū curiosis oculis sacerdotum vitā obseruet, quod illos facere videt, sibi licere arbitrat. Etenim illorum vitia maximè conspicua, & perniciofa sunt, quorū vita, tanquā virtutis exemplum, ceteris est ad imitandū exposita. sæpe nanq; quòd in alijs leue videtur, in sacerdotibus scelus inexprabile iudicatur. Hinc effectum est, vt qui eorum mali sint, improbissimi, & cæteris nequiores habeantur, & vt antiqui illi patres tam acriter in eos inueherentur. Neque defunt nunc Fabrici, apud nos, qui doleant dissolutionem esse vitam clericorum, qui reprehē-

hendant, qui hæc lugeant, qui corrigi & emendari cupiant, qui medelam studeant adhibere: neq; mediocris cura ab hoc sacro Concilio corrigēdis sacerdotum moribus impenditur. Sed non oportuit te tam stultū esse, qui existimares, illos homines esse desijisse, qui clerici effecti sunt, ita ut nulla prorsus in re peccare possint: nunquid eos cum sacerdotio omnem naturæ imbecillitatem exuisse putas? Sed intelligo quid velis: cælibatū ferre non potes. sed nihil mirum, qui hanc ab illo hauseris sententiā, qui se non magis à libidine, quàm à cæteris naturæ excrementis cohibere posse profiteretur. Sed sint hæc in vestris sordibus. Omitto reliquas cōtumelias, quæ in sacerdotum ordinem, & ecclesiam Romanam improbissimè coniecisti: cur in Concilij promulgatione cōtinuationis & non intergræ actionis mentionē factam esse dixisti? lōgè tu quidem aliud sentires, si cū, quā primū Tridentum ventum fuit, quorundam patrum iustam indignationē vidisses: qui cū grauitè & iniquo animo ferrēt, non apertè continuationis factam fuisse mentionem, obnixè postulabant & instabant, ut eius fieret aperta commemoratio prius,

Montanus.

priùs, quàm reliqua, quæ erant pertractanda, aggredierentur: vt quemadmodũ refutura erat, sic etiam verbis continuatio exprimeretur. Qua ergo ratione illi tam molestè tulissent, continuationis factam mentionem nõ esse, si vera sunt, quæ à te nobis obijciuntur? tu verò vel eo solùm nomine cõtinationis verbum reprehendis, quòd eo significetur, ea, quæ iam definita sunt, pro ratis iudicatis, atque conclusis habenda sic esse, vt de integro in quæstionem vocari neq; possint, neq; debeant. Atqui pleraq; eorum eius generis esse dicis, quibus Christiana fides è fundamentis euertatur. Primò quidem ijs verbis, Fabrici, prodis Monte-
nus. singularem tuam arrogantiam & impudentiam, qui ea, quæ à sanctissimo tot Patrum Concilio, post longam & exactam disputationem, ad Ecclesiæ salutem & incolumitatem decreta sunt & statuta, ea tu solus ad conuellendam & labefactandam Ecclesiam & excogitata, & apposita fuisse, audeas dicere. Atque vt illud, quod iam à me paulò antè dictum est, omittam, non posse videlicet, quæ semel sunt iudicio synodi decreta, sine illius grauissima iniuria in quæstionem iterum

iterum vocari : quis tandem, obsecro, Fabrici, futurus finis esset controuersię, si hic aditus vestris calumnijs pateret? quid esset firmum in Ecclesia, si quę sunt à sanctis Concilijs definita, nouis quotidie disputationibus subijciantur? Quę sunt illa concilij Tridētini decreta, quibus Christiana fides è fundamentis euertitur? cur non illa nobis indicasti? cur non vnum, aut alterum protulisti? in re tam graui, tibi de tanto Concilio, tam sceleratum, tam arrogans & impudens iudicium ferenti, nulla adducta ratione credendum esse putabas? Sed frui nunc hac improbissima licentia, Fabrici, debacchare in hoc sacrum Concilium: eius statuta sanctissima irride, subfanna, exagita, vt lubet: spero equidem futurum, idque mihi de diuina misericordia polliceor, vt ijs decretis, quę à vobis nunc irridentur, hæresim vestram iugulatam & extinctam, vos victos atq; prostratos, Ecclesiam saluam & incolumem simus conspecturi. Quod si hæc tempora miserrima & turbulentissima hęc nobis voluptatem abstulerint, posteris non auferent: differri hæc spes potest, auferri non potest, nunq̃ suis pmissis, neq; Ecclesię precibus deerit
clemen-

clementia summi Dei: eundemq; exitum hoc Concilium, quem Nicænum, habiturum existimo: magna tūc contentione ab hæreticis res agebatur: nullum nō illi lapidem mouebant: principes, sicuti nunc vos facitis, sollicitabant: episcopos Catholicos acerrimè insectabantur: summa sollicitudine curabant, vt in exilium mitterentur: Regum & Imperatorum gratiam in primis sibi cōciliabant: bella acerbissima Ecclesiæ, illorum armis, atq; potentia adiuti, inferebant: nihil magis efficere studebant, quàm vt si fieri posset, decreta Nicæni Concilij delerent: & ad id efficiendum conciliabula ab illis Ephesi, Arimini, Mediolani cogebantur: sed cū illa essent oracula Spiritus diuini, qui non patitur suas leges vlla improbitate conuelli, tanta vis illorum fuit, vt ipsa omni patrocínio destituta omnium fermè Regum præsidio armatam hæresim superauerint & euerterint. Vides nunc in Ecclesia, Fabrici, hos tumultus à vobis excitatos: vides multorum principum potentiam, contra Ecclesiam furore vestro concitatam: vides eorum gladios Catholicorum sanguine stillantes: vides huius sacri Concilij decreta à vestris ministris conuel-

H li. de-

li, despici, & irrideri, non dubites quin illis & vestrarum hæresum pernicies, & Ecclesiæ salus, & Christi gloria contineatur. Iam verò ubi in sanctissimum Pōtificem, in sacrum Concilium virus illud conuiciorum euomisti, ad reprehendendam formam illam, qua se Patres vsuros pollicentur in dijudicandis, definiendisq; controuersijs, gradum facis. Quod vt intelligamus, quo iure, aut, vt rectius dicam, qua potius iniuria facias, libuit eā subijcere, quæ
“ sic habet: Causæ controuersæ secundum
“ sacram scripturam, & Apostolorū traditio-
“ nes, probata Concilia, & Catholicę ecclesię
“ consensum, & sanctorum Patrum auctori-
“ tates, in prædicto Cōcilio Tridentino tra-
“ ctentur. Quinq; igitur iudices honorarios
componendis controuersijs hoc sacrum
Conciliū præesse decernit: primo loco scri-
pturam supremum iudicē statuit: apostoli-
cas deinde traditiones: tertio probata Con-
cilia; quarto Ecclesiæ cōsensum: postremo
verò Patrum non dissentientes sententias:
quis istorum iudicū à te meritò repudiari
potest? quis eorū est suspectus? quis corruptus? nā cū multa sint, vt statim ostende-
mus, Ecclesiæ administrationi necessaria,
quæ

quæ diuinis literis non sunt apertè cõpre-
 hensa nõne erit opus ad aliquem ex qua-
 tuor reliquis iudicib. cõfugere? Sed quoni-
 am tu, Fabrici, multa hîc inuoluis, quæ cû
 falsa sint, & ineptissima, & à nostris iã pro-
 fligata: quæ tu nûc veluti oracula quædam
 etiam si nudè dicerent firma satis esse credi
 disti: quæ si ego explicare nûc, & refellere
 voluissem, præter institutû agerê, & nullû
 esset hic liber finê habiturus, præsertim cû
 illa sic iã fuerint nostrorû libris conuicta,
 atq; refutata, vt vel ipsi vestrarû partiû du-
 ces, & antesignani herbã (vt aiunt) nostris
 porrigere, & vinctas manus præbere coacti
 sunt: nõ est, quòd ego nûc tecû in hoc pul-
 uere desudê amplius, in quo tuos duces vi-
 ctos, & sub iugû iam missos fuisse conspici
 am: illa tãtûm ego breuiter cõplectar, quæ
 ad te ex hoc iam stadio depellendum perti-
 nere videbunt. Principio quereris, vos ab *Montan.*
 scripturis ad traditiones, à certo videlicet *nos.*
 ad incertum traduci: non video, qua id frõ-
 te dicere sis ausus, cû scripturam à sacro
 Concilio in primo loco, tanquàm supre-
 mum iudicem, videas esse collocatam, vt si-
 gnificaret, illa omnia, quæ in diuinis literis
 apertè continent, quæ nullas calûnias, nul-

H a lam

lam hæreticorum tergiuersionem patiuntur, summa vt par est, veneratione esse complectenda: ita vt scriptura sacra sententiam ferente, indicendum esset reliquis iudicibus silētium, quòd si tu omnia, quæ in quæstionem venire possunt, oraculis diuinis expressa fuisse probasses: si ostendisses omnibus rebus, salutis necessarijs, aperta in sacris literis testimonia reperiri, quæ trahi in varios sensus, atq; detorqueri non possent, quod à vobis passim fieri videmus: si monstrasses, nos, auctoritate diuini verbi neglecta, ad solas traditiones cōfugere: merito vos à certo ad id, quod non ita certum est, reijci diceretis: nunc verò cū sacrum Concilium scripturam in primo loco posuerit: nōne illam in primis censuit consulendam? quòd si eius rei, de qua quæreretur, aut nullam, aut subobscuram illam mentionem inferret, quatuor reliquos iudices, tanquàm illius, & diuinæ voluntatis interpretes, consultissimè adhibendos esse putauit. Quis ergo hoc sanctissimum Concilium iure potest reprehendere, nisi qui tam cæcus & impudens fuerit, vt cerdonis potius, lanij, futoris, cetarij, & aliorū id genus hominum priuato sensui, quàm omnium

um Conciliorū, & Ecclesiæ iudicio, quàm
 vetustissimorum patrum sanctissimo cho-
 ro credendum arbitretur? atqui, inquis, scri-
 pturam sacram, ipsissimum videlicet Dei
 verbum, literis comprehensum, perfectè,
 abundeq; in se continere salutis capita vni-
 uersa: ideoq; certam & vnicam illam, infal-
 libilemq; examinandorum dogmatum re-
 gulam esse. Hoc ecclesia negat, Fabrici, tu
 asseris. cur tibi potius, quàm Ecclesiæ fidē
 adhibendam existimas? cur tuam, quàm Ec-
 clesiæ auctoritatem maiorem esse vis? Py-
 thagoræ discipuli vnus hominis auctori-
 tatem omnibus philosophorum rationi-
 bus & argumentis anteponebant? Cicero
 Platonis vnus auctoritate, nulla adiecta ra-
 tione, frangebatur, & illi potius, quàm om-
 nibus scholis, gymnasijsq; philosophorū
 credendum putabat: & tu sanctissimæ & sa-
 pientissimæ matris Ecclesiæ maiestate nō
 commoueberis? tu illi dicenti multa fuisse
 à Christo & eius Apostolis tradita, quæ nō
 sunt euāgelicis literis cōmissa, non credes?
 Miror te, Fabrici, cū hęc diceres, quid hīc
 obijci tibi posset, nō cogitasse. Nam vt in-
 terim Patrū innumera testimonia præter-
 mittam, cum quibus te hac in parte apertif-

simè pugnare conuinceremut illud etiam
omittā, quòd si omnia salutis capita diui-
nis essent literis cōprehēsa, nō ampliùs ma-
gisterio Sp. sancti, quē Christus Ecclesię do-
ctore, p̄misit, indigeremus: quid, obsecro
Fabrici, magis est saluti necessariū, immò
q̄ est aliud nostrę religiōis & salutis caput
& fundamentū, quàm credere hęc euāge-
lia, hanc sacram scripturā, esse diuinū illud
Christi verbum, quod ab illius ore sanctis-
simo processit? quis hoc docuit homines
Christianos? nunquid ipsa sola scriptura di-
uina? minimè. quid ergo? si nunc Anabapti-
sta quispiam tecū in arenam descenderet,
(nisi tu etiā ex illorū es grege, qui sibi poti-
ùs, quàm scripturę sacrę credendum arbi-
trantur) si ille, inquam, à te postularet, quis
tibi persuaferit, vt Matthei, Marci, Lucę, at
que Ioannis euangelio fidem potiùs adhi-
beres, quā Thomę, Philippi, Matthię, Bar-
tholomęi, quid esses dicturus aliud, quàm
te sic ab ipsis exordijs nascētis Ecclesię ab
Apostolis traditum accepisse? quo alio ar-
gumēto Patres cōcilij Nicęni ad asserendū
illud verbum *ἐμὸν ἐστίν*, quod in sacris literis
minimè reperiri Arriani clamabāt, vbi sunt?
quo itē alio Conciliū illud magnū Chalce-
donen-

donense, ad probandas duas in Christo volū-
tates, vbi apertum scripturæ testimoniū
non suppetebat? Quid, si peteret, cur fidē il-
lis tribus symbolis Apostolico, Nicæno, &
Athanasij adhiberes? ex quo Dei expresso
verbo, descensum Christi ad inferos, duas
in Christo naturas in vnica diuina persona
copulatas, sacræ triadis vnitatem deprehē-
deres? vnde perpetuā Mariæ Dei matris vir-
ginitatem, vnde verbum illud *θεῶς γεννητός*, vnde
baptizatos ab hæreticis non esse iterum ba-
ptizandos? quid si instaret & vrgeret, vt illi
expressum Dei verbum proferres, quo ba-
ptismum infantibus necessarium & saluta-
rem esse probares? quid ageres? quò te ver-
teres? nō dubito, quin cum Luthero & Phi-
lippo Melanchthone ad arcem traditionū
cōfugeres, nisi malles cum Bucero scriptu-
ram miserè vexare, atq; torquere, aut cum
Caluino nescio quas nugas, & meras impo-
sturas meditari. Quòd si vobis, cū aper-
tum Dei verbum non potestis reperire, in-
tegrum est, aliqua scripturæ testimonia,
quę in multiplices sensus flecti possunt, ad-
hibita aliqua interpretatione, vestræ causę
accommodare, & illud Dei verbum expres-
sū dicere: cur id antiqs patrib, cur ecclesię,

cur id œcumenicis Concilijs licere nō vultis? nihil est enim, quod Ecclesia sancta docuerit salutis necessarium, quod non ex aliquo fonte sanctarū scripturarum diduxerit; sed maluit, cū id obscurum delitesceret in scriptura, ad apertissimas Apostolorum & antiquas Ecclesiæ traditiones confugere, quā ad ea testimonia, quæ hæreticorū versutia cauillari, & in alios sensus torquere potuisset. Itaq; nos, Fabrici, diuinam scripturam non vocamus in iudiciū, neq; illi traditionē, tāquā aduersarium, quemadmodū ipse criminaris, obijcimus, quæ cum scriptura de auctoritate contendat. Nos quidem sanctam scripturam, quæ diuina sapientia, quæ lumen clarissimū tenebris nostris, quæ spes omnes Christianorū, quæ prauis affectibus antidotus, quæ diuina voluntas & nostra salus continetur, amplectimur, suspicim⁹, veneramur: scholam Spiritus sancti, vitæ magistrā, fontē nostræ felicitatis agnoscimus: sed illud credimus & confitemur, diuinum illud verbum, quod est ipsa æterna sapientia, quod ex ore Christi, quod est splendor patris, processit, à quo voluit Deus spē omnē pedere mortale, quod in corda potius nostrā, quā lapideas tabulas

Ias voluit incidi, non omne fuisse ijs monumentis scripturarum, quas nunc habemus, comprehensum. Credimus Apostolis, Euāgelistis, Ecclesiæ antiquis Patribus Græcis, atque Latinis id asserentibus. Credimus Christum Dei filium nihil scripsisse, sed & viua voce & exemplo innocentissimæ vitæ, diuinæ sapientiæ arcana & bene viuendi formā mortalibus tradidisse. Credimus eius legatis, quos in vniuersum orbē misit, sicut ille missus erat à patre: quos audiendos: quibus eam, quam sibi fidem adhibendā esse dixit: qui multa nobis, quæ scripta nō sunt, quasi per manus posterorum tradiderunt: à quib. leges, coacto Cōcilio, latas, ad conciliandam pacem, quæ legi, quàm euangelio, cōsentaneæ potius videbantur: sacramentorum formas immutatas: diaconos, quorū nulla fuisset à Christo facta commemoratio, institutos fuisse videmus, eamque auctoritatem Ecclesiæ suæ sanctæ Christum reliquisse. Credimus Ioanni discipulo carissimo Christo dicenti, multa Christum docuisse, quæ cōsignata literis non fuerunt, sed tradita viuæ vocis oraculo. Credimus Paulo Apostolo, qui verbum istud diuinum, non literis so-

H 5 lūm,

lūm, sed traditionibus definiuit: Dicimus illud verbum, quod nobis diuini scriptores literis expressum tradiderunt, multis in locis arduum esse, atque difficile, abditos plerunq; in eo sensus & recōditos delitescere: ad quos aditus omnibus patere nō possit. Dicimus tantam fuisse illius verbi nō scripti, sed in mentibus Apostolorum à magistro impressi, vim & auctoritatē, vt verbum illud literis comprehensum, ad illud, tanquam ad Lydium lapidem, exigetur: quod nobis princeps Apostolorum Petrus declarauit, qui, quemadmodū memoriæ proditum est, Marci euāgelium, ad illud verbum, quod audierat à Christo, & animo suo altè infixum retinebat, exegerit. Dicimus Ecclesiam sanctā diu sine scripto vixisse, & floruisse, & in dignoscendis scripturis, morem illum & cōsuetudinem Apostolorum fuisse secutam: vt quemadmodum Apostoli in examinandis scriptis eorum, qui Christi doctrinam literis consecrabant, utebantur illo verbo non scripto, sic ipsa apostolicas traditiones adibat, & cōsulebat, atq; illis iudicibus vera euangelia ab spurijis & nothis separabat. Hanc rationem secutus Serapion, si Eusebio creditur,

ditur, euangeliū illud, quod diui Petri nomine circumferebatur, reiecit, quòd non esset apostolicis traditionibus consentaneū. Dicimus tanto habitas in pretio fuisse traditiones, vt Irénæus sine scripturis Ecclesiam consistere, sine traditionibus verò non posse iudicauerit: & Syluanus episcopus, vt refert Theodoretus, cūm Constantium tyrannum ad fidei sanioris defectiōnem hortantem, sibi mortem etiam minitantem audiret, Potestaté quidem habes, inquit, nos puniendi: nos autem Patrum statuta, non ideo destruemus. Quibus verbis indicauit, quanti faceret traditiones, quarum conseruandarum gratia, vel mortem diceret esse contemnendam. Longum esset commemorare, quæ ab Epiphanio, Basilio, Dionysio, Ignatio, Polycarpo, Clemēte Alexandrino, & cæteris Ecclesiæ sanctę luminibus in hanc sententiā de traditionibus dicta sunt: quæ si animaduertisses, nō esses in eas tā impudenter debacchatus. Cociliū etiam Ephes. cōtra Nestoriū coactum, quia corruperant ac deprauarant scripturas hæretici, ad traditiōes, tanq̃ ad integros & incorruptos iudices, cōfugisse, & reliqua magna & antiqua Cōcilia hūc

mo-

morem semper tenuisse legimus. Neq; verò solùm Catholici ijs armis aduersus Ecclesiæ hostes pugnabāt: sed hæretici etiam ipsi suos errores, illis potissimùm tuebantur. Testes sunt Eusebius Nicomediensis, Artemon, Basilides, Carpocrates, Marcion, Valentinus, qui hæreses suas, quas vel aliquo sanctarum scripturarum prætextu, fructivos nunc facitis, cōfirmare potuissent, solis eas traditionibus asserere conabatur, se ita ab ipsis Apostolorū discipulis accepisse dicebant, quòd illud vnicum, & firmissimum Ecclesiæ fundamentum esse arbitrantur. O nefaria hæreticorum calliditas, atque versutia: illi scripturæ testimonijs destituti, traditionum se præsidio tuebantur: vos verò apertissimis Apostolorū traditionibus, doctorum antiquorum auctoritate, communi Ecclesiæ cōsensu, omnium iam præteritorum sæculorum iudicio damnati, nos ad vnicum scripturæ tribunal veteratoriè prouocatis: omnia externa adiumenta illius interpretationi necessaria remouetis: proprium cuiusq; sensum, & mediocrem tantum modò diligentiam cum pio, & sincero animo cōiunctam adhibendam esse dicitis: & eam, quam vestris

stris turpissimis erroribus, vel repugnantem, atq; reluctâtem seruire cogitis, quam ream facitis, iudicem nunc vnicum controuersiarum esse vultis. Illam facilē, apertam, expeditam, omnibus etiam rudibus & agrestib. hominibus, patêre dicitis: nos verò, Fabrici, nouimus & cōfitemur illam multis in locis arduam, atq; difficillimam esse: idque nobis ipsorum sanctorum Apostolorum testimonia: immensi labores Patrum doctissimorum in eius interpretatione collocati: rerum ipsarum celestium, atque diuinarum, de quibus disserit, magnitudo: abditissima mysteria, quæ in ea delitescunt: stylus ipse, character, & forma dicendi, & quod est apertiùs, argumētum, id quidē veterum hæreticorum, & vestra nunc potissimùm in eius interpretatione dissidia testâtur. Scimus Christum id apertissimè significasse, q̃ Prophetas in Ecclesia interpretes diuinorum oraculorū reliquerit. Nouimus scripturam, non semper sui interpretem esse: quod ipsi contenditis, cū sæpè incidant loci, qui primo aspectu secum pugnare, & se inuicem iugulare videantur. Scimus priuatum cuiusque spiritum quamlibet innocētia & caritate munitum,

nitum, veræ illius intelligentiæ assequenda satis non esse, cum multos ex antiquis doctoribus, cum Originē, Tertullianū, Cyprianū, Irenæum & alios quamplurimos à recta illius interpretatiōe aliquibus in locis deflexisse conspiciamus. Scimus Apollinares, Sabellios, Nouatianos, Manichæos suas hæreses scripturæ testimonijs probare fuisse conatos: quod utique nunquam accidisset, si ea sic esset aperta, ut nulla legentibus dubitandi ratio suboriri posset. Nec vllum aliud inter Catholicos & hæreticos erat discrimen, quàm quòd illi sincerè, ij verò perperam & sinistrè scripturas diuinas interpretarentur. Proferebant, inquit Vincentius Lyrinensis, Apostoli diuinæ legis exempla, proferebant & hæretici: proferebant Apostoli psalmorum auctoritates, proferebant & illi: proferebant Apostoli sententijs Prophetarum, & illi nihilominus proferebant: sed cum ea, quæ similiter protulerant, interpretari nō similiter cœpissent, tunc simplices à subdolis, tunc infucati à fucatis, tunc recti à peruersis, tunc postremò veri Apostoli à falsis Apostolis decernebant. Nouimus Arrianos, qui, teste Basilio, scripturâ apertissimâ esse dicebāt
& De-

& Demeritas, qui hanc etiâ hæresim à Sadducæis hauserât, Ecclesiæ iam iudicio, auctore Epiphanio, fuisse cõdemnatos. Experimur perniciosissimam, & turbulentissimâ hæresim esse existimare, aditû cuius patere ad intelligentiam sanctarû scripturarum : cuius causa tot pugnas & seditiões exortas, & illum vertiginis spiritû, Germaniam & reliquas prouincias iactasse videamus, cùm aliter Zuingliani, Lutherani, Anabaptistæ, Sacramentarij, Adamitæ, & cætera hominum portenta, vnum atque eundem scripturæ locum dilacerent, torqueant, & corrumpant potius, quàm interpretentur. Quid hoc est, Fabrici? in omnibus vestris prouincijs, in omnibus oppidis, in singulis domibus, inter vestra latera contentiones acerrimæ de legitimo sensu scripturarum versantur. Vides pugnantes Lutheranos cum Sacramentarijs, vtrosque cum Anabaptistis, & Adamitis, & dicere audes, illas esse apertissimas? pugnat etiam aliquando de vno, aut altero scripturæ testimonio Hieronymus cum Augustino : & tu id apertum esse dices, in cuius interpretatione non modò hæreticorum, qui vim inferre literis diuinis

con-

confueuerunt, sed sanctissimorum hominum, qui sincerè lucem euangelicę veritatis inuestigabant, tanta fuerit digladiatio? Nos verò credimus Ecclesiā Catholicam, columnam esse, & firmamentum veritatis, à cuius latere Christus nunquàm discedat: cuius comes indiuiduus: cuius doctor, atque magister sit Spiritus sanctus: cuius lumen diuinum in sacris potissimùm Concilijs eluceat: cuius præsentia cohonestantur, patrocínio fouentur, luce veritatis illustrantur: vt neque hætenus errauerint, neque errare possint, neque, vt tu mentiris, se mutuis decretis, velut illatis vulneribus, confecerint. quæ quia nō profers, neque ego in illis refellendis elaborabo: satis est dicere, te fuisse mentitum, vt pari, quæ obiecta sunt, facilitate refellantur. Credimus ergo, Fabrici, Cōcilia sacrosancta incorruptos esse iudices veritatis: veros, atque legitimos diuinarum scripturarum interpretes: nuntios diuinę voluntatis, quę Dei nobis mentem aperiant: quæ obscurioribus scripturæ locis lumen inferant: quę exortas in Ecclesia tempestates componant: quibus qui non obtēperant, meritò Christi & Ecclesię hostes iudicantur. Tu verò
omnia

omnia diuinis literis cōprehenſa ſolo Dei verbo eccleſiam colligi, atq; diſcerni: Concilia nō modò errare poſſe, ſed iam ſæpiùs turpiter erraſſe: ſummos Pontifices nihil haſtenus boni feciſſe arguis, & nihil boni deinceps facere poſſe improbiſſimè vaticinariſ: antiquos Patres ad ſolam noſ ſcripturam relegare mentiriſ. & hæc quidem omnia, quæ grauiffima ſunt, quæ difficiſſima, quæ contumelioſa, cū nullis alijs argumētis, quàm tuæ vnius, caloniſ ſcilicet, auctoritate confirmes: quod aliud reſponſum, quàm illud Aemilij Scauri ſperare poteris, nunquid tibi potiùs, quàm Eccleſiæ catholicæ credendum putas? Sed cū te ex illo iam loco depulſum eſſe videres, & intelligeres apertè non de ſcripturæ ſacræ auctoritate, quam omnes ſummam eſſe confitemur, ſed de illius legitima interpretatione controuerſiam eſſe, vt in hanc arenam nobiſcum deſcendas, æquos tibi dari iudices poſtulas: te facilè oſtenſurum polliceris, vos multò ſinceriùs ſcripturam interpretari, antiquaſq; interpretandi leges fuiſſe ſecutos. Qui ſunt, obſecro, ij æqui iudices, Fabrici, quos tibi dari poſtulas, quorum arbitrio lites & ſimultates diri-

I man-

mantur? scriptura trahitur in varios sensus, Concilia à vobis irridentur, traditiones subsannantur: Patrum interpretationes traducuntur, & illorū auctoritas contemnitur: quī ergo reliqui iam iudices reperiri possunt, quorum arbitrio causa committatur? Si locus aliquis scripturæ sit excutendus, & post inspectos ipsos Græcos & Hebræos fontes, post discussam singulorū verborum energiā, post inducta alia eiusdem scripturæ sacre testimonia, quæ aliquid adiumenti illius interpretationi possent afferre, post collata exemplaria, post diligentem inuestigationem veræ, atque germanæ interpretationis, adhuc quisque suam sententiam, vt sæpè videmus contigisse, pertinaciter & mordicus tueat: quo iudice res componetur? quo arbitro pars altera conuincetur? Nōne vides Fabrici, nullum futurum esse finem controuersie illis iudicib. reiectis, quos sacrū Concilium sanctissimè excogitauit, & tu iniustissimè reprehendis? Qui em̃ alij iudices incorruptiores, sapiētiores, grauiores excogitari possunt, ijs, quos Conciliū constituit? quod si illi tibi nō placebant, cur eos, quos tibi optabas exhiberi, nō nominasti? nosse
vehe-

vehementer cuperem, Montane, cui sis ad-
dictus hæresi, in cuius tot magistrorū ver-
ba iuraueris: nisi tu fortasse (quæ est vestra
audacia, atque licentia) non contentus er-
roribus ab alijs inuentis nouum aliquod
monstrum aluisti, nouam aliquam sectam
commentus es. Neque enim sciam quis-
piam vestrū ministri nomine dignum
arbitratur, nisi ipse etiam noui aliquid at-
tulerit, quo & ipse celebris habeat, & no-
uum iugum miseris Germanis imponat,
& afflictæ Ecclesiæ Christianæ nouum etiā
vulnus infligat. O improbißima licentia,
Deo inuisa, hominibus perniciosa, & reli-
gioni exitialis. Meritò Tertullianus præter
pictoriam & poëticam tertiam dixit hære-
ticam iam licentiam commemorari posse.
Sed illud, inquam, nosse cuperem, nun-
quid esses Anabaptista, Adamita, aut Sacra-
mentarius, aut qua ex schola prodieris ea-
rum, quas vix iā possumus numerare? quā-
quā, quantū ego coniectura assequi pos-
sum, ex illo transfugarum asylo Geneva,
ex equo illo Troiano, vnde tot Ecclesiæ
hostes prodierunt, processisti. meo etenim iu-
dicio Calvinista es: cuius magnoperè mihi
studiosus videaris: qui omnia, quæ in hanc

Matt. 28.

Mar. 61.

sceleratam orationem contulisti, ex illius institutione fueris mutuatus. Si quispiam igitur Lutheranus de præsentia Christi in sacrosancto Eucharistiæ sacramento, si Anabaptista de infantum baptismo tecum decertaret, si scripturæ sanctæ à te apertum testimonium exigeret, quo baptismus infantibus necessarius probaretur, cum tu illud, Nisi quis renatus fuerit ex aqua & Spiritu sancto, non potest introire in regnum Dei, protulisses, ille contra illud opposuisset, Docete omnes gentes, baptizantes eos in nomine patris & filij & Spiritus sancti, & illud etiam, Qui crediderit & baptizatus fuerit: quid ageres? quâ interpretationem adhiberes, qua illum repugnantem, reluctantemque conuinceret? qua ratione nudis illum scripturæ verbis redargueret? qui nullum alium iudicem, quàm expressum Dei verbum esse patiaris? quid diceret, cum hic te tuo gladio iugulatum videret? quid futurum erat, Fabrici, nisi ut cum neque tu illum, neque ille te in suam posset sententiam pertrahere, longa concertatione defatigati, ira deinde incensi, mutuis demùm affecti contumelijs discederetis? Quod si tota nobis colluctatio de scripturæ interpretatione

pretatione futura est, ut tu aliquando vel inuitus, victus tamē ipsā veritate fateri coactus es: quis sanctior illius interpres, & huius cōtrouersię iudex esse poterit, quā illa iam inde à principio nascentis religiōis ad hęc vsq; nostra tempora, Ecclesię catholicę constans & perpetua consensio, quam nulla potuit hæreticorū versutia & calliditas, sicut ipsam scripturā corrumpere, aut deprauare? Quis æquior iudex apostolica traditiōe, apostolicis scriptis, & veterum scriptorū monumentis consignata? quam ecclesia Christi, tanquam certissimā regulam, agnouit, illāsam atq; inuiolatam conseruauit, & tanquam optimum intelligendis scripturis interpretem adhibuit? quis iudex incorruptior testimonijs sanctorum, & antiquorū Patrum Græcorum & Latinorum, qui partim vicini temporibus Apostolorum, sinceram illam, atq; puram euangelicę legis intelligentiā ex illorum purissimis fontibus hauserūt: partim summa vitę innocentia, fide, sanctitate & pietate exornati, omnibus naturę & literarum ornāmētis instructi, splendore diuini spiritus illustrati, iugi & magno labore totas suas ætates in studio sanctarū literarum

contriuerūt, & in intimos illius sensus penetrarūt: qui cū sint ab odio & ira & humanis affectibus remotissimi, & suis nunc in libris nobis apertissimè loquantur, integrè, & incorruptè iudicabūt? Quis deniq; incorruptior, q̃s oculatior? Quis sanctior, aut sapientior iudex excogitari potest, aut vnquàm fuit ab Ecclesia catholica difficilimis, periculosissimisq; suis temporibus adhibitus, quàm Conciliū œcumenicum, quod vel tuus etiam ipse Calvinus optimum scripturæ interpretē agnoscit, & illa quatuor prima se dicit cum magno Gregorio supplicem venerari? Hos igitur iudices cū tu reijcis Montane, & alios tibi dari postulas, q̃ nulli sunt, nec esse possunt: quid aliud indicas, quàm te iam istam palæstram, p̃prio iudicio damnatum, extimescere, atque detrectare, quam te optare paulò antè simulabas? Quid enim potest esse dementius, quàm iudices poscere, & nullos p̃bare? Quis te tantus oppressit stupor, vt has insidias à nobis detectū iri non putares, & huiusmodi prætigijs & imposturis crederes te posse Germanis impondere, & curiosis nostrorum oculis puluerem offundere, ne perditam iam vestrā & cau-

sam

fam & mentē intueantur, qui hæc temerè
 & ineptissimè iā effutiatis, ne nihil dixisse,
 ne ipso silentio victi videamini? Sed quo-
 niam intelligebas maximam semper fuisse
 Conciliorū vim ad hæreses p̄fligandas, &
 hoc, quod Tridenti sæpè iam coactū, & ve-
 stris insidijs intermissum, magnis tandem
 laboribus, maxima totius orbis Christiani
 cōsensione conflatū est, extremum vestræ
 miserrimæ causæ vulnus futurū p̄timefcis,
 nervos oēs orationis ad illud euertendum
 cōtulisti: cuius vt auctoritatē infringeres,
 nullis argumētis, nullis rationibus, sed im-
 probissimis contumelijs vsus es, ne ab illo
 calonis munere, quod initio tibi impo-
 suisti, discederes. Conciliū nō modò erra- *Montani*
 re posse, sed sæpiùs errasse, eiusq; venerabi- *calumnia.*
 le nomen in Satanæ synagogā cadere pos-
 se, idque satis & calonis auctoritate, & ma-
 ledictō probatum esse arbitraris. Exem-
 plum ex euangelio Ioannis, quasi telum
 aliquod arripuisti, (nam sæpè scripturam
 sacram furori vestro, & maledicētix serui-
 re cogitis) quod quidem antea Calvinus
 vsurpauerat, sed tu illud ab eius manib. ar-
 reptū, adhibita impudēti paraphrasi, in sa-
 crū istud Conciliū cōtorquisti, vt ostēderes,

te illo, licet cæteris sis rebus inferior, maledicendi tamé studio, audacia, & improbitate esse longè superiorem. quæ quidem ego locum impudentissimum libenter silentio prætermittam: quia non modò facile patior, sed nobis puto gloriosum, nos à vobis hoc genere oratiōis superari, præsertim cūm hæc vestra maledicta, quæ sunt indices apertissimi vestræ improbitatis, & testes mentium sceleratarum, hominibus sanæ mētis, apertè loquantur & testificentur vitam vestrā impuram, atq; doctrinam nō posse à tam impudenti & illoto sermone dissidère, vt nemo iam sit tam cæcus, aut tam stupidus, qui non videat, ijs hominibus credendum non esse, quos sic exagitat insania, sic furor agit trāsuersos, vt nunquàm sani, neque sobrij loqui videantur: in quorum libris nulla prorsus euangelicæ modestiæ species appareat. Itaque quod cæteri iniquo animo ferre solent, cūm Ecclesiam Romanam, cūm sacrosancta Concilia tot onerata cōtumelijs ab ijs hominibus intuent: ego nō egrè sustineam, tum q̃ præstet iniuriā pati, quàm inferre, cūm illū habeamus mansuetissimū præceptorē, qui iniurias acerbissimas incredibili patientia per-

pertulit, & discipulos suos tunc beatos dixit esse futuros, cum maledictis afficerentur: tum etiam quod in ijs magnum nobis ad euertendas vestras hæreses præsidium intelligam esse collocatū. Futurum enim spero, vt cum Lutherum in primis, cuius pectus furie omnes videntur occupauisse: cum reliquos etiam auctores, qui, illius vestigijs inhærentes, furorem etiam imitantur, posterius perlegerint: cum vniuersa eorum scripta conuicijs respersa sic esse viderint, vt in illis nō vllum pudoris, aut Christianæ modestiæ vestigium, sed veteris comædiæ licetia conspiciatur: ex quibus insanam illorum mentem deprehendent: cum altera ex parte, mansuetudinem illam & bonitatem Christi Iesu in mentem reuocauerint, se ijs hominibus credere, & Christianos simul esse non posse iudicabunt: cum humilitatem Christi cum istorum superbia, cum illius mansuetudinē cum istorum furore, modestiam cum effrenata licetia, bonitatem summam cum summa improbitate contulerint, non hos quidem Christianos, sed Antichristos: non Christi discipulos, sed hostes censebunt: non ijs magistris se tradent instituendos & exco-

I 5 lendos,

lentos, quos viderint tot animi morbis laborare: nisi quispiam fuerit tam insanus, qui medicis phrenesi laborantibus æternam suam felicitatem iudicet esse credendam. Sis ergo per me, Mótane, furiosus: sis impudens, maledicus & conuiciator: nostram causam agis, & tuam prodis: nolo tecum iniurijs decertare, ne eiusdem criminis reus esse videar. Sed venio iam ad extremam orationis tuæ partem, in qua, nobis (vt tibi videtur) profligatis, ad ea præscribenda, quæ ad res vestras optimè cõponendas, & moderandas spectant, te accingis: quæ in re singularem stultitiam, sicuti hætenus impudentiam, prodidisti. Sed mirum est, quàm subita metamorphosi ex calone censor euaseris: & qui antea calonis te partes acturum esse fueras pollicitus, nunc grauissimam Catonis personam velis sustinere. Amplissimis verbis & grauibus sententijs orationem exornas: humana, atq; diuina iura tibi cõmissa esse gloriaris, illorûq; rationem tibi esse reddendam: sed subito qui illam veterem personam obliuisci non potest, qui hanc naturam, & ingenio tuo reclamante sustineas, deposita censoria grauitate, illico ad scurrile & calonicam maledictiam

Montanus.

tiam reuerteris. Nam cū quibusdam obiectiōibus respondere decreuisses, quarum prima est illorum ministrorum, qui tibi dicere potuissent, cur non Tridentum petimus, vt religionis causam cū patribus conferamus: & in cōmune pertractemus? quid enim gloriosius? quid fructuosius hac protectione, ex qua pax & concordia sperari posset? huic tam iustæ & tam sanctæ expositioni nihil aliud respōdes, quā te neq; posse, neq; velle id facere: quia Concilij auctoritas à Romano Pont. Christi & Ecclesiæ eius iurato hoste dependeat. O impudētiam hominis inauditam, tu illum, quem Christus Ecclesiæ suæ sanctæ supremū voluit esse pastore, quē Concilia omnia, iam inde ab illo primo Nicæno, quem antiqui Patres, quē sedes oēs patriarcharum & episcoporum, toto Christiano orbe diffusæ, summum Christi vicarium agnouēre, & debita sunt veneratione, psecutæ: à quo semper, tanquā à capite in membra, incorrupta semper, sincera & integra fides in reliquum Ecclesiæ corpus pmanuit: cui oēs Ecclesiæ ordines, cui oēs Christiani, principes, tetrarchæ, imperatores, tanquā supremo Ecclesiæ principi, Christi vices gerēt, collum,

collum, fascesq; submiserunt: tu, inquam, omnium, quos terra sustinet, sceleratissime, Christi iuratum hostē appellabis? Sed quid ego tibi homini infelicissimo & miserrimo indignor, cuius potius misereri, cuius sortem lamētari debuissem? Omitto reliquas contumelias, quas in hoc sacrosanctum Concilium coniecisti, quod te fastidire, negligere, & tanquā cœtum malignantium fugere, declinare, auersariq; impudentissimè iactas: accedo ad præclaram illam repetitionem tuam, ex omnibus confartam & confarcinatam argumentis, quibus vos ab hoc Concilio non prohiberi modò, sed arceri causaris. Continuationis clausula, veluti obiecto vallo, vos ab eo excludi criminaris, cū ostensum iam sit Pontificem max. ab illo verbo abstinuisse: & summam esse improbitatem, velle ea, quæ sanctissimè à sacro Concilio decreta sunt, in disputationem iterum, quæstionemq; vocare. Sed cur legatos & theologos Germanorum Principum ægrè intercessionem Caroli V. potentissimi imperatoris, in Concilium admissos, à disputatione tamen exclusos esse mentiris? cū potius tanta illa Imperatoris potentia, & instaurandæ

Montano.

randæ religionis tam ardens studium, vix potuerit à vobis obtinere, vt pauci quidā & illi muti theologi Tridentum mitterentur: à quibus postea Concilij Patres, cū eos sæpè amicè, atq; beneuolè ad disputationem, & reddendam suæ doctrinæ rationem prouocassent, nullam vocem extorquere potuerunt. Testis est Brentius, qui Tridētum ingressus, amicissimè exceptus, rogatus etiam sæpissimè, vt suam mentem Patribus explicaret, vt sententiam diceret, in disputationis arenam per multos menses prouocatus, ex loquacissimo tamē versus in Harpocratem, suæ causæ Pythagorico silentio consulendum putauit. Siluit quousq; accepit, Mauritium cum exercitu numerofo Oenipontum venisse: & quo tempore Concilij Patres, illius aduētū perturbati, nulla iam alia de re, quàm de fuga cogitabant, prodit veluti ex aliquo gurgustio acerrimus ille causæ vestræ propugnator: & tum demū se audiri postulauit, cū audiri non potuit. O præclarum ministrū & defensorem, à quo vestra causa non nisi maximo tumultu & Cōcilij fuga, vocem, & illam nihil iam profuturam, expressit. Neq; verò tunc eo consilio petebat dari sibi-

Monta-
nus.

bi locum dicendi, vt violatę à se & dissipatę religionis rationem redderet: sed vt interim Patres ab hostibus intercepti furentibus Matritij gladijs obijcerentur. At verò leges à Concilio præscriptas, & decretos iudices vobis obstare dicis: quia nihil certi esse poterit vnica certitudinis regula sublata. Quę ista est aut cęcitas, aut impudentia potius, vt cū videas, scripturam diuinam, vt sæpe iam diximus, sacro Concilio, tanquā supremum iudicem, in primo & principe loco fuisse collocatam, dicere audeas, certitudinis regulam è medio fuisse sublatam? sed patres nimirum Concilij, quos tibi hostes fingis, vehementer extimescis: quos asseris in perniciem vestram dissertis verbis cōiurasse: qui vbi, re discussa, atq; definita, acta semel Concilij in codicillos retulerint, vos ter maximos hereticos esse clamabunt, & omni suppliciorum genere dignos censebunt, tum pauor, metus, trepidatio & illa flamma, qua Ioan. Hus & Hieron. Pragensis exarsit, ante tuos oculos obuersatur. Istos planè terrores, Montane, non tibi quidem Patres Cōcilij, quorum vota & studia caritatē potius & pacē, quā odium & crudelitatem spirant, qui
non

non perniciem vobis aut optant, aut moliuntur, sed vestræ salutis amore, atq; desiderio flagrant, vos viuere potiùs, & ad Ecclesiam redire, quàm non modò mortem, sed nec vllum quidè discriminè subire cupiunt, qui salutem vestræ ita publica fide cõsulerunt, vt etiam si in hoc iudicio conuinceremini, liberi possetis in patriam commeare, sed tua conscientia faucia, atq; vulnerata coniecit: & tamen, cùm eo sis animo tam trepidò, tã meticulofo, qui ipsam etiam securitatem, veluti suspectam, reformidet, audes homo leuissimè sanctissimũ illud & robustissimũ martyrum nomẽ toties vsurpare & in ore habere, quos hac in parte imitari te impudenter iactes? audes dicere te illorum sequi vestigia, qui causas suas apud iniquos iudices egerunt illi quidem, sed nunquam detulerunt, & te martyrem, sanctissimum verò Concilium tyrannum appellare? audes tu hostis Ecclesiæ causam tuam cum Pauli Apostoli, Athanasij, Cyrilli, Nazianzeni, qui acerrimi hæreticorum hostes & religionis assertores extiterunt, improbissimè cõferre? Maximus hierosolymitanus antistes ab Antiochena synodo abstinuit: Athanasius à Tyria fugiendum,

dum, & ad Seleucianam minimè veniendum duxit: quia nec auctoritate Romani Pont. coactæ, & ad euertenda sacrosancta decreta Concilij Nicæni erant conflata: quas non synodos, sed Satanæ comitia meritò iudicarunt. Sed quæ ista tua est impudentia, vt audeas dicere te illorum exemplo hæreticorum conuenticula (sic enim appellas Concilia sacrosancta) hæreticus ipse declinare? quando illi, obsecro, œcumenicum Concilium ducentorum quinquaginta episcoporum frequentia, summi Pontificis auctoritate coactum, Imperatoris, Regū propè omnium, principum Christianorum, & Rerump. legatis exornatum, hæreticum, sicuti tu nunc facis, appellarūt, & ab illo abstinendum iudicauerunt? cur hanc iniuriā sanctissimis illis patrib. intulisti? cur cum tanta illorū contumelia quæris tuæ causæ præsidia? nō satis est, eos omni honore, veneratione & patrocinio spoliasse, nisi hæreticos etiam feceris, & illorum gloriosum & immortale nomē, qui extra omnem inuidiæ aleam positi, sempiterna felicitate fruuntur, grauissimo hæresis vulnere cruentasses? non satis est Ecclesiam, Concilia, Romanos Pontifices, præsentia & præter-

terita sæcula vestrę maledicentię patuisse,
nisi in cœlũ ipsum, & in ciues illos glorio-
sos cœlestis Hierusalem sitis contumelio- *Montan.*
si? Iam verò vel eo solũ nomine vobis in *mus.*

Concilium veniendum non esse conten-
dis, quòd ius conuocandi synodos ad Pon-
tifices neq; diuino, neq; humano iure per-
tineat. Illud abs te in primis quæro, Fabri-
ci, cùm duæ sint Reip. partes, quibus illa re-
gitur & conseruatur, iustitia, atq; religio,
iustitiæq; ministri principes sint, religio-
nis antistites: si cogendi, atque celebrandi
eos conuentus, qui ad iustitiam optimè ad-
ministrandam pertinent, facultas penes
principes est, idq; ipsa dictat ratio, atq; na-
tura: cur ius conuocandi synodos, quæ re-
ligionis causâ coguntur, ad Põtices non
pertinebit? cur istud ius Imperatoribus de-
fertis? cur munera Christianæ reip. pertur-
batis? Supremus Ecclesię pastor, & religio-
nis Christianę, primus & summus antistes,
Pontifex Romanus est: Concilia vnicum
semper remedium extirpandarum hære-
sum, & instaurandæ religionis fuerūt: quis
ergo est tam stupidus, qui non intelligat
Concilij conuocationē, quod est vnicum
religionis perfugium, & anchora sacra ad

K illum

illum potissimum pertinere, cui tuendę & conseruandę religionis cura commissã sit? Cõcilium Nicænum primũ sanctissimũ & antiquissimum hanc suis decretis auctoritatem Rom. Põt. deferebat, & tu auferes? testis est Athan. epist. ad Fœlicem Papam, & Galla Theodosij Augusti mater scribens filio, qui memorię prodiderunt Concilium Nicænũ decreuisse, sine Rom. Pont. neq; cogi debere, neq; celebrari synodũ, eiusq; legatos principem in ea locum obtinere. Testes sunt Osius, Vincētius, & Victor, qui illi Concilio nomine Syluestri Põt. Rom. præfuerunt, & primi illius decretis subscripserunt. testis est Marcellus & Damasus: testes etiam sunt Valētinianus & Marcianus augusti, qui à Leone Pont. Rom. vt Concilium cogeret, missis legatis, & precibus adhibitis impetrarunt. Cũ ergo ij maximi Imperatores hoc à summo Pontifice postulauerint, quòd ad eum hoc ius cogendi Cõciliũ pertinere arbitrarẽtur: cur tu hanc facultatem, quam à se relegarunt clarissimi & religiosissimi principes, & Romano Põt. sua sponte detulerunt, per vim ab illo auferes, & eis repugnantibus etiam, atq; reluctantibus tribues? Antiquis illis temporibus

ribus in maximis hæreticorum infidijs, quibus Christiani homines premebantur, quod secunda Ephesina synodus declarauit, cùm Ecclesiæ antistites sine præsidio Imperatorû, vt religioni subuenirêt, tutò conuenire non possent, Põtifices Maximi, vt securitati & libertati patrum consulerêt, indictioni concilij imperatoris nomen & auctoritatem addiderunt: vt cùm imperatoris potentia septum, atq; munitum Cõcilium Ecclesiæ hostes animaduernerêt, sibi ab aperta vi, atq; violentia temperarent: vt hac ratione illorum, quos neq; religio, neque pudor poterat cohibere, improbos conatus, imperatorum auctoritas, armaq; reprimerent. Hinc vester error, qui scripta omnia deprauatis, & in vestrà causam per fas, aut nefas detorquere soletis, promanauit: quanquàm nõ hunc ego errorem, sed improbitatem interpretor: neq; estis tam cæci, qui hæc non videatis: sed, vt principibus assentemini, quorum patrociniò magnoperè indigetis, hæc & alia ijs similia excogitatis. Illud prætereà magno vobis impedimento esse dicis, quò minus hoc iter veniendi ad Conciliũ ingrediamini: quòd videlicet p̃sentia vestra principes Christia-

*Mentus
nus.*

K 2 nos,

nos, qui etiam ad Concilium euocantur, & venire recusant, iniuria afficeretis, & Pōtifi-
cem Romanum, quantum in vobis est, cō-
tra illos armaretis: reliquos verò Christia-
nos, qui sibi ab hoc congressu graues ob-
causas temperarunt, præiudicio vestro lon-
gè iniquissimo grauaretis: vobis præterea
inensos, & pontifici magis inuisos redde-
retis: idq; exemplo principum Germano-
rum confirmas, qui in conuentu Neobur-
genſi, putida pontificis postulata, satis ani-
mosè repulerunt, mirari se dicentes, quæ il-
lius esset impudentia, qui illis quoq; præ-
scribere non verecūdaretur, à quibus pro-
culcatæ religionis accusaretur ipse. reliqua
maledicta prætermitto, quæ ab illo conuē-
tu in summum Pontificem iactata refers:
quæ quidem ego à te conficta, & illi falsò
tributa esse arbitror, vt tanti cœtus aucto-
ritate tuam impudentiam tegeres, vt male-
dicētiae comitē principū conuentū habere
videreris. neq; enim est credibile, ordinē
principū, amplissimum & grauissimū, qui
soleat etiā suis hostibus capitalibus mode-
stè (vt par est, & vt illum decet) responde-
re, eorumq; legatos benignè, atq; humani-
ter excipere, qui deniq; eos, quos intestino
pro-

prosequitur odio, quorum sanguinem ex
forbere cupiat, moderatis verbis appellare
consueuerit, tam acerbo & iniquo animo
in Romanum Pontificem, sanctissimum
Christi vicarium, fuisse, vt eum tam aper-
tis & insignibus iniurijs, quas tu illi affin-
gis, fuerit persecutus. Magnam tu igitur
iniuriam illis principibus intulisti, quos
tui similes facere conatus es: quorum dum
grauitatem, atq; constantiam studes com-
mendare, hoc illis responsum tribuens, in-
dignum Germanica nobilitate, & pietate
Christiana, in famię dedecus sempiternum
influxisti. Sed quid mirum, si qui summam
laudem in maledicentia collocauit, eam
clarissimis Germanorum principibus tri-
buat. quid mirum, si de conseruanda prin-
cipum gratia tā estis solliciti, sine quorum
præsidio, non modò impudentes esse, vt
estis, sed neq; vsura huius lucis frui, nec cō-
munem hunc Spiritum vobis ducere licuif-
set. non itaq; miror, si eos, quorum armis
indigetis, summos Pontifices faciatis, &
summa reuerentia, atq; obseruantia pro-
sequamini. sed illud dignum est summa
admiratione, tantum fuisse tuum stupo-
rem, vt tantis principibus illa tribueris ma-
ledicta,

ledicta, quę sibi tribui latrones erubuissēt.

Montanus.

Illud verò iam extremū minimè dicis esse prætermittendum, quod, quia omniū erat maximum & grauissimum impedimētum, q̃ vos remorari poterat, quò minus Tridentum veniretis, in extremam orationis partem reformasti, vt altius infixum Germanorum mentibus permaneret, q̃, quoties in memoriam reuocarent, vos meritò ab hac profectiōe abstinuisse censerent: quo quidem vno & Christi gloriā obscurandā, & Ecclesię dignitatem prorsus dicis fuisse infringendam. Sed cupio iterū ex te audire, Montane, quod sit istud tā atrox & tam inauditū scelus, q̃ vester aduētus in Christū & in Ecclesiā esset admissurus. Cogar, inquit, cū in arenā descēdero, cū illud tenuero suggestū, ex quo mihi sententia dicēda est, in ipso vestibulo disputationis, cogar, inquā, quid hoc est, Fabrici? nūquid cogeris veritatē deferere? atqui nihil est, quòd crimē istud verearis, qui nō modò eam deseruisti, sed indignis modis vexasti. nunquid cogeris in Christi leges, in euangeliū, in Deū & sanctos esse cōtumeliosus? atverò nihil est, q̃ timeas, qui proditor Christinę religionis Christi signa deseruisti:

ruisti: euāgeliū profanasti: leges diuinas & scripturā sacram corrupisti: sanctissimam virginem Mariam Dei matrem, sanctos illos omnes supernos spiritus, nō modò honore nudasti & ueneratione, sed conuicijs & maledictis affecisti. Lōgè maius, inquit, est flagitium, quod exhorresco: cogar etenim ex illa pergula, Patres concilij Tridē-
tini Reuerēdissimos appellare. O scelus incredibile, ô facinus inauditū: meritò, Montane, Germaniam potiùs infinitis erroribus scatere, distrahi, atq; dilacerari Christi tunicam, vniuersam rempub. Christianam bellis intestinis ardere pateris, quàm vt tantum in te & tam inexprabile scelus admittas, vt Cōcilij Patres honoris gratia Reuerendissimos appelles. Ite nunc ô viri Germani, & ijs ministris, tam pijs, tam religiosis, tam modestis, tam circumspectis obtēperate: quàm cara vestra salus est ijs hominibus, qui illam periclitari, & Ecclesiam vniuersam pessundari, faciliùs se passuros esse profitentī, q̃ vt modesti sint: & tamē hūc tam barbarū, tam impotentem, immò tam impudētem dominatum, fertis vos æquo animo: & hanc miserā & voluntariam seruitutē alioqui liberi & generosi sustinetis,

Sed vt ad te reuertar, Montane, quæ est ista tua tam immoderata & effrenata maledicendi libido, quæ ista est plus, quàm Thraſonica impudentia, vt nec in tanto conſpectu à te modestiam impetrare poſſe confidas? tam eris Montanus & agreſtis, immò tam ſtupidus & plumbeus, vt tuam modestiam in Chriſti & Eccleſiæ dedecus redundare credas? Dic mihi, obſecro, cùm illud ſuggeſtum teneres, qua tibi præfatione vtendum putabas? ſi non Reuerendiſſimos, nunquid latrones eras appellatuſus? cur ſi eos Reuerendiſſimos diceres, honori Chriſti & Eccleſiæ detrahi exiſtimasti? nūquid Chriſtum aut Eccleſiam Reuerendiſſimā vnquàm appellari audiſti, vt ſi in alios hæc honorifica cōpellatio transferretur, ſumma illis iniuria illata fuiſſe videatur? quæ iſta eſt dementia, quæ ſtultitia, quæ impudentia? & tamē cùm ijs, atq; alijs ſimilibus argumentis fueris uſus, ad probandum Concilium Tridentinum à veſtris ſine ſcelere frequētari nō poſſe, ouanti ſimilis aut debacchāti potiùs triumphū ante victori

Montanus. am canens dicere audeſ: Euici adhuc vt arbitror, proſeſtionis noſtræ idoneas cauſas reperiri nullas, quāplurimas verò eaſq; grauiſi-

uissimas aduersari penitus: ideoq; hoc cō-
ciliū sine scelere à nostris frequētari nullo
modo posse. O præclarā victoriam, ô egre-
gium triumphum, dignum laudibus, & ac-
clamationibus tuorum militum. Quòd si
te stulto furore & audacia omnes Ecclesiæ
hostes vicisse diceres, meritò sanè hunc ti-
bi triumphum deposcere, & tuum istud sa-
crilegum caput lauri virentibus folijs ex-
ornatum, domū referre potuisses. & si reli-
quis tui similib. furiosis ministris, qui ora-
tione tua, ne Tridentū venirent, non indi-
gebant, te id persuasisse contenderes, non
vtique repugnarem: sed hominibus sanæ
mentis tantum abest, vt id probaueris, vt
isto tuo famoso libello apud illos causam
nostram iustiorē, tuam iniustiorē, red-
dideris, tuis maiorem inuidiam, tibi ma-
ius omnium bonorum odium cōciliaue-
ris. nam quæ à te, remotis contumelijs, ad-
ducta sunt, (si vlla tamen supersunt) late-
bræ quædam sunt, vt ostendimus: quibus
occultare & tegere perditam & deplora-
tam causam voluisti: & in quibus impro-
bitas vestra, Germanorum oculis subdu-
cta, delitesceret, ne si recusaretis reddere
rationem huic tanto Cōcilio eius, quæ in

vobis est, perfidiæ, ipsa iam conscientia victi, & silentio vestro damnati videremini. Hæc tua cæca pertinacia, Fabrici, quæ tuum animum odio Romanæ ecclesiæ inflammatum, & varijs erroribus æstuantem, nihil boni videre, nihil moderati gerere finit, quæ te cogit conceptas semel opiniones mordicùs tenere, & veritatem iam ipsam sanis & sinceris oculis cernere non patitur, magno tibi est impedimento, quò minus, quæ omnibus sancta & necessaria, præterquàm tibi vni, videntur, solus ipse non videas. Nam si hoc tantisper deposito, aut compresso furore, rem hanc, vt erat æquum, piè, Christianè, & prudenter expendere voluisses: non utiq; in tantis miserijs afflictæ religionis dicere ausus fuisses, vos nullas causas frequentandi Concilium reperire. Quando, obsecro, plures & grauiores, nò dici modò, sed neq; excogitari, aut fingi potuerunt? quando tanta & tam vrgēs necessitas? quādo turbulentior in Christiana Rep. perturbatio conspecta? quando tātus hæreticorum furor? feruentior errorū æstus? quando tot dissidia, tumultus, odia, cædes & immanis crudelitas inter ipsas Christianorum aras versata est? quan-

quando matris Ecclesiæ totū corpus sa-
cium ita, & crudeliter vulneratū vnquam
fuit: è cuius visceribus tela à vobis infixæ,
ægrè iam à Catholicis reuellantur? quādo
Concilium opportuniùs cogi & celebrari
potuit? quādo maior in eo Patrū frequen-
tia, doctissimorū theologorum multitu-
do, ardentius studiū componendæ pacis,
communiùs votum auditum? quando ad-
uersarij tam amicè, tam beneuolè tāta cum
securitate vocati? quando locus, tempus &
occafio conuenientior oblata est? Carolus
v. imperator immortalitate, æternisq; lau-
dibus ob singularem pietatē & res clarissi-
mè gestas dignissimus, & Franciscus Gal-
lorum rex clarissimus & Christianissimus,
in illo fœdere sanctissimo, quod aliquādo
cōciliandæ pacis studio certis conditioni-
bus pepegerunt, nullam aliam viam, eam
stabiliendi & confirmandi in toto orbe
Christiano reperiri posse putarūt, quàm si
hoc, quod nunc celebratur, Conciliū co-
geret: tu verò Montane id, in quo illi cla-
riss. principes vnicā componendæ pacis spē
sitam esse existimarūt, sine scelere frequē-
tari nō posse impudenter dicere audebis?
Ex vltimis Assyrię finib. Abdyfus Assyrio-
rum

rum patriarcha, cùm esset à clero eius prouinciae creatus supremus illarum prouinciarum antistes, accedente consensu illorum populorum, qui regionem Tigri flumini proximam incolunt, cùm se Romam contulisset, vt Pontificem max. Petri successorem, Christi vicarium agnosceret & veneretur, & vt illi muneri, ad quod à sacerdotum ordine, plebis consensu fuerat assumptus, ab eo consecraretur, eiusq; iudicio, tanquàm Ecclesiae principis, & auctoritate confirmaretur, cùm audisset, tanta patrum frequentia Concilium celebrari, tanto exarsit studio veniendi Tridentum, vt illicò iter arripere decreuerit, nisi illum desertæ oues ad se vocassent, & nisi Pontifex Max. maiori illa obiecta necessitate illum ab ea (qua tenebatur) magna cupiditate veniendi depulisset: quia nihil antiquius, nihil sibi iucundius accidere posse dicebat, quàm si huic cœtui sanctissimo sibi interesse contigisset: neque antea Roma discessit, quàm sua spõte, adhibito iureiurando, polliceretur se decreta cœumenici Cõciliij Tridentini excepturum summa veneratione, eaque populis illis Assyriorum cum aliorum Conciliorum decretis

tis obseruanda traditurum. Cuius ego iurandum & reliqua, quæ cum illo gesta sunt, libenter hîc subiecissem obsignata publica fide, nisi accepissem illa iam prelo commissa ad vos esse delata, vt intelligeretis, quàm sint illa disciplina, sacramenta, ritus, cæremoniæ, quas à Thoma & Thadæo, sanctissimis Apostolis, traditas Assyrij acceperunt & conseruarunt, Romanæ ecclesiæ disciplinæ consentaneæ, & vt ille vir, veluti sincerus, incorruptusque testis, erroribus vestris obijceretur: vt cùm eius religionē cum ea, quam vos damnatis, consentire videretis: non iam vos Romanos Pontifices, sed Apostolos: nō Romanam, sed Apostolicam ecclesiā insectari intueremini. Qui planē abdyssus diuino mihi consilio Romam missus fuisse videtur, vt & Pontificem Romanum, & sacrum istud Concilium illa tanta veneratione persecutus, hâc vobis perfidiam vestram & improbitatem exprobraret. Quid ergo? ignoti homines in vltimis Asiæ recessibus positi, nō alia ratione, quàm maiestate illa successoris Petri commoti illius pedibus prouoluuntur, & vos tot ab ecclesia Romana beneficijs affecti, ingrati in illam & contume-

tumeliosi reperiemini? illi Cōcilium Tridentinum venerantur, & vos iniurijs afficietis? illi Ecclesiam Romanam, tanquā matrem, atq; magistrā, amplectuntur, & vos in illius gremio educati, diuinis illius legibus instituti, nō solū odio & maledictis psequemini, sed armis iam & inaudita crudelitate vexabitis? omnes totius orbis Christiani nationes & p̄uinciæ Concilium istud opportunū & necessarium iudicarunt, & vos illud negligetis: & nō modò nullas ad illud veniendi causas vos reperire dicetis, sed & vestra præsētia indignum putabitis? Sed illud est longè maius flagitium tuum, Fabrici, quòd, hoc tanto, tam frequēti & œcumenico Concilio neglecto, Germaniæ principes ad cogendum aliud in Germania nō Concilium, sed impiam cōiurationē adhortaris. quod quantum sit scelus non dixisse modò, sed cogitasse, miror te, Montane, non vidisse. Nam coacta iam generali synodo, in qua Cæsaris, & principū omnium Christianorū legati, in qua tot ecclesiarum pastores reperiānt, vt pauci ex toto Christianismo desiderentur, velle aliud Concilium cogere, quod ex fāce illa & colluione transfugarum

rum collectum, illi opponatur, quid aliud, obsecro, est, quàm studere, novos tumultus in Christiana rep. concitare: nouum inferre schisma: nouas furias immittere, omnia sursum, deorsumq; iactare: velle denique afflictam & corruentem religionē penitus extinguere, atque funditus delere? quāquàm illud abs te quero, Fabrici, quorsum istud Concilium cogere exoptas, qui Concilium controuersiarum iudicem esse non posse contenderis? qui Concilia non modò errare posse, sed sæpiùs errasse, & se mutuis vulneribus confecisse iam dixeris? Cogetur, dices, vt scriptura iudex sit, vt videatur, quid ex verbo Dei habeamus: quia Christianū, inquis, esse nequid Cōcilium, quod actiones suas ad Christi & Apostolorum regulā sacris literis comprehensam nō exigit. nōne vides hunc sibi etiā scopum sacrū istud Cōcilium præfixisse, cū scripturam primum, atque præcipuum iudicem esse voluit, & reliquos illi quatuor iudices, veluti interpretes, adhibuit? Quòd si hoc tantum Concilium, tanta frequentia, doctrina, auctoritate iudex esse nequit, quó nam modo manipulus ille malè cohærentium, imò dissidentium & digladian-

diantium ministrorum iudex esse poterit? O egregium Cōcilium, si modò cogere-
tur: ô præclaram illam cohortem præto-
riam ministrorum, si aliquando conueni-
ret. operæpretium esset videre, quo confi-
lio, qua pietate, atque modestia res agere-
tur: quæ synodus, qualis esset futura, si quã-
do (quod Deus auertat) ex Montani voto
cogeretur. Dum vobis expono, viri Ger-
mani, quæso, diligenter attendite, vt me
non prorsus amentem, aut mendacē fuisse
vatem intelligatis. Ab aliquo igitur ex ijs
principibus, quos summos sibi Pontifices
fecerunt, indicetur Concilium & promul-
gabitur: vocabuntur ex omnibus sectis a-
cerrimi patroni. cōuolabunt illuc ex om-
nibus locis, ex omnibus scholis sordidi &
furiosi ministri: (quamuis nullum ego es-
se arbitror tam amplum, aut tam spacio-
sum theatrum in Germania, quod ex sin-
gulis sectis singulos ministros capere posi-
sit) aderunt Lutherani, Anabaptistæ, Ada-
mitæ, Sabbatarij, Clancularij, Arrabonarij,
Energici, Adiaphoristæ, Dæmoniacy, Stan-
cariani, Antinomi, Inferiani, & cætera in-
finita monstra ex varijs, repugnantibusq;
naturis cōflata. omitto rixas illas, quæ prin-
cipio

cipio excitabuntur, cū de loco certabitur: Lutheranis primū sibi deberi clamantibus, tanquam primis auctoribus: Anabaptistis verò & Sacramentarijs, vt magis furiosis & amentibus, illum sibi postulanti-
bus. Videre videor illam turbam primū argumentis contendere, ira post ex-
candescere, omnia deinde clamoribus reple-
re, cōuicijs subinde, & demū pugnīs di-
gladiari. Quod si euenerit, vt hęc prima ve-
lilitatio & pugna componatur, quod mini-
mè de illorum furore arbitror sperādum:
placato hoc primo tumultu, cū indigna-
bundi, admurmurantesque confederint,
cū fuerit silentium indictum, dogma il-
lis aliquod proponetur, sententias roga-
buntur: cū ex tanta multitudine neque
duo quidem fuerint reperti, qui idem sen-
tiant, quanta tunc, obsecro, sequetur alter-
catio? quantus tumultus? quantus clamor?
Quod si quispiā fortè dixerit: Hoc in pri-
mis ecclesia Romana probat, quantum uis
pium, catholicum, religiosum, euangeli-
cum, vel hoc vno nomine audito ecclesiæ
Romanæ, furore correpta vniuersa subfel-
lia clamabunt: Anathema ecclesiæ Roma-
næ, Anathema ecclesiæ Romanæ, Quod si

L quis

quispiam alius subiecerit, hoc ab œcumenico Concilio Tridentino definitū & decretum est, idem illum clamor, idem maledictum consequetur, Anathema Concilio Tridētino. Quanquā timēdum illi erit, qui vel Concilium Tridētinum, vel ecclesiam Romanam nominauerit, ne non solum conuicia, sed sanguinarias illorū manus experiať. Atqui dicet aliquis, hoc expressum est in epistola Pauli ad Hebr. sed subiiciet alius, iam pater ille sanctissimus & vnicus Aristarchus, scripturarum Luther. arrepta virgula censoria, illā epistolam vtpote hæreticam, & falso titulo Paulo tributam, ab ordine diuinarum scripturarum remouit. Sed id legimus in epistola Iacobi: illam etiam stramineam idem ille Esdras diuinorum librorum censor appellauit. Id nobis Machabæorum libri traderunt: non sunt Canonici. Locus est expressus in euangelio Ioannis: non est accipiendus in hūc sensum: longè diuersus est sensus, vis & energia verborum: non legitur in vetustis codicibus: additum est ab interprete: non sic habēt Græca exemplaria: in quibusdam antiquissimis exemplaribus aliter legebatur. At verò sic vniuersa eccle-

ecclesia Christiana hætenus est interpretata: lapsa est. Sic Concilia definierunt: sed dicet Montanus, illa non solum errare, sed quantumvis œcumenica sint, in Satanæ synagogam cadere possunt. Sic sanctissimi, doctissimi, & vetustissimi patres, Cyprianus, Irenæus, Augustinus, Hierony. exponunt: homines sunt, falli possunt. Sic nobis apostolicæ traditiones testantur: nugæ sunt. Quid ergo? prodeant in medium illa quinti euangelij clarissima lumina, Lutherus, Zuinglius, Carolstadius, Bucerus, Oecolampadius: qui vbi nominabuntur, assurgent omnes, & aperto capite, venerabundi illorum sacrosanctam auctoritatem suspicient, & reiectis Concilijs, contemptis Patribus, exclusis apostolicis traditionibus, Ecclesiæ consensu & consuetudine neglecta, toti Ecclesiæ Catholicæ & Apostolicæ *avv* *ēp* vnicam, inquam, Lutheri auctoritatem opponēt. Itaq; cum aduersus ecclesiā Romanā illis erit pugnandum, vnicum omnium votum, vna mens, vnicus animus & communis erit illius furiosæ turbæ cōspiratio. At verò vbi Lutherus cū Zuinglio; Calvinus cū Melanchthone cōgredietur: cum agei de Libero arbitrio: & quidā cum

Luthero & Caluino dixerint nullum esse liberum arbitrium, & proditorem Iudæ, Daudis adulterium ita opus esse Dei, sicuti Pauli conuersionem: contrà verò Melanchthonici id horribile mendacium & Manichæorum furorem esse clamauerint: cùm prodierint sententiæ diuersę & innumerabiles, de Iustitia Christiana, de Sacramentorum numero, de constitutionibus ecclesiasticis, de Cæremonijs ecclesiæ, de Iudicio, de Præmijs bonorum, malorum, & supplicijs: cùm Daudici nullum esse futurum iudicium vniuersale, Anabaptistæ futurum quidem, sed animas è corporis vinculis solutas, ad illud vsque tempus dormire, & demones simul cum illis è supplicijs extrahendos, & sempiterna felicitàte donandos contenderint: cùm Seruetiani & Libertini, carnis resurrectionem minimè futuram cum Sadducæis, Menandro, atque Simone affirmauerint: cùm nō modò diuersorum auctorum, sed eiusdem varias, repugnantesq; sententias alij protulerint, vt de Numero sacramentorum, de Communionē vtriusq; speciei, quam quidam necessariam, & à Christo institutam dicent, idq; Lutherum sensisse, alij repugnauerint.

gnabunt: agetur res ob signatis tabellis: proferent illi confessionē Saxonīcam & Vuittembergensem. ij verò sermonem de Eucharistia, & librum de Captiuitate Babylo-
nica, (licet omnia illius scripta sint Baby-
lonica) quot tunc furiales voces excita-
buntur? si præterea de Sacramento ordi-
nis, de Matrimonio, de Pœnitentia, de Sa-
crificijs, de veneratione, cultuque sancto-
rum inciderit sermo, similis exorietur cō-
flictatio. vbi verò scripturæ locus aliquis
proferetur explicandus, atque exponen-
dus, quibus clamoribus, quo tumultu, &
fremitu certabitur vndiq; omnes scriptu-
ram sacram apertissimam esse communi
voce clamabunt: interim tamē eam, quam
vniuersi facilem, claram & cuius peruiam
confitebuntur, singulis suis commentis,
veluti Cimmerijs tenebris, inuoluent.
Nam cū hic suum sensum affixerit, alius
repugnauerit: cū hic dixerit, se sincerum
animum & mediocrem diligētiam, quod
satis est, ad inuestigandam veram illius in-
telligentiam attulisse: alius verò meliori-
bus se literis, acriori ingenio, maiori indu-
stria, sincerioribus oculis ad inspiciendam
diuinam mentem accessisse contenderit:

& nemo interim ausus fuerit Augustinū,
aut Hieronymum nominare, ne risu exci-
piatur, ne audiat, Homines fuerunt: nemo
Concilia, ne respondeat, Errare possunt:
suum quisq; tantummodò sensum testem
appellauit: quia videlicet ille solus errare
nō potest. Hic peierabit illā esse germanā
interpretationē, quam adhibet: alius suam
cōtendet esse legitimā. Cumq; nullus alius
iudex adhibeat prāter ipsā scripturā, &
illa taceat, licet miserè ab illis torqueat &
dilaceretur, quid aliud ex hac p̄tinaci con-
tentione sperari poterit, quā vt excādes-
centibus ira & inflammatis animis, mu-
tuis conuicijs eorū ora verberentur? quan-
ta tunc, Deum immortalem, conflictatio?
quantus clamor? subselliorū fragor? quan-
tus animōrum æstus & furor? quales con-
tumeliæ & opprobria consequentur? Hic
erit extremus actus huius furiosæ tragæ-
diæ: hic enim esse solet discordiarum exi-
tus. Quod si vlla catastrophe erit expectan-
da, duobus, meo iudicio, confectis decre-
tis, hæc Babylonica synodus terminabi-
tur: alterum erit, vt Ecclesia Romana ana-
themate iuguletur: alterū, vt sint tot sen-
sus; quot capita. quod enim aliud mon-
strum

strum à discordia, atq; furore gigni potest? Nunquid perperàm vaticinari videor, Fabrici? neminem ego esse arbitror, qui immensum illum hæresum vestrarum Oceanum, qui errorum procellas, quibus iactamini, perspexerit, qui non me vera prædicere fateatur. Quæ cum ita sint, Montane, cum intelligas nullum aliū exitum huius fabulæ (quam tu Concilium appellas) esse posse præter hūc: qua fronte ausus es Germanos principes ad cogendam synodum inducere, & eos ab hoc sanctissimo & æcumenico Concilio ad furiosam istam conspirationem traducere? Cum igitur ostensum iam sit, gravissimas & maximè necessarias causas celebrandi sacrum istud Concilium extitisse, illasq; ad vos potissimum quorū gratia coactum est, pertinere: cum apertè fuerit à nobis monstratum, illas, quas tu non veniendi rationes adduxisti, diuerticula quædā & latebras esse, quibus clarissimæ luci tenebras & noctem offundere, Germanis imponere, & deploratæ vestræ causæ prætextū aliquem adhibere voluisti: qua in palæstrasi pudor violatus, si modestia læsa aliqua in parte à nobis est, tua id accidit culpa: q̄ tam petulāter &

immodestè sacrum istud Conciliū, & Pontificem Max. fueris infectatus, vt non potueris, nec debueris, moderatius respōsum spectare: quid, inquam, aliud iam restat, nisi vt te per Christi crucem & sanguinem obsecrem, obtesterque, Fabrici, vt memineris te sacro baptismo initiatum, aucto-
ratum Christi militem in eius & Ecclesiæ verba, legesque iurasse: memineris, te ex illa aqua emergentē pijsimæ matris Ecclesiæ manibus exceptum, stola innocentia candidissima exornatū, veluti purissimā hostiam, Deoq; gratissimā, confepultum Christi morti, & eius sanguine perfusum oblatū inter Dei filios, hæredes regni cœlestis, cohæredes Christi cooptatum fuisse: memineris te non posse Deū, patrē agnoscere, nisi Ecclesiā illius spōsam matrem agnoueris: recordare, quanto studio & caritate materna, te infantem primo in eius gremio ludentē aluerit: recordare te sanctissimis illius pceptis institutū, maximis ab illa beneficijs affectū fuisse: memineris nunc eam à te desertam, incredibili dolore confectam, te à se diuulsum, à cœlesti hæreditate derurbatum, ex carissimo filio acerrimum hostem redditum ingemiscē.

miscere. Quod in te illa vnquam tantum
scelus admisit, vt relictis eius castris, atque
vexillis, infesta, atq; infelicia suorum ho-
stium signa & arma lequereris? cur fidē po-
tius perfidis transfugis, quàm matri adhi-
bendam censes? cur tibi potiùs salutem tu-
am, quàm illi credis? peritissimi medico-
rum cùm aliquo grāui morbo corripian-
tur, sibi vitam & salutē suam credere nō
audent, sed alios medicos accersunt: qui li-
cet non ita docti sint, sicuti ipse est: quia ta-
men sani sunt, sana eorum consilia sequan-
tur: tu cùm ægritudine animi, omniū per-
niciosissima labores, te solū consules? pi-
issimæ & sapientissimæ matris medicam
manum à tuis vulneribus repelles? nullus
clementior, sapientior, oculatior, nullus
tui amantior medicus ea reperiri potest.
maiori te, quàm tu te ipsum, amore com-
plectitur: non tanto studio tu ipse, quàm
illa tuæ saluti prospicit: non tu quidē ma-
iori dolore, neq; acerbioribus lachrymis
tua vulnera, quàm illa prosequitur. si pieta-
tem requiris, mater est: si caritatem, sponsa
Christi: si sapientiam, Spiritus sancti disci-
pula. quid ampliùs in medico requiris, tu-
am ne salutē, & felicitatem, aut miseriam

L 5 sempi-

sempiternam tibi potius, quàm ecclesiæ catholicæ committes? qui si nihil aliud haberes, quàm quod perturbato & saucio animo sis, licet esses omnium mortalium sapiētissimus: tibi nūc suspectus esse & alios consulere debuisses. Sed dices, te sanum quidem esse, & ecclesiā non modò egram, sed insanam. O summam cæcitatem, nullum est, Fabrici, lethalius animi vulnus, quàm vulnus non agnoscere: & desperata salute cūm sis, te sanum & incolumem putare. Nullum est inter diuina supplicia grauius & acerbius, quàm cūm patitur homines in hanc persuasionem incidere. longe est ab spe salutis, cui ipse morbus salus esse videtur. Sed prætermittamus iam ecclesiam, concilia, traditiones Apostolorum: non iam, Fabrici, causam istam ad scripturæ sacræ, sed ad Christi IESU supremi iudicis tribunal deferamus: diem illū formidabilem, quem effugere non possumus, & breui conspecturi sumus, nunc nobis ante oculos proponamus: fingamus ante illius nos altare conspectum: &, vt ipse cōfidentiùs accedas, fingamus etiam Ecclesiam Romanam, cuius ego auctoritatem suspicio & fidem amplector, hætenus errasse,

rasse, te verò, qui ab ea ad illius hostes defecisti, vera sensisse: illūq; iudicē à nobis huius nostri facti, atq; instituti rationē exigere: ego sanè hanc illi essem redditurus, quā non ingrata, immò gratissimam sperare, & considerē esse futuram: Tu domine, nos Ecclesiæ tuæ sanctæ obtēperare iussisti, & cū aliquando tuos Apostolos futuros, Ecclesię principes alloquereris, qui vos audit, dicebas, me audit: & qui vos spernit, me spernit: tu spōsam tuam dulcissimā, parentēq; nostram Ecclesiam pastorib. euangelistis, doctorib., prophetis & rectorib. exornasti: ijs me parēre pręcepisti, parui: horū doctrinā amplecti, amplexus sum: ijs credere, credidi: horū sequi vestigia, secutus sum: quid ergo? quia tuis parui mandatis & ministris, si ipsi falsi sunt, ego pœnas luā? nunqd me debui illis opponere, quos tu mihi p̄fecisti? q̄ obedire debui, de tuis legib. & illorū p̄ceptis insolēter iudicare? qs mihi veritatē explicaret, si cōcilia sefellerūt? cui meam salutē credere, si mater Eccl. meā perniciē meditabat? quis mihi lumē pręferret, & errāti viam felicitatis indicaret: si apostoli & Eccl. pastores sanctissimi & vetustissimi, quos tu lumina appellasti, mihi tenebras offuderūt *Matth. 5.*

NUM-

nunquid ego illis sapientior, aut sanctior
esse potui, aut debui, ut tuæ voluntatis, tua
rumq; legum me potiùs, quàm illos, inter-
pretem adhiberem? nullam tu aliam gra-
torem Deo victimam esse dixisti, quàm
2.Reg. 15. obedientiam: idq; tu domine obediens pa-
tri vsq; ad mortem crucis acerbissimam,
tuo exemplo confirmasti. recordabar eti-
am, quantis eos beneficijs affecisses, qui di-
uinis præceptis, qui parentibus, qui pasto-
ribus, ministrisq; tuis paruissent: contrà ve-
rò grauissimis supplicijs in rebelles & con-
tumaces à te fuisse animaduersum: memi-
neram te pœna capitali illum plectendum
Deut. 17. decreuisse, qui Dei sacerdoti non obtempe-
2.Reg. 15. rasset: memineram Saulem & regno, & vita
Dan. 9. spoliatum, quòd Samueli non paruisset:
noueram te Danieli inter summa Israëliti-
ci populi flagitia illud commemorasse,
quòd prophetis, qui diuinam voluntatem
regibus & populo interpretantur, credere
noluisset. ijs ergo commotus & exemplis
& legibus tuis, malui cum apostolis, cum
pastoribus, cū Concilijs, cum Ecclesia tua
sancta errare, (si modò obedientia error
appellanda est) quàm mecum, aut cum ali-
is vera sentire. quid enim aliud facere de-
bui?

Hui? illis? ne fidem non adhiberem, quorū
tu me fidei credidisti? mihi soli crederem,
& illos contemnerem: qui etiam si vera, cæ
teris deceptis, sentirem, arrogantie tamen,
atq; superbiæ crimen, quo nullum est de
testabilius, effugere non possem. si Eccle
siæ tuæ sanctæ obtēperasse, si illi credidisse
flagitium est: me reum huius criminis
agnosco. si qui credunt Ecclesiæ, damnan
tur: qui non credunt, præmijs afficiuntur:
cur nos illi parēre iussisti? cur eos, quos cru
delissimo mortis genere, & effuso inno
centissimo tuo sanguine, eterno patri con
ciliasti, in tantas angustias coniecisti: ut si
obedierint Ecclesiæ, cōdemnentur: si non
obtemperauerint, tibi infensi & inimici
reddantur? cur pateris eos in tanto discrim
ine & errore versari? quod me supplicem
& obsequentem Ecclesiæ, sanctisq; Conci
lijs præbuerim, dignum æterno supplicio
iudicabis? qui obedientiæ præmium am
plissimum sperabam, acerbissimam pœnā
sustinebo? quæ spes salutis miseris & calami
tosis illis hominibus reliqua esse potest,
qui nihil aliud vnquam audierunt, neque
didicerunt, nisi quod Ecclesia iussisset: si
qui illi credunt, pœnis sempiternis adiudi
cantur?

cantur? quòd si eam ob causam, quòd obediens Ecclesiæ fuerim, censes esse damnandum: non inuitus supplicium istud sustinebo, ne mihi vnquam inobediens fuisse videar. Non arbitror, Fabrici, honestam hanc meam defensionem, etiam si errantem Ecclesiam & Concilia secutus fuisssem, iudicē illum æquissimum, cui nullum est sacrificium obedientia iucundius, repudiaturum esse. Tu verò ijs, meo iudicio, verbis tuam causam ages: quæ quidem ego ex hac tua oratione colligam, ne illa à me conficta fuisse queri possis. Ego, domine, cū lumen euangelij tui papistarum improbitate extinctum esse animaduertērem: cū viderē concilia sæpe turpiter errasse: mutuis se decretis confecisse: in Satanæ nonnunquam synagogas cecidisse: tuam Ecclesiam à veteri tua disciplina fœdè degenerasse: istosq; Pontifices (in Siricium nempe, Gelasium, Leonem, Innocentium, Gregorium & alios digitum intendens) frequentissimè fuisse deceptos: eaq; præcepisse, quæ tuis legibus erant aduersa: reliquos verò Romanos Antichristos, iuratos ecclesiæ hostes, religionisq; proditores nihil vnquam boni fecisse, neq; deinde facturos fuisse: istosq;

docto-

*Mōtanus
quib. ver
bis suam
causam
agat.*

doctores, Hieronymum, Augustinum, Basilium, Chrysostomum & alios, vtpote homines in scripturarum interpretatione sapissimè hallucinatos: cùm per tantas ecclesie conciliorum, Pontificum, doctorumq; tenebras, lucem ipsam euangelicam Helias ille secundus, Lutherus, (quem miror hinc non adesse) curiosis oculis inspexisset, ne te defererem, qui veritas es, qui Deum potius, quàm homines audiēdos esse dixisti, illius doctrinam, qui mihi Deus quidam esse videbatur, complexus sum: & cùm pati potius debeamus scandalū nasci, quàm vt veritas deferatur, ego, cui in tam supina, tamq; diutina tot sæculorum ignoratione lux ista euangelicæ veritatis affulsit, non modò passus sum oriri scandala: sed concilia & Pontifices, tanquam veritatis hostes, contumelijs & opprobrijs, vt par erat, exagitaui: traditiones illas, aut potius nugatuorum Apostolorū neglexi: humana omnia decreta repudiaui, & deceptam ab illis imperitam multitudinē, solis euangelicis verbis erudiui: ecclesiam scindi, & cruentari antiquam potius religionē, quàm euangelicam veritatē interire passus sum. Ecclesie nos parēre iussisti, sed nō eius erroribus:

Con-

Concilijs, sed non falsa docentibus: Apostolis & doctoribus, sed non à tuis verbis declinantibus. quorum errores cùm ego manifestè deprehendiſſem, mihi soli potius vera ſentiēti, quàm illis omnibus mentientibus credendum putavi. qui ergo me pro veritate illorum erroribus conſtanter oppoſui, eamque ab illorum iniurijs vindicaui, & in libertatem aſſerui, immortalitatis præmium illis cultorib. promiſſum, & mihi iure debitum non obtinebo? Putāsne, Fabrici, hanc illi deſenſionem gratam eſſe futuram, cui nihil eſt inuiſius inſolentia, nihil humilitate gratius? Redi igitur ad te Montane; diei huius acerbiffimi, & maximè pertimeſcendi, frequens ſubeat tuum animum cogitatio: reſipiſce tãdem, & piſſimam matrem Eccleſiam, veritatis columnam & firmamentum agnoſce: diſcute hanc odij nebulã & furoris tuæ mentis oculis offuſam: & veritatis ſplendidiffimam lucem in Eccleſia, atque Concilijs potiſſimùm ſplendentem intueri: contumacem omnem arrogatiam Deo inuiſam, & veritati infeſtam depone: & Chriſti in cruce pendentis humilitatem & obedientiam aſpice & imitare; conſidera tecum ipſe, &c

se, & expende in tantis tempestatibus seditionum, & hæresum procellis, quibus fluctuât vestra gymnasia, in illis errorum fluctibus, in illo discordiarum & vertiginis Spiritu, quo, vobis auctoribus, Germania iactatur, neq; Deum, neq; veritatem posse ^{3. Reg. 19.} reperiri. neq; enim in commotione dominus, vt dicebat Angelus Eliæ, sed in Spiritu auræ tenuis, neque in illo vento doctrinæ, quo leues & inconstantes homines circumferuntur, veritas vnquam euangelica reperta est. Quòd si vbi duo Christi nomine cōgregantur, ibi Christus est, dic mihi, obsecro, qua ratione vbi duo ministri non modò Christi nomine non conueniunt, sed neq; Satanæ nomine in eandem hæresim conspirant, Christus aderit? vbi verò ille non est, veritas esse non potest. nam cum veritas inimica discordiarum, amica pacis, & otij sit, necesse est, vos, qui iucundissimā pacem tota Germania expulistis, simul etiam cum illa exterminasse veritatem: vt merito veritatis & pacis hostes iudicemini. memineris perturbatores pacis Christi discipulos non esse, qui pacem, morti proximus, Apostolis suis testamento legauerit: qui eam omnibus, qui verè Christiani sunt

M &

& appellantur, hereditario iure reliquerit: qui illam in ore semper gessit, & viuens, moriens, atq; resurgens impensè nobis cōmendauit: veni in Concilium, quod vnicus esse potest auctor recuperandę pacis, & murus firmissimus tuendę publicę tranquillitatis: reuertere ad Ecclesię sinū, vnde cum ingenti illius dolore, & magno tuo malo diuulsus es: redi in illius gratiā, quam de te optimè meritam ingratiissimè deseruisti: miserere si non afflictę & calamitosę matris, quę lugubris & lacrymabunda, filiorum suorum à vobis trucidatorum sanguine perfusa, supplices ad sponsum dulcissimum tendit quotidie manus, & ab illo suorum simul atque vestrorum vulnerum medelam efflagitat: miserere si non eius, quę suorum malorum oblita, vestrorum dolore confecta pro salute vestra preces & lacrymas fundit: miserere si nō ruentis & propè iam euersę religionis, si non tot animorum æterna morte, vestra culpa, pereuntium, si non tot Christianorum, qui passim crudelissimè trucidantur, quorum effusus sanguis diuinas aures crebris pulsant clamoribus: tui saltem ipsius, Fabrici, miserere, quę pro deserta religione,
pro

pro pace violata, pro scissa, atq; dilacerata tunica Christi, p hoc deniq; extremo, maximoq; flagitio, q̃ hac impia oratione tua in sacrum istud œcumenicum Concilium admisisti horrendum Dei iudicium, indignatio diuina, & acerbissimum, idemq̃ue sempiternum suppliciũ expectat. Sed vos ego iam ad extremum appello sacri Romani imperij electores, principesq; Germanię clarissimi, qui in tuenda Christiana religione principem semper locũ & auctoritatem tenuistis: qui ab Ecclesia Romana magnis, & immortalibus beneficijs exornati, pro tantis in vos illius meritis, nũc illius & disciplinam, & patrocinium deferere, & vefanis quibusdam, atq; tragico illo Oreste de mentioribus ministris potiũs, quàm sanctissimæ, & sapiētissimæ matri, & de vobis optimè meritæ credere voluistis. Multa quidem ego nunc ad eleuandam istorum ministrorum auctoritatem, quam magnā apud vos adepti sunt, afferre potuissem: quib. si patientes aures adhiberetis, nō dubito quin illorũ doctrina & auctoritas suspecta vobis & inuisa redderet. possem vobis sectas innumerabiles, pferre, quib. scissa est & dissipata Germania, quę aptissimè

M 2 testan-

testatur & clamant, & oculatis hominibus palàm & apertè videntur indicare, vbi tot sint dissidia, veritatem euangelicam, & veram Christi religionem esse non posse. possem illorum libros in medium producere, in quibus, qui se euangelicos profitentur, tanto stomacho, tanta rabie & furo re loquuntur, vt ne dæmones quidem, ne dum Christiani ita vnquam locuti fuisse videantur. possem ostendere, quàm sit indignum Germanica sapientia & nobilitate perpeti vos tot tyrannides quot hæreses, tot tyrannos quot ministros vestris animis dominari: qua quidem ego indignitate soleo mirari vehemèter excelsam illam, vereq; regiam virtutem vestram, istarum Syrenum cantibus iam diu consopitam, excitatam aliquando non fuisse, & turpissimum istud tot hæresum & hæreticorum dominatum à vestris ceruicibus non repulisse. possem illorum fraudes, atq; fallacias detegere, quibus efficere conati sunt, vt venenum istud mortiferum blandius in vestros animos irreperet. libertatem etenim carnis, veluti fucatam quandam, petulantemq; meretricem, & blandam conciliatricem, vestris oculis & sensibus obiecerunt, quæ

quæ suis lenocinijs vestræ assentaretur imbecillitati, & persuaderet post Christi mortem licere quidē vobis esse Sardanapalos: quæ totum illud molestum pœnarum, & ærumnarum pondus à vestris delicatis humeris in Christi seruatoris nostri humeros transferret: quæ seuerioris illius disciplinæ, quàm à maioribus accepimus, nervos omnes elideret: quæ, neglecta illa aspera & accliuvi virgultis & tribulis impedita virtutis semita, per amplam & spaciosam voluptatum & deliciarum viam liberum & iucundum excursum polliceretur: quæ ieiunia, nuditatem, abstinentiam, verbera, & omnem illam castigationem, qua petulantis carnis impetus frenantur, condēnaret: quæ lacrymas illas dolore peccatorū expressas, quibus ira Dei placari solet: impias esse diceret: quæ deniq; omnia pietatis opera sacrilegā simulationē esse diceret. O cæcam improbitatem, ô impudentem & nefariam hominum peruersitatem. Christus innocentissimus, vt illam corporis gloriam consequeretur, acerbissima subiit tormentorū genera: hæc em̃ (inquit Lucas) oportuit Christum pati, atq; ita intrare in gloriam suam: Luc. 24.
& ego peccatis & scelerib. coopertus ater.

M. 3 na

na corporis & animi beatitudine fruar? ille
 verberibus cæsus, clavis transfixus, luxatis
 membris, spinis, ferro & opprobrijs acerbis-
 simè vulneratus, tinctus suo innocentissi-
 mo sanguine ad patrem ascendit: & ego il-
 litus & perfusus voluptatū turpissimo cœ-
 no in consortium Angelorum euolabo?
 quod ille tantis laboribus est adeptus,
 ego nullo cōsequar negotio? clamat Chri-
 stus, Qui vult venire post me, abneget se-
 metipsum, tollat crucem suam, & sequatur
 me. quibus verbis nos rebus fluxis, atq; ca-
 ducis, delicijs, voluptatibus & nostræ vo-
 luntati renuntiare præcipit, & sublata cru-
 ce, hoc est, laboribus & iniurijs patienter
 exemplo suo toleratis illius vitam voluit
 imitari: & nos illorum improbissimis con-
 silijs acquiescemus, qui nos à tam apertis
 Christi verbis ad deliciosam vitam & ina-
 nem quandam confidentiam traducere co-
 nātur? Christus IESVS digito nobis viam
 cōmostrat, quam ille tinctam suo sangui-
 ne reliquit, per quam ingredi deberent il-
 li, qui eius vestigia sequerentur: Christus
 etenim (vt inquit princeps Apostolorū Pe-
 trus) passus est p nobis, nobis relinquēs ex-
 emplum, vt sequamini vestigia eius: & ego
 istorum hominum vestigijs inherēbo, qui
 nos

Luc. 4

1. Pet. 2.

nos mollissimis gressibus blādæ libertatis præcipites agunt in vitia, & in æternæ miseriæ barathrum deuoluunt? Possem istorum, qui se euangelicos iactant, immanem crudelitatem referre: qui si verè essent euangelici, viri euangelistæ Christi mansuetissima præcepta sequerentur, qui euāgelium non armis obtrudi repugnantibus, sed obedientibus & pacificis modestè voluit promulgari: illi verò non tam de promulgando isto suo euangelio, quàm de conciliandis sibi principum animis, de obtinendis illorum armis solliciti sunt: quibus hæc nouam tyrannidem tueantur, & nostrorum sanguine faturentur. O conditionem nostrorum temporum miseram, & calamitosam. Christus iniurias accipiendo, atque ferendo, suas hominibus leges promulgauit: ij verò inferendo non iniurias modò, sed cædes atrocissimas, suos errores Christianorū animis cupiunt inferere. ille acerbissima morte & innocentissimo suo sanguine euangeliū cōsignabat: ij verò suū euāgelium alieno interitu & cruore cōsignare cupiūt. hoc cine est esse assertores christ. relig. & non potiùs hostes capitales? Possē obijcere vestris oculis hæc miserā Ecclesiæ

faciem istorum ministrorum erroribus, & crudelitate deformatam, atque dehonestatam. possem Germaniæ ruinas, Angliam Christianorum sanguine redundantem, recentia nunc Flandriæ vulnera & incendia, Galliæ intestina & crudelissima bella, reliquarum prouinciarum acerbissimas plagas explicare: quæ quidem cum à vestris ministris inflictæ sint, apertissimè testantur, quàm sit eorum euangelium Christi euangelio cōsentaneum: cum hoc pacem, vitam, modestiam, mansuetudinem: illud verò bellum, mortem, furias, cædes & flamas in orbem Christianum intulerit. possem vobis antiquos illos sanctissimos viros & principes Germaniæ clarissimos cōmemorare, quorum alij sapientia & sanctitate vitæ Ecclesiam Romanam illustrarunt, alij incredibili animi virtute, potentia & victricibus armis ab hostium illam iniurijs vindicauerunt: qui si modò reuiuiscerent, ijs vos planè verbis increparent: Quid agitis filij? quò ruitis? quis vos ab Ecclesia, cuius nos præcepta secuti sumus, abduxit? quis à nostris institutis & præceptis abstraxit? an ideo hæc à nobis arma & principatū accepistis, vt quibus nos armis Ecclesiam

clesiam defendimus, vos eam oppugnaretis? ideo templa nos ereximus, ut à vobis euerterentur? illa exornauimus, ut vos expoliaretis? ideo pacatam & tranquillam religionem vobis reliquimus, ut vos illam à perditis hominibus turbari, sursum atque deorsum ferri pateremini? nos Ecclesiam sacrosantam Romanam religionis nostræ parentem, de Germania benemeritam, nostræ fidei commissam, coluimus, honorauimus, tutati sumus: & vos illam patriæ & auitæ virtutis obliti iniurijs & armis insequimini? nunquid nobis aut mens, aut consilium, aut pietas defuit, ut à nobis degenerare gloriosum iudicetis? Sic illos maiores vestros clarissimos viros vobiscum agere & loqui credite, quorum vos nec auctoritate frangi, nec pietate moueri, nec oratione leniri indignum est. Sed illud est longè indignius, quorundam vos potius ministrorum improbis persuasionibus, quàm domesticis & gloriosissimis maiorum vestrorum exemplis commoueri. quod quàm æquum, quàm honorificum vobis sit, vos ipsi iudicate. nec enim ego illum arbitror verè esse Germanum, qui sic à pristina illa & robusta virtute antiquorum Ger-

manorū desciuerit, vt se blandis Epicureo-
 rum quorundam assentationibus flecti,
 vinciq̃ue patiat̃ur: & illorū auctoritatem,
 totius ecclesiæ catholicæ auctoritati putet
 esse anteferendam. Ille, inquit Vincentius
 Lyriniensis, est verus Germanus, catholi-
 cus, qui veritatem Dei, qui Ecclesiam, qui
 Christi corpus diligit: qui diuinæ religio-
 ni, quæ catholicæ fidei nihil præponit: non
 hominis cuiuspiam auctoritatē, non amo-
 rem, non ingeniū, non eloquentiam, non
 philosophiā: sed hæc cuncta despiciens, &
 in fide fixus, & stabilis permanens, quid-
 quid vniuersaliter antiquitus Ecclesiā ca-
 tholicam tenuisse cognouerit, id solum si-
 bi tenendū, credendumq̃; decernit: quid-
 quid verò ab aliquo deinceps præter om-
 nes, vel contra oēs sanctos, nouū & inau-
 ditum subinduci sēserit, id nō ad religio-
 nē, sed ad tentationē potius intelligat pti-
 nere. quib. quidē verbis Vincētius effigiē
 & simulacrum nostrorū tēporū expressis-
 se, & vos admonuisse videt̃. Possē vobis irā
 diuinam, comminatiōes Prophetarum, &
 miserrimas strages populorū eorū, q̃ Chri-
 stianā religionē violarunt, cōmemorare,
 possem Asiæ, Africæq̃; puincias, oppida, ci-
 ui.

uitates, ob desertā ecclesiasticā disciplinā
dirutas, euerfas, & immanissimarū gentiū
obiectas crudelitati. possem Grāciam bea-
tam quondā, atq; florentē puinciam, nūc
verò spoliatā omni dignitate, & splēdore,
q̄ simul cū puritate religionis, amplissimū
quoq; imperium amisit, vestris oculis of-
ferre. Quæ quidē cū testēs sint locuple-
tissimi animaduersionis diuinæ, similem
Germanis exitum exemplo suo commi-
nantur. etenim violatæ religionis, misera
seruitus solet esse supplicium. plenæ sunt
exemplorum scripturæ sanctæ, quæ vobis
nunc magnum debuissent terrorē incute-
re, vt quamuis erecto & excelso animo fi-
tis, illum tamen, in cuius manus incidere
horrendum est, reformidare debeatis. est
enim magnanimi viri & eius, qui nihil ti-
meat, Deum timere: qui sæpè fortes ab im-
becillis, potētes ab infirmis, armatos ab
inermibus vinci, & in seruitutē redigi pa-
tia. quod quidē nunc vobis, viri Germa-
ni, vehementer pertimescendum est. No-
lo itaq; hæc omnia & alia quāplurima, quæ
magna & grauissima sunt, quæ vestrū hunc
ab Ecclesia discessū vobis exprobrāt, quæ
vos ab his ministris delusos esse testantur,
recen-

recensere: illud solum vos obsecro, & obtestor, clarissimi viri, vt in memoriam reuocetis illa duo vobis ab Ecclesia collata amplissima beneficia, quibus nulla ampliora ab hominibus sperari, nulla maiora hominibus conferri possunt. Christi etenim religionem, & sacros Romani imperij fasces, quibus nihil habet magnificentius terrarum orbis, ab Ecclesiæ Romanæ, & summorum pontificum manibus accepistis. deinde illud etiam vos oro, vt in afflictam, fauciam, calamitosam, & lacrymantem matrem Ecclesiam conuertatis oculos: & si in excelsis, liberalibus & gratis animis vllam habet vim acceptorū beneficiorum memoria & recordatio, ærumnosæ & de vobis tam benemeritæ matris, misereamini. etenim Germaniam delusæ, atque perditæ gentilitatis cæcis erroribus occupatam Romani Pontifices, effuso in eam euāgelicæ lucis splendore, ad veri Dei & Christi filij eius cognitionem adduxerunt. nam, vt interim Martialem, Sauinianum, Potentianum, & Altinum beatissimi Petri Apostoli, primi Christi Vicarij, & pontificis Romani discipulos prætermittamus, qui ab eo in Transalpinā missi re-
gio-

gionem, Gallias & inferiorem Germaniæ partem euangelico lumine illustrarunt, & Chilianum etiam missum à Conone summo Pontifice, qui Christi nomen & leges in Germaniam inferret, sanctissimus Gregorius secundus Germaniam idôla adhuc venerantem, & ante illas dæmonum statuas prostratam, atque iacentem misso Bonifacio monacho sanctissimo, atque doctissimo viro, ad aspiciendam euangelicam lucē erexit, & magnam Germanorū multitudinem Romam venientem benignissimè exceptam suis manibus vir ille religiosissimus, & gloriosissimus sacro baptismati initiauit: Saxones verò idolorum etiā cultores Hadrianus primus Caroli magni inuictissimi Gallorum regis præsidio à simulacris ad verū Dei cultum abstraxit: quos antea Sergius primus ad eum amplectendum fama virtutis, & sanctitatis excitauerat: Leo tertius, Ansgarij abbatis & beati Sigfridi opera & industria, plapsum iterum in idem crimen Germaniā, & denudò ad idolorum genua procumbentem subleuauit, & ereptam ex impia illa dæmonis tyrannide in libertatem asseruit. quod quantum fuerit beneficium, vobis expendenda-

dendum relinquo. neque enim quidpiam
esse potest inuisus Deo , aut contume-
liosius, quàm sibi debitum honorem si-
mulacris deferre : neque beatius quidpi-
am hominibus, dum in terris versantur,
accidere, quàm verum Deum nosse , at-
que illum purè & castè venerari. Neque
verò solum hoc tantum bonum , quod
ad animorum vestrorum salutem perti-
nebat, Ecclesiæ Romanæ acceptum re-
ferre debetis : sed illud etiam Romani
imperij sceptrum , quo Germania cæte-
ristotius orbis nationibus clarior, & il-
lustrior reddita est. etenim ius illud cre-
andi imperatorem Romanum , Grego-
rius quintus transtulit à Francis ad Ger-
manos, ut quorum fidem, pietatem, reli-
gionem in Ecclesiam & Pont. Romanos,
studium & operam in maximis difficulta-
tibus, & difficillimis téporibus fuerat ex-
pertus, eorù fidei, atq; potentiæ commit-
teret ecclesiæ patrociniū, ut eam ab om-
nium hostium, tyrannorù, inquam, & hæ-
reticorum insidijs vindicarent. sed nunc
iam, prò dolor, cogitur externa quærere
auxilia, ut dignitatem suam contra illo-
rum iniurias tueatur, quos sibi patronos &
de-

defensores adoptauerat: cogit plagas mortíferas & insanabiles perferre ab illis impositas, quos ipsa lethalibus animi vuneribus liberauerat: cogitur suis met armis, quæ vestris manibus ad suæ salutis defensionem commisit, excipere toto corpore vulnera acerbissima: &, quod est miserabilius, cogitur videre vos carissimos suos filios eisdem gladijs & flammis, quibus illius fortunas incēditis, & corpus vulneratis, acerbiores plagas, & maiora incendia vestris animis inferre. ô miserum, atq; funestum, & matri præsertim luctuosum spectaculum. & tamen cum sæpè ob alia longè minora crimina ius creandi imperatorem alijs nationibus abstulerit, & ipsos etiam imperatores ab imperij sede deturbauerit, nunc in tanta animi & vulnerum suorum acerbitate maluit in suis iniurijs conuiuere, quàm aliquid in vos decernere seuerius. Non modò electores, sed, quod maius est, potentissimos ipsos, ingratos tamen, imperatores, & qui illo honore imperij Romani ad ecclesiæ dedecus & Christi cōtumeliam abutebant, pontifices Romani anathemate sæpè ferierūt, & imperij dignitate priuauerunt. etenim Gregorius septi-

septimus Henricū tertium percussū primū anathemate, imperij deinde honore multauit, quòd improbis factis ecclesiæ pacem perturbaret: ille verò ad se reuersus cū sui eum erroris, atque scelerum pœnituisset, & nudis pedibus per niuem & glaciem incedens, supplex ad Gregorij pedes venire decreuisset, tribus tamen diebus Pontificis ianua phibitus tandem ad Canosij oppidi portas in agro Thegiensi, sui erroris veniam impetrauit. Alexander tertius Fredericum primū ob schisma excitatum in ecclesia Venetijs ad publicam pœnitentiam adegit. Innocentius tertius Othonem quartū imperio deiecit, quòd fidem ecclesiæ datam prodidisset, & iusiurandum violasset. Iam verò Fredericum secundum, summis beneficijs ab ecclesia Romana exornatum, cuius pater Henricus quintus Siciliæ regnum à Cælestino tertio & imperium acceperat, ab Innocentio tertio benignè & amanter educatum, & ab honorio tertio in supremum imperij fastigium euectum, ingratum postea summis Pontificibus, à quibus fuerat ornatus, & ecclesiam hostibus armis persequentem, ab Honorio anathemate percussus.

cūssum, Innocentius quartus Sicilia, Apuliaque regnis primū spoliatum, imperio demū exauctorauit. Seuera tunc animaduersione imperatorum insolentiam comprimebat ecclesia, & non solum in illos excommunicationis fulmina vibrabat, sed abdicabat imperio: & quemadmodum sceptrum imperatoribus iniquis, sic etiam ius creandi imperatores nationibus auferebat. nunc verò in maioribus suis iniurijs, incredibili vsa misericordia, neq; illum quidem spiritalem gladium in imperij electores, auctores tantorum malorum, eduxit, quo à suis altaribus, & Christianorum consortio suos hostes arcere consuevit: quia Germaniæ principes resipiscentes, & ad se redeuntes se visuram, & complexuram sperat. hac alitur & sustentatur spe, quam sibi de virtute vestra pollicetur, quæ erga vestræ salutis auctores gratos & acceptorum beneficiorum memores efficiet. tum verò & Ferdinandi Cæsaris clarissimi & religiosissimi imperatoris pietas incredibilis vestros animos ad sui imitationem incitabit: nec enim est æquum, eos ab imperatoris religione dissidere, qui non alio nomine, quàm tuendæ religionis gratia

N ius

ius istud acceperunt, & monstri iam simile videatur, imperatorem acerrimum esse patronum Ecclesiæ Romanæ, nonnullos verò electores, eius hostes implacabiles. Leo tertius ob imminentes ecclesiæ calamitates, & urbem hostium incursionibus obiectā, & armis vexatā, & oppressam, cū imperatores Constantinopolitani, opportunè iam tātis illius malis subuenire, alioq̃ ipsi ab hostibus circumuenti, nec molem tantam imperij, nec potentissimorum aduersariorum impetum possent sustinere, nullo illorum crimine, sed quia id Christianæ rep. ratio postulabat, imperium à Græcia trāstulit in Galliā: & Carolū Gallorū regē religiosissimū, & clarissimum virum imperatorem creauit. Cū ergo Pontifices Romani à Græcia in Galliam, à Gallia in Germaniam pro temporum & periculorum ratione fasces imperij transtulerint: cū plures imperatores ob excitatos in Christiana rep. tumultus & seditiones ab imperij fastigio sæpe deturbauerint, & alios in eorum locum suffecerint: quia indignum putabant, eos sceptrum imperij tenere, qui cū religionis propugnacula, conseruatores pacis, & ecclesiæ patroni esse

fa

se debuissent, illius tranquillitatē ambitio-
ne, cupiditate & studio p̄pagandi imperij
perturbarēt: nunc etiā si videt has funestas
flāmas, quæ vniuersas penē Christianas p̄-
uincias miserē populant in Germania ex-
ortas, atq; inde profectas in cæteras natio-
nes irreplisse: etsi videat vos, qui eas quāpri-
mū extinguere deberetis, nō modō non
cōpressisse, sed fouisse, & illarū excitatores
vestris armis p̄texisse: noluit tamē pijssima
mater, cā, q̄ in alios, in vos exercere seueri-
tatē: noluit vos haften⁹ aut spoliare digni-
tate aut hostes cēsere: noluit supplicio vē-
stro & ignominia suo mederi dolori, sed
summa patiētia (ne desperare de salute ve-
stra videret) in maximis suis iniurijs voluit
cōnquere, Itaq; ij oēs Pōt. Rom. Lēo, Ha-
drianus, Clemēs, Paulus, Iulius, Marcellus,
Paulus, & nunc dem ū Pius quartus sibi, &
ecclesiæ à Germanis illatas iniurias æquo
animo tolerarūt: & quo maioribus oppro-
brijs, & cōtumelijs affecti sunt, eo maiori
misericordia cōmoti, nō acerbaila medica-
mina, quibus in curandis ijs morbis eccle-
sia haftenus vsa est, exulceratis illorū vul-
nerib. adhibuerūt, sed incredibili clemētia
oīa alia remēdiorū genera experti sunt:

N A non

non feueritate, sed indulgentia vſi: non tam deterrere, quàm allicere: non tam v're & reſecare membra, quàm fouere voluerunt: non hoſtes declararunt, non ius imperij abſtulerunt: ſed literis amoris & benevolentiaë pleniffimis ad componendam pacem prouocarunt, legatos ſæpe miſerunt, ad Concilia vocarunt, omnia tentarunt, omnia experti ſunt, ne potiùs tanquam cum obſtinatis hoſtibus, quàm cum filiis errore aliquo lapſis agere viderentur. quia futurum ſperabant, vt Germania excitata aliquando tantorum beneficiorum recordatione ſeſe erigeret, durum iſtud & multiplex iugù hæreticorù excuteret, & illam pacem amaret, quæ in ea verſatur eccleſia, in qua vna fides & vnus Spiritus, non in qua tot fides quot miniſtri reperiuntur. Quæ cùm ita ſint, cùm vos, clariffimi Germani, Eccleſia Romana à deorum ſimulachris abſtractos ad vnius, veriſque Dei cultum adduxerit: dæmonis mancipia Chriſtiana libertate donauerit: omnia vobis conſequendæ æternæ felicitatis præſidia contulerit, & ornamenta ampliffimæ dignitatis: cùm nullum beneficij genus prætermiſerit, quod ad vos præ
ter

ter cæteras ratioēs exornādos ptineret, & quod est illustrius, suæ in vos voluntatis, & beneficentiæ, & vestri in illam parū grati animi argumentum: cū ab ijs, quos maioribus sibi beneficijs deuinxerat, se crudeliūs vulnerari sentiret, non de vindicta, sed de remedio vulnery vestrorum cogitauit: vobis iratis & armatis non se illa armis opposuit, sed lacrymis, & quorum manibus dilacerabatur, illorum misericordiam & auxiliū implorabat. Quid ergo? tam crudeli in illam vos animo nunc eritis, tam inhumano, tam immemori acceptorum beneficiorum, vt illius neque calamitatibus, nec lacrymis moueamini? in tam beneficam matrem non ingrati modò, sed impij reperiemini? vestris nunc genibus prouolutam & obsecrantem, vt concilio Tridentino adesse velitis, vt ministros venire cogatis, vt sanandæ religionis, & componendę pacis rationes arbitrio tantę synodi permittatis, superbè contemnetis? illam antè vos prostratam sua vulnera explicantem, beneficia, quę vobis contulit, cōmemorantem, amplexantè vestra genua, & ab illo cursu, quo in eius perniciem ruitis, retinere cupientē,

insolenter & inhumanè à vestris gentibus repellitis ? ita inflammati, & ardentes homines, cùm supplices ad se venientes suos hostes intuentur, non solum illis parcere, sed misereri, subleuare, & beneficijs prosequi solent : vos matrem tam piam, tam benè de vobis meritam, supplicem & collacrymantem, maiori crudelitate vexabitis ? nonne oportuit iam illius vos miserijs saturatos & expletos esse ? frustra ne vos illa aspectabit ? vos intuebitur ? vestram fidem implorabit ? iacentem, afflictam, supplicantem non modò non subleuabitis, sed affligetis amplius, & opprimetis ? O miseræ matris infelicia beneficia apud Germanos collocata, ô curam illam, atq; custodiam animorum vestrorum infauitā & luctuosam : quæ exitum tam miserabilem sortita est, ut qui ab illa immortalibus bonis fuerant exornati, crudeliores in illam hostes reperiantur ; qui laboranti subuenire debuissent, illi potissimum excidium, atq; vastitatem intentent : quos oportebat suarum calamitatum dolore frangi, ij nunc luctuosas illius exequias læti & alacres prosequantur. itaque non tam illi suorum templo-
rum

rum excisio, non bonorum direptio, non
sacrorum depopulatio, non tam filiorum
cædes, quàm hæc tanta indignitas misera.
& acerba est: non tam illa suas ruinas, quàm
interitum vestrorum animorum luget: nō
tam stragem suarum fortunarum, quàm
illam victoriam, quam de vobis reportat
hostis, vestræ salutis & suæ dignitatis la-
mētatur. quod vos à se abstractos videat,
quod suis beneficijs ingratos experiatur,
hoc illius animum vehementer excruciat,
hoc illā suspirare, gemere, lacrymas effun-
dere. & exclamare facit cum sponso, Au-
dite cæli, auribus percipe terra: filios e- *Isai. 64.*
ducaui & euexi: ipsi autem spreuerunt
me: quos ab idolis dæmoniorum abstra-
xi, ad hæresum nunc idola reuertuntur:
quos in libertatem asserui, iterum miseræ
seruituti mancipantur: quos eripui ab æ-
terna morte, vix nunc ipsi materno san-
guine satiantur: quos ornaui, me crude-
liter spoliant: quos imperij Romani fasci-
bus illustres feci, ipsi me omni dignitate
orbare conantur: quos mihi putabam v-
nicum esse perfugium, extremū moliunt
exitium. cuius iam fidē implorabo, si filij ca-
rissimi fidē pdiderunt? ad quē confugiā,

si ab illis eijcior? quò me recipiam, si ab illis expellor? quis miseræ opitulabitur, si illi oppugnant? Tu dñe Iesu Christe, spes vnica, solatiumq; miseriarū mearum, qui me sanguine tuo abluisti & decorasti: qui te nunquā meis rebus, salutē, atq; dignitati defuturū p̄misisti: qui tam sapiēs es, vt no-ueris: tā potēs, vt valeas: tā bonus & misericors, vt velis sponsæ afflictæ & laboranti subuenire: tu, inquā, dulcissime Iesu, qui solus potes, ecclesiæ tuę miserere. Tam durī, atq; ferrei eritis viri Germani, vt hic acerbissimus dolor & querelæ iustissimæ calamitosæ matris nō molliāt animos vestros? videte per Deum immortalem, ne his ecclesiæ lacrymis, & gemitibus Deus aliquādo commotus, excitatus & incensus ira, ad sumendum de vobis supplicium conuertatur. caute, ne istam puniendi tarditatem, collecta maiori indignatione, supplicij grauitate compenset: & qui solet in maximis hominū sceleribus diutius cōnīuere, iræ thesauros diuturnitate temporis, scelerū magnitudine collectos in vestram aliquando perniciē effundat. ecclesiā catholicā magnis ad se clamorib. vos euocātem audite. sacrum istud, & œcumenicū Cō-

cili-

ciliū Tridentinū, quod vestros ministros
tam amāter accerūt, & publica fide illorū
securitati p̄spexit, quod solū tantis malis
mederi potest, vnicū arbitrum & iudicem
agnoscite. existimate hanc Dei & ecclesiæ
extremā vocē iam esse, vos admonentē &
adhortatē, vt resipiscatis: vt hos ministros
tantorū malorū, & discordiarū authores
in Cōciliū venire cogatis: vt pax illa Chri-
stiani populi, ijs discordijs sepulta, reuiuis-
cat, & Ecclesiæ dignitas emergat ex ijs flu-
ctib. domesticarū seditionū: ne si hoc tan-
tum, tā frequēs, tam necessariū Concilium
negligatis, dissidia & eternū bellū voluisse
videamini. Si doctrinæ vulnera sanare cu-
pitis, adsunt medici peritissimi: si abusus
delere, nouam ecclesiæ faciem inferre, &
collapsū Christi templum reficere, ad-
sunt architecti clarissimi, quorum opera
templi ruina, & Ecclesiæ vultus refician-
tur. ne patiamini hanc occasionem diui-
nitūs oblātā ē manibus excidere: qua
sublata, quid futurum putatis? nisi vt, cū
nulla sit iam doctrinę Christianę pars, quę
nō vulnus aliquod à vestris ministris acce-
perit, cū oēs Reip. Christianę partes cō-
uulsæ & labefactatæ sitn, breui vniuersam

N 5 Ger-

Germaniam, (nouis quotidie nascentibus errorib.) dissipatā, bustum quoddam religionis, & legū diuinarum, exemplum deniq; seueritatis diuinæ redditā conspiciatis: vt clarissima puincia, sicut ille dixit, quæ erat antea castæ & incorruptę sacrariū veritatis, impiū ac turpium errorum lupanar fœdissimū efficiatur. Intestinis odijs ardere videtis iam eos, quos Christus mutua caritate voluit ardere: bellis domesticis cōflagrare, quos placidissima pace Christus gaudere, & illam potissimū suos discipulos colere, & cōplecti voluit: quasi parū sit Turcarū armis ecclesiā affligi, atq; vastari. oīa deniq; perturbata, excisa, & pp̃e iam euersa videtis. mysticū hoc Christi opt. max. corpus dissipatū, pulcherrimum istud ædificiū ecclesiæ, quod Christi sanguine coagmentatū est, hīscere iam, atq; dissolui cruore nostro intuemini. vnica est illud restaurādi, atq; reficiēdi via, pax, & cōcordia Christianorū. noluit quoddam Deus, nisi cōposita primū pace, sibi templū consecrari. itaq; post domitas multas gētes, atq; nationes, cū nullus audiret iam armorū strepitus, neq; quispiā contra populū Israeliticū armacaperet, sed oēs vi-

cinæ

tinæ, puinciæ cōquiescerent: Solomon tē-
plum illud amplissimū ērexit, & dño con-
secrauit, atq; idem sæpè ab hostibus euer-
sum pacis beneficio resectū est. Videt nūc
Ecclesia Christi spē vnicā cōponendæ pa-
cis in hoc sacro Cōcilio Triden. litā, & col-
locatā esse: ad eā vos amplectendā inuitat:
qua cōciliata, quemadmodum templū il-
lud Hierosolymita. inimicorū multoties
incursiōib. dirutū, ex dissipatis & collapsis
lapidib. rursus erectū & restitutū est: ita nūc
templū istud, Christi, inquā, corpus, quod
est ecclesia, luxatū & mutilū, ex languidis,
emortuis & abscisis membris reficiat iterū
& renouetur: vt, instaurato hoc ædificio,
oēs, consentientib. animis, vnica, eademq;
instructi doctrina, eadē spe erecti, iisdem
caritatis vinctulis & amoris flammis incēsi
& colligati, Christo capiti adhærentes &
agglutinati, eiusq; vicariū Pontificem Ro-
manum, totius Ecclesiæ principem & pa-
storem, huiusq; sancti templi Pontificem
max. venerātes, dulcissima & optatissima
pace perfruamur: quam vobis, viri Germa-
ni, in CHRISTO IESV domino nostro
opto sempiternam.

F I N I S

















